






Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 1.7.438





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CfMAGL 1.7.438







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CMAAGL 1.7.438




Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.438






1. 7. 438





















SELECTA  
NUMISMATA  
ANTIQUA

Ex Museo PETRI SEGVINI, S. Germani  
Altiſſiodorensis Pariſ. Decani.


*EIVSDEM OBSERVATIONIBVS ILLUSTRATA.*



LVTETIÆ PARISIORVM,  
Apud SEBASTIANVM MABRE-CRAMOISY.

M. DC. LXVI.  
CVM PRIVILEGIO REGIS.







SELECTA  
NUMISMATA  
EX MUSEO  
PETRI SEGVINI.

---

CAPVT PRIMVM.

*Deorum Nummi.*



CENAM aperient paucae veterum Deorum & Dearum icones, raris quibusdam numismatis insculptae. Atque ut sit ab Iove principium, nummum proferam, primo quidem intuitu contemnendum: nam si

A



2 SEL. NVMISMATA

molem consideres, parvulus est; si metallum, plumbeus; sed si penitus introspicias, latens in eo singulare quiddam animadvertes.



I.  
SERAPIS.

**S**ERAPIDEM cernis modio insignem, immo Iovem Serapidis vultu cultuque insignem cernis. Quis enim nesciat Serapidem apud Ægyptios, eundem fuisse atque Iovem, & Ammonem, & Ditem, & Solem, & Æsculapium, & Nilum qui Αἰγυπ-  
Lib. 5. pag. 203. πῆλος Ζεὺς apud Athenæum, & Iupiter Pha-  
Lib. 9. Epig. 36. rius à Martiale denominatur.

*Scis quoties Phario madeat Iove fusca Syene.*

Lib. 4. hist.

De Iove, Dite, Æsculapio testatur Cornelius Tacitus. *Deum ipsum multi Æsculapium, quod medeatur agris corporibus, quidam Osirim antiquissimum illis gentibus numen: plerique Iovem, ut rerum omnium potentem, pluri-  
rimi Ditem patrem.*



# DE ORVM.

Idem nobis innuunt nummi veteres,  
quorum vnus erit instar omnium.



**Æ**REVS est primæ magnitudinis, & II.  
maximis qui *Medaglioni* ab Italis SERAPIS  
vocantur, proximus, atque in Ægypto ipsa AMMON.  
cusus, vt ex cælatura colligunt peritiores  
Antiquarii. Ab vna parte præfert caput  
Antonini Pii cum inscriptione, AYT. K. T.  
AIA. AΔP. ANTΩNINOC CEB. In averfa, ca-  
put barbatum cum parte thoracis, orna-  
tum pluribus prædictorum numinum infi-  
gnibus: in quibus sane præcipua Serapi-  
dis apparet persona, ob calathum capiti  
impositum. Sed tamen Iovem ipsum a quo-  
orsus sum, saltem Ammonem, satis desi-  
gnat cornu arietinum: vt & Ditem pa-  
trem, trifidum illud sceptrum humero  
A ij

dextro appositum, cui etiam involuta serpens, ad Æsculapium pertinet: Solem seu Osirim, πολυόμμαν corona radiata, clarius quam assertione sit opus, explicat. Denique Cornucopiæ Nili vbertatem, & fecunditatem designat.

Cùm igitur Serapis tot numina, & eorum dotes in se contineat, nil mirum si Monetarius, qui primum nummulum nostrum in honorem ipsius procudit, in aversa parte solum inculpsit verbum ΦΥΛΑΞΕ, hoc est *conservabit*. Doricum enim est φυλάξει. Vel certè significat *Conserua*, vt sit Imperativus à verbo φυλάξω quod fiat à Futuro verbi φυλάξω. Neque enim novum est fieri præsentia ex futuris. Vt apud Euripidem Hecuba τί λέξεις; *quid dicis?* & alia ejusmodi multa. Scilicet a Serapide, tanquam Iove omnium rerum potente, quælibet sperabat bona: tanquam a Dite, divitias; a Sole vitæ autore, vitam diuturnam; ab Æsculapio, salutem corporis; a Nilo, vberiores proventus: quæ omnia conferunt ad vniuscujusque φυλακῇ & δυνάμει. Idque juxta veterem inscriptionem apud Gru-



terum. DEO INVICTO SERAPI SER- pag. 85.  
 VATORI. Potuit etiam levis iste nummus,  
 quasi *Φυλακτήριος*, gestari & circumferri pro  
 amuleto, ad avertenda quælibet mala, vt  
 creditur de pluribus nummis, quos angu-  
 stiori foramine pertusos videmus, nempe vt  
 collo vel brachio appenderentur.

Sed si liceat sacra profanis immiscere,  
 & eos audire, qui asserunt Iosephum Pa-  
 triarcham, sub forma & nomine Serapidis  
 adoratum ab Ægyptiis: cur non eis licuit  
 sub ipso verbo *ΦΥΛΑΞΕ*, sperare salutem  
 & conservationem suam ab eo, quem Pha-  
 rao *Salvatorem mundi* vocitavit, cum pru- Genes. 41.  
 dentiam summam, qua difficillimis tem-  
 poribus annonæ copiam Ægypto provide-  
 rat, miraretur. Cur non liceat etiam suspi-  
 cari Deum Opt. Max. qui bona ex malis  
 elicit, Idololatriis istis etiam nesciis, per-  
 misisse vt Iosephum venerarentur, non Io-  
 sephi causa, sed Christi veri hominum Ser-  
 vatoris, cuius hic figura & typus erat? præ-  
 fertim cum venerandæ crucis prænotio-  
 nem aliquam Ægyptii Vates habuerint. Lib. i. de san-  
cta Cruce.  
 Certe legere me apud Gretserum memi-

A iij

ni, Theodosio imperante, cum fana Gentilium ejus edictis diruerentur, plurimos lapides in ruinis templi Serapidis repertos fuisse cruce insignitos, adeo ut Gentiles dicerent, aliquid esse Serapidi commune cum Christo: seque a majoribus accepisse, inter litteras quas vocabant *ἱερογλυφικὰς* seu sacerdotales, unam reperiri quæ haberet crucis formam, nempe T, & apud peritos notarum hieroglyphicarum significaret *vitam venturam*. Sed & qui Christianam ad fidem convertebantur, se in arcanis habuisse narrabant, tandiu colenda sua numina, quoad viderent signum istud venisse, in quo esset vita. Addit Gretserus ex Arabum sententia, etiam in Serapidis pectore crucem pingi solitam. Vnum hoc certo scio, Ægyptios statuas Isidis hac ipsa littera T signare solitos: quod & probare peculiari argumento possim, & proprie meo; ducto scilicet ab antiqua ejusdem Deæ statua bipedali Ægyptiaco ex marmore, quam possideo: in qua Isis dextera premit signum illud T, quod dextro lateri ipsius adhæret. Idem testatur luculenter Tabula Isiaca Pe-



tri Bembi, in qua plurimæ ejusmodi icones, cum eodem signo depictæ sunt. Locum habeat igitur *φυλακτήριος* nummulus noster inter rariores: præsertim si jungatur cum majori illo Antonini Pii, cujus auctoritate fulcitur & declaratur.

**I**OVEM sequetur sua Iuno & soror & Conjux, cum Diana Persica & aliis quibusdam asseclis minorum Gentium, Hippona, Sorte, Cabiros. Iuno inquam, sed Moneta, cum novo Epitheto *Salutaris*. Illam exhibet denarius argenteus, similis nummo secundo familiæ Carisæ apud Ful. Vrsinum, in antica habens idem caput fœmineum, cum verbo MONETA; & in aversa, instrumenta monetalia, cum hoc solo discrimine, quod loco nominis T. Carisii Triumviri monetalis, expressa sit illa dictio SALVTARIS.

III.  
MONETA  
SALVTARIS.





Nemo nescit Iunonem cognominatam Monetam, vel propter vocem ex ejus templo auditam, qua, cum terræ motus factus esset, paulo ante Romam captam a Gallis, monebantur Romani, ut de sue plena fieret procuratio: vel quod, ut scribit Suidas, in bello contra Pyrrhum & Tarentinos, indigentes pecunia Romani, a Iunone cui sacra fecerant admoniti sunt, si justitiæ armis vterentur, pecuniam ipsis non defuturam: quod cum feliciter cessisset, Monetam Iunonem venerati sunt. Hinc profectum, ut numisma, id est moneta inscripta, in ejus templo asservaretur.

Posteriori sententiæ libentius assentior, & in nostro nummo tam Iunoni Monetæ Deæ, quam Monetæ ipsi pro numismate acceptæ, *Salutaris* nomen quadrare arbitror. Nam si Deam ipsam Monetam aut monentem spectes: C. Fabricius ipsius mandata servans, non minori æquitate & justitia, quam virtute bellica effulsit, contra Pyrrhum dimicans. Cum enim Regis medicus ad ipsum misisset, pollicitus se dominum suum venenata potione perempturum

rum, Fabricius tantum scelus averfatus, perfidum apud Pyrrhum denuntiavit, & post aliquas pugnas, cum ipfo, æquo & iniquo Marte commiffas, tandem victoria & magna præda potitus est: ficque cum Iuftitiæ armis, juxta monitum Iunonis vſus fuiſſet, magnam vim auri & argenti adeptus eſt, cujus ope bellum confecit, & Monetam ipſam quovis modo ſumptam, SALUTAREM expertus eſt. In tanti ducis forte mêmoriam & exemplum, quiſquis argenteum nummum cudit, cogitavit pecuniam eſſe nervum belli, & *Salutarem* Reipublicæ Romanæ quæ armis tota nitebatur. Nec omittere poſſum proverbium Gallicum, licet vulgatiffimum, quo fertur nummos præſentes, aptiſſimum ac ſaluberriſimum eſſe cuilibet morbo remedium & pharmacum, ac proinde ſalutares dici poſſe.

**N**VMMVM ecce alium profero, æreum IV.  
 illum parvumque, ſed integerrimum DIANA  
 & exquisitiſſimæ celaturæ, habentem ab PERSICA.  
 vna parte caput Dianæ cum pharetra, &  
 verbo ΠΕΡΙΚΗ, ab altera aram cum fo-

B





DIANA hæc PERSICA, vt refert Plutarchus in Lucullo, trans Euphratem colebatur summa religione, cui sacræ pascebantur boves, nullo custode, erantque tantummodo signo Dæ notatæ, nempe face vel lampade: ac nullis vinculis alligatæ, per totam regionem vagabantur, nulli vsui alteri quam sacrificiorum, nec facile a quolibet detinebantur. Earum vna sponte sua, Lucullo flumen cum exercitu transgresso facta est obviam, capite demisso, tamquam staret sub securi, & continuo est immolata ad faustum omen. Addit doctissimus Lilius Gyrardus ex Plinio & aliis, Castabalis Ciliciæ oppido, *Persicæ Dianæ* templum fuisse, tantæ religionis, vt in eo dicatæ Virgines, continuo quodam miraculo, seu vt melius dicam, præstigio, super prunas nudis pedibus deambulant innoxie. Sed & Pausanias re-

fert præcipuo honore cultam fuisse *Dianam Persicam* apud Lydos, & celeberrima templa illi erecta Hypæpis & Hierocæsareæ: cuius postremæ testis est indubitatus nummulus noster. At Corn. Tacitus loquens de *Ann. lib. 4.* jure asylorum, quod sibi vindicabant plures Asiæ & Insularum civitates, quibus modus præscriptus est a Senatu, ad coercendam licentiam & impunitatem asylorum, ac seditiones populorum, qui prætextu pietatis in Deos, flagitiosissimos quosque ad templa confugientes protegebant: inter alios inquam populos, qui de jure asyli contendebant, memorat *Hierocæsareenses* nostros, qui Senatui exposuere, *Persicam* apud se *Dianam*, delubrum Rege Cyro dicatum: & memorabantur *Perperna*, *Isaurici*, multaque alia Imperatorum nomina, qui non modo templo, sed duobus millibus passuum, eandem sanctitatem tribuerant.

**A**LTER ecce æreus secundæ magnitudinis, ab vna parte LIBERAM referens facie, & nomine; ab altera, HIPPO-  
NAM, item cum suo nomine.

V.

HIPPONE.

B ij





in Apol.

Sat. 8.

Lib. 2.

VI.

SORS.

De Libera trita sunt omnia: Hippona non ita vulgaris. Hanc ut Deam equorum & stabulariorum antiqui venerati sunt. Tertull. *Vos tamen non negabitis jumenta omnia, & cunctos canterios cum sua Hippona coli a vobis.* Ante ipsum cecinerat Iuvenalis,

jurat

*Hipponam, & facies olida ad praesepia pictas.* Ipsi effigies in stabulis collocabatur, ut apposite describit Apuleius. *Respicio pileæ medio qua stabuli trabes sustinebat, in ipso meditullio, Hippona Dea simulachrum, residens edicula, quod accurate corollis roseis recentibus fuerat ornatum.* In nostro certe nummo sinistra manu rosam gestat, nempe ut rosarum odore foetor stabuli levare possit.

**S**EQVITVR SORS in æreo nummo mediocri depicta.



Quid enim aliud caput illud juvenile foemineum repraesentaret? cum simile sit omnino capiti item foemineo, quod Fulvius Ursinus exposuit in familia Platoria sub nomine Sortis. Literæ autem C S quæ ordine alio Senatusconsultum designarent, quid hic significant nisi *Casum* & *Sortem*? quæ quidem duo confundit ipse Cicero, & usurpat pro fortuna, his verbis. *Quid enim Sors est? idem propemodum quod micare, quod talos jacere, quod tesseras: quibus in rebus temeritas & casus, non ratio, nec consilium valet.* Sed & isti tali in averfa nummi parte positi, cum M. Tullio mirifice conveniunt. Quatuor enim sunt officula quadrilatera, quibus lusitabant veteres, ut manifeste insinuat inscriptio nostra rarissima: QVI LVDIT ARRAM DET QVOD SATIS SIT. Quod ad *Arram* pertinet quæ

Lib. 2. de Divin.

B iij



in nummo sine aspiratione cælata est, suspicor ab antiquis idem observatum in ludo, quod nostris temporibus servatur in eo, quam primam vocitamus, ut videlicet cuncti ludentes, initio certam & numeratam pecuniæ summam exhibeant, quam recipere non liceat ante ludum consummatum, quod nos cavare dicimus Itala dictione. Annon etiam pro *Arra*, in manus ludi magistri deponatur ea summa, quæ respondeat notis & tabellis quibusdam ab eo acceptis, pro certa pecuniæ summa, quibus pauculis ingens argenti pondus designetur, ut jactura levior appareat: ingenioso lenimento, usque dum relata & repræsentata tabellæ, pecuniam amissam exigant.

VII.  
CABIRVS.

**P**RODIBIT tandem CABIRVS sive Deus, sive Dæmon, sive Deorum minister, secundum varias antiquorum opiniones. Hunc exhibet nummus æreus secundæ magnitudinis stantem, seminudum, dextra vasculum aut quid aliud cognitu difficile, sinistra malleum gestantem, cum nomine ipso ΚΑΒΕΙΡΟC.



Cogit me malleus iste ab eorum stare partibus, qui Cabiros Vulcano & Cabera Protei filia genitos sentiunt, & ignis vsum atque æris ferrique fabricam homines docuisse. Scio hæc ab aliis ad Telchinas aut Idæos Dactylos referri; sed Telchines & Idæi Dactyli, & Cabiri, immo Curetes & Corybantes, iidem sunt ex plurimorum sententia, in quam libentius abeo: & ex varietate locorum in quibus degebant aut colebantur, opinor diversa sortitos esse nomina. Non enim in Creta solum, vbi Iovis educatores habiti sunt Curetes; vel in Phrygia, vbi magnæ matris ministri & assessores ab Ida monte Rheæ dicato Idæi Dactyli: sed etiam in Samothrace, Imbro, & Lemno (in qua Vulcani officina) colebantur. Certe Thessalonicenses (apud quos cusus est noster nummus, cum capite fœmineo tur-



rito, quod urbem ipsam Theſſalonicam deſignat, addito verbo ΘΕCΑΛΟΝΙΚΗ) hiſce Inſulis ſunt vicini. Sub quolibet igitur nomine haberi velimus hoſ ſemones, plurima ad vitam vtilia excogitaſſe dicuntur. Primi omnium, ſi Diodorum audiamus, greges coëgerunt, & reliqua pecora manſuefecere, mellis uſum & venationem induxerunt, & homines ad civilis & communis vitæ diſciplinam inſtituerunt. Enopliam & Pyrrhicham ſaltaverunt armati, unde forte Corybantes ſunt appellati a galea, quæ Græce κόρυς dicitur.

VIII.  
DAMNA-  
NEVS.

**E**QVIDEM nummum æreum Græcum primæ magnitudinis poſſideo, Antonini Pii, qui in averſa habet figuram equeſtrem ornatam galea, quam Corybantis alijus exiſtimo. Conjecturæ locum dat Lilius Gyraldus. Enumerans enim Idæos Dactylos, qui & Corybantes ſunt Straboni, vnum eorum Damnaneum vocat, quod nomen in meo nummo reperitur, etſi aliquanto contractius: pro ΔΑΜΝΑΝΕΥC enim habet ſolum ΔΑΜΝΕΥC vna minus ſyllaba,

syllaba, vt videre est in ectypo hic appo-  
sito.



Quicquid sit, sub nomine Cabirorum plu-  
rima dicata sunt templa, quorum e nume-  
ro celeberrimum in Ægypto fuit Herodo-  
to teste, quod ingredi nemini nisi sacerdo-  
ti fas erat. Illud tamen Cambyfes evertit,  
& incendit, quamvis Cabirorum iras & in-  
dignationem hominibus inexorabiles asse-  
rat Pausanias. Quippe non impune tulisse  
milites Mardonii Persæ, qui in Bœotia sta-  
tiva habuerunt Xerxis ævo. Cum enim eo-  
rum quidam Cabirorum ædem introissent,  
vel prædæ cupiditate, vel numinis contem-  
ptu, subita correptos insania, partim in  
mare se abjecisse, partim e præruptis rupi-  
bus præcipites se dedisse fabulantur. Nec  
minores luisse poenas Alexandri Mag. mi-  
C



lites qui agrum Thebanum devastantes ,  
in idem fanum irruperant , & fulminibus ,  
aut e coelo missis ignibus exanimatos. *Tan-*  
*tane ullis Semonibus ira?*

IX.  
NUMMVS  
MYTILE-  
NEVS.

**C**VM de nummis agamus , qui quodam-  
modo Deorum sunt proprii , non præ-  
termittendus mihi videtur insignis iste My-  
tilenæorum , præferens ab vna parte caput  
muliebri turratum , cum inscriptione ΠΡΩ-  
ΤΗ ΛΕCΒΟΥ ΜΥΤΙΑΗΝΗ. In aversa vi-  
dere est quasi conventum aut concilium  
Deorum , his additis verbis , ΟΜΟΝΟΙΑ  
ΜΥΤΙΑΗΝΑΙΩΝ.




Frequens in nummis Græcis reperitur di-  
ctio , ΟΜΟΝΟΙΑ : per quam vnaquæque  
gens aut civitas , societatem aliquo foedere  
junctam , cum vicinis vrbibus designabat ,

adhibitis Numinum iconibus, quæ in earum qualibet colebantur. Sed in nullo alio memini me videre tot figuras. Quinque etenim in nostro numerantur, quarum media sedet Cybele Deum mater, quæ in Phrygia, & circumpositis minoris Asiæ partibus, in magna veneratione habebatur, vt etiam apud Mytilenæos: quippe quæ primas tenet in eorum nummo. A dextris Cybeles stat cum angue & baculo Æsculapius Pergamenorum patronus, cui adstat Dea quædam, sinistra demissa sistrum tenens, Isis symbolum perpetuum. Nisi malis esse rhombum cum figura sua quadrilatera oblonga, qui Hecates Byzantium Numinis erat insigne, & quo tortis filis confecto, utebantur olim maleficæ mulieres, ad deducendam Lunam. A sinistris Cybeles, locum occupant, Diana Ephesia cum suis mammis ac verubus: & Nemesis, adjuncta sibi ad pedes rota, qualem videmus in quibusdam Smyrnæorum nummis. De attributis & insignibus tot Numinum rectico. Qui plura scire desiderat, adeat Liliū Gyraldum in syntagmatibus suis. In-



terim mihi sufficiat in lucem edidisse elegantissimum numisma, cujus ne typum quidem alibi videram.



## CAPVT SECVNDVM.

*Illustrium Nummi.*

ROXIME ad Deos accedunt Heroës, Reges, vrbium Conditores, qui civilem vitam instituerunt. Plures Io. Faber inter Illustrium F. Vrsini imagines nobis exhibuit: aliqui tamen ipsum fugerunt vtriusque sexus. Primum inter eos CYZICO locum dabimus, qui olim ad oram Propontidis regnavit, & ab Argonautis ad vellus aureum pergentibus, incaute occisus est. Ipsi vultum juvenilem ac venustum, capite diademato, refert noster nummus æreus, secundæ magnitudinis, cum nomine KYZIKOC. In averfa visuntur duæ tædæ, serpentibus involutæ, quarum in medio ara cum foco. Inscriptio sic legitur: KYZIKH. NON NEΩKOPON.

I.  
CYZICVS.



Ille igitur ipse Cyzicus Rex, in antica parte nummi sculptus est, qui nomen suum indidit vrbi tantæ inter Asiaticas Græcas famæ, vt a Ioue in dotem Proserpinæ datam, asserat Appianus Alex. quemadmodum & fabulantur Poëtæ, Siciliam in Plutonis & ejusdem Proserpinæ nuptiis novæ nuptæ ab eodem Ioue donatam, pro anacalyptris seu anacalypteriis, quæ sunt exhibita sponsæ munera, cum resecta primum facie, in virorum conspectum prodit. Cyziceni itaque Proserpinam summo cultu prosequuntur, præ omnibus aliis Numinibus. Nec ipsi soli, sed etiam Sardiani: quorum geminum numisma hic obiter ex meo scrinio apponere, non ingratum antiquæ rei studiosis fore reputo: præsertim cum plurima ad Deam pertinentia, in vtroque videantur.

C iij



II.  
PROSER-  
PINA.

**P**RIMUM æreum est & maximum, in  
cujus antica parte, caput muliebre



cum velo, sub quo corona spicata cum  
papaveribus cernitur, hac prægrandi in-  
scriptione *ΚΑΡΔΙΟΝ ΑΚΙΑΣ ΑΥΔΙΑΣ*.  
*ΕΛΛΑΔΟΣ Α ΜΗΤΡΟΠΟΛΙΣ*. *Sardis*,  
*Asie*, *Lydia*, *Græcia*, *prima metropolis*.  
In averſa, Pluto in quadrigis, caput ve-  
lo volitante circumdatus, ſuæ divinitatis  
ſymbolo, ſiniſtra ſceptrum tenet, dextra  
Proſerpinam rapit. In ære volitat Cupidi-  
nis larva quædam; ſub pedibus equorum,  
jacet vaſculum: annon quaſillus Proſer-  
pinæ, aut calathus floribus colligendis,  
quibus abundabant prata Enneſia, ubi  
ſpatiabatur *ΚΟΡΗ*, tunc cum Ditis tha-



lamo digna visa est? Inscribitur nummus  
ΕΠΙ C...ΕΡΜΟΦΙΛΟΥ ΣΑΡΔΙΑΝΩΝ ΝΕΩ-  
ΚΟΡΩΝ. Illud numisma, e maximis vt di-  
xi, cūsum videtur tempore Gordiani ter-  
tii. Hermophilus enim ille Sardonorum  
Præfectus, etiam notatur in averſa parte  
nummi huius Imperatoris, apud Occonem  
in Gordiano tertio. Nec forte totus a ſco-  
po aberrarem, ſi conjicerem, in eo ſub  
icone Proſerpinæ, effictam eſſe Tranquilli-  
nam ipſius conjugem.

III.

**A**LTERVM Sardonorum numisma item PROSERPINA  
æreum, ſed mediocris magnitudinis, ALTERA.



caput habet fœmineum, partim velo, par-  
tim corona turrata inſigne: ipſamque vr-  
bem denotat addito nomine ΣΑΡΔΙC. In  
averſa videre eſt figuram Proſerpinæ, orna-  
tu ſingulari decoram, & ſtātem inter ſpicam  
frumentariam, ac papaver, cum inſcriptione  
ΣΑΡΔΙΑΝΩΝ ΝΕΩΚΟΡΩΝ. Sed de

nummis hisce duobus, qui integrum commentarium exigent, paucula hæc dicta ex occasione sunt.

*Lib. 12.*

*Lib. 5. cap. 14.*

Ad Cyzicenum nostrum redeamus. Ejus averſa in parte dux illæ tædæ pineæ, in Ætna monte accenſæ conſpiciuntur, quibus uſa Ceres, a duobus etiam ipſis anguibus vecta, filiam a Plutone raptam per orbem quæritabat. De pulchritudine & amplitudine Cyzicenæ vrbiſ mira Strabo, ubi eam conſert cum Rhodo, Maſſilia, & Carthagine. Sed Florus in Mithridatico, eam alteram Romam appellat, & nobilem civitatem, quæ arce, mœnibus, portu, turribuſque marmoreis, Aſiaticæ plagæ littora illuſtrabat. Sozomenus aſſerit eam nobilitatam privilegio cudendæ monetæ Imperialiſ: ſed longe ante ipſius tempora, ſtateres Cyziceni in pretio habiti ſunt, quod eleganter ſcalpti eſſent. Itaque nil mirum ſi tam præclaræ vrbiſ conditor Cyzicus, apud poſteros commendatur.

ORDI-



**O**RDINE temporum sequitur Smyrnaeus nummus, æreus item, & secundæ magnitudinis. In eo figura muliebris medio corpore, capite turrito, dextra bipennem in humero gestat. Inscript. CMYPNA. In averfa, graditur Leo, CMYPNAION. IV.  
SMYRNA  
AMAZON.



Si sola corona turrita insignis esset hæc fœmina, Cybelen Deum matrem, aut urbis Smyrnæ symbolum esse crederem: sed bipennis hæc qua armatur, omnino mihi persuadet, hic repræsentari Amazonem quæ Smyrnæ nomen dedit. Leo in averfa parte, virtutem & fortitudinem bellicam Amazonum, & ejus præcipue quæ urbem istam condidit, designare non immerito credi possit. Scio equidem Amazonas a multis pro nugis reputari, qui & Smyrnam ab Ionibus aut Æolibus conditam arbitrantur. Sed alii earum irruptionem comme-

D



Lib. 12.

Lib. 14.

morant a partibus Scythicis, circa annum mundi ter millesimum: quo tempore occupatis pluribus Asiæ minoris provinciis, plurimas vrbes condidisse dicuntur, & præcipue SMYRNAM, ex illustri Amazone denominatam. Quin & Strabo refert, vrbes quasdam Asiæ, Amazonum esse cognomines, Ephesum, Smyrnam, Cumam. Et de Smyrna præsertim hæc habet: *Σμύρνα δ' ὡς Ἀμαζὼν ἀπ' ἧς πύλον καὶ τοὺς ἀνδράποδος καὶ τῇ πόλει, Smyrna Amazon fuit, a qua nomen hominibus urbiue factum.* Annon liceat tantæ auctoritati assentiri nummo teste firmatæ?

V.  
SMYRNÆVS  
ALTER.

INTER alios Smyrnæorum nummos, aureum vnum didrachmum. possideo, qui ab vna parte capite muliebri turrato insignitur, sine vlla inscriptione. In averfa habet figuram muliebrem stantem, cum calathio in capite, quæ sinistro brachio columnæ innitens, victoriam eadem manu gestat, cum inscriptione, ΣΜΥΡΝΑΙΩΝ ΠΡΥΤΑΝΕΙΣ.



Non caput illud turritum, pro Cybeles aut  
urbium symbolo accipi solitum; non fi-  
gura illa stans, cuius papilla vnica sini-  
stra nuda, Amazonum vnam repræsentare  
videtur, apud quas dexteram quamque a  
teneris annis comburi moris fuit, vt arcus  
tendendi liberior esset facultas: non hæc,  
inquam, induxerunt, vt hujus nummi spe-  
cimen exhiberem. Sed dictio illa ΠΡΥΤΑ-  
ΝΕΙΣ, quæ rarior in nummis & inscriptioni-  
bus, ac supremum magistratum Smyrnen-  
sem designat. Qui enim apud Romanos;  
CONSULES; apud Carthaginienses,  
SVFFETES: apud Smyrnæos, & alios  
Græciæ populos, ΠΡΥΤΑΝΕΙΣ erant: quo  
numero, non ita mihi compertum: nisi  
quod Athenis quinquageni per vices, quo-  
quo mense ex concilio quingentorum assu-  
mebantur. Hinc & ΠΡΥΤΑΝΕΙΟΝ Athe-

D ij



nienſis curia, ſive ædes publicæ, in quibus iudices magiſtratusque conſultabant: ubi & cives de Republica bene meriti publico ſumptu, qui honos erat maximus, alebantur.

VI.  
IDRIEVS.

**E**N argenteum tetradrachmum, in quo ab vna parte caput Apollinis ſeu Solis, ſine inſcriptione; ab altera, figura ſtolata ſtans, dextra malleum ſive bipennem tenens, ſiniſtra haſtam, cum nomine ΙΔΡΙΕΩΣ:



Hic nummus in notitiam IDRIEI prius incogniti me induxit, & ad inſtigandam ipſius ſtirpem & gentem me compulit, quæ ſic ſe habet. Hecatomnus Cariæ princeps, quinque liberos reliquit, ſui regni ſibi invicem ſucceſſores: Mauſolum, & Artemiſiam ſororem, qui more apud barbaros



recepto, juncti matrimonio sunt: Idri-  
eum, & Adam sororem, item conjuges: &  
Pexodorum. Mausolus major natu, prior  
Caribus imperavit; eoque mortuo, Arte-  
misia regni habenas suscepit biennio, quo  
sepulchrum illud inter præcipua totius or-  
bis miracula decantatum perfecit, conju-  
galis amoris præclarum monumentum. Ei  
successor factus est IDRIEVS qui num-  
mum nostrum cudit, cum Ada sorore &  
conjuges, an. II. Olymp. CVII. Cumque  
ex instituto majorum, Persarum amicus  
bellique socius esset, ab Artaxerxe Rege  
sollicitatus, terrestres simul & navales co-  
pias conscripsit, ut bellum inferret Cypri  
Regibus, qui ab imperio Persico defece-  
rant. Quod ut perficeret, & potentiae simul  
ac fidei testimonium exhiberet, brevissimo  
tempore XL. triremes adornavit, quibus  
VIII. millia mercenariorum imposuit, at-  
que in subsidium Regis Persici misit versus  
Cyprum insulam: sicque Artaxerxes, ope  
amici & vicini principis, rebelles Cyprios  
subegit. Eo post septem annos in imperio  
exactos sublato, Ada vxor superstes, qua-

D iij

tuor annos regnavit, donec illam Pexodorus fratrum minimus regno expulit. Hic Persico imperio addictissimus, principatum tenuit annis quinque, usque ad expeditionem Alexandri Magni, qui subactis Asiæ minoris provinciis, ADAM IDRIEI quondam nostri conjugem, in regnum restituit, ac tanta veneratione prosecutus est, ut eam pro matre habuerit. Hæc ex Diodoro Siculo, Plutarcho, & aliis. Caput Apollinis in nummo Idriei Orientem designat, ubi Sol pro Deo habebatur. Figura stans in averfa, mihi nondum cognita: nisi sit Deus aliquis, aut IDRIEVS ipse, cujus nomen ibidem exaratum est.

VII.  
SEVTHES.

**N**VMMVM æreum vides mediocris magnitudinis, in quo caput barbaturum, diademate cinctum, fabricæ barbaræ, sine inscriptione. In averfa, figura equestris, qualem videre est in quibusdam Philippi, & Alexandri Macedonum nummis æreis, cum verbo ΣΕΥΘΟΥΡ, quod SEVTHEM Thracum Regem innuit.





Hic anno primo ab Alexandri M. morte  
 laceffit a Lyfimacho, cui Thracia cum  
 finitimis ad mare Ponticum gentibus cesse-  
 rat, cum XX. peditum & IIX. equitum  
 millibus sese tutatus est, acerrima inita pu-  
 gna, ex qua vterque magna suorum strage,  
 cum ancipiti victoria recessit, ad maiores  
 belli apparatus, ni pax intercessisset, facien-  
 dos. Decennio post, redintegrato bello,  
 SEVTHES Antigoni partes secutus, &  
 Callantianis, qui a Lyfimacho defecerant,  
 opem ferens, ipsum Lyfimachum Æmi  
 montis transitu prohibiturus accessit: vbi  
 acri commisso prælio, multis vtrunque oc-  
 cisis, rursus æquo Marte discesserunt. Quid  
 sibi velit eques in averfa, pro comperto  
 non habeo: nisi forte Thraces equitatu pol-  
 lere significet.


VIII.  
RHOEMETALCES.

**S**ED ne tam leviter a Thracia digrediamur; de aliis regum Thracum nummis, quos possidemus, agere, quamvis ab ævo *Scuthæ* tribus circiter sæculis distent, non alienum judicavimus. Eorum nomina RHOEMETALCES, COTYS, & RHESCUPORIS, quorum historiam ex Dione & Tacito sic colligo. Cum Rhescuporis Cotyis senioris filius, M. Bruti primum adjutor, postea desertor, a Vologeso natione Besso victus necatusque esset: RHOEMETALCES noster, ejus tutor & patruus, ab eodem Vologeso exercitu spoliatus, & ad fugam compulsus est. Sed Romani qui eundem alias contra Bessos M. Lollio duce defenderant, L. Pisonem Pamphyliæ præfectum miserunt, ut ei suppetias ferret: qui Bessos & alios defectionis socios populos, partim ad deditionem compulit, partim prælio devicit, & iterum rebellantes in servitutem redegit. Hujus beneficii non immemor Rhœmetalces, vicissim Romanos ingenti & periculoso bello, a Dalmatis & Pannoniis impetitos, adeo ut metueretur  
ne





Ad pag. 33. ad lit. A.



Ad lit. B.




Ad lit. C.




Typus intercellorum vniuersum gentium. Ad paginam 34.

Gradus.	1	2	3	4
Ruffica mill.	20 40 60 80 100 120 140 160 180 200 220 240 260 280 300 320			
Ind. mill.	10 20 30 40 50 60 70 80 90 100 110 120 130 140 150 160			
Anglica mill.	27 1/2 55 82 110 137 164 191 218 245 272 299 326 353 380 407			
Scotica mill.	10 20 30 40 50 60 70 80 90 100 110 120 130 140 150 160			
Gallica leuca.	5 10 15 20 25 30 35 40 45 50 55 60 65 70 75 80			
Horatiana leuca.	5 10 15 20 25 30 35 40 45 50 55 60 65 70 75 80			
Hispanica leuca.	17 1/2 35 52 69 86 103 120 137 154 171 188 205 222 239 256			
Germanica mill.	5 10 15 20 25 30 35 40 45 50 55 60 65 70 75 80			
Scythica mill.	2 4 6 8 10 12 14 16 18 20 22 24 26 28 30 32			









ne Italiam ipsam invaderent, totis viribus adjuvit, & sub auspiciis Tiberii, qui ex Germania Augusti jussu in Pannoniam advolarat, Barbaros primum levi prælio superavit, deinde in Macedoniam irrumpentes, junctis cum fratre Rhescuporide copiis, ingenti prælio attrivit ac delevit. Ex eo, Augusto percarus extitit RHŌEMETALCES dum vixit, qui vicissim vt suam erga imperatorem observantiam testaretur, nummum æreum secundæ magnitudinis percussit, quem exhibemus.



In eo ab vna parte caput Augusti, cum inscrip. ΚΑΙΣΑΡΟΣ ΣΕΒΑΣΤΟΥ. In altera, duo capita visuntur, Regis ipsius & vxoris, seu potius ejusdem Augusti & Liviæ, additis verbis ΒΑΣΙΛΕΩΣ ΡΟΙΜΗΤΑΛΚΟΥ. Alium possidet Illustrissimus Lomenius cum quatuor capitibus, videli-

E

cet addito capite Liviae a parte Augusti, cum signo Capricorni. Sed & memini me videre alterum, apud Magnum Hetruriae Ducem, quinto capite insignem, nempe Veneris, a parte Augusti & Liviae.

IX.  
COTYS.

**R**HOEMETALCE mortuo Augustus ejus officiorum memor, Thraciam omnem inter COTYM ipsius filium, & RHESCVPORIDEM Rhœmetalcis fratrem dividens: huic quicquid incultum & hosti vicinum, tradidit; quod illi esset ingenium atrox, avidum, & societatis impatiens. Cotyi, quia pollebat ingenio miti & amœno, attribuit quicquid pingue, excultum vrbibus, & pagis refertum, ac Græcis conterminum. Ipse enim litteras & Poësim callebat. Hinc Ovidius qui in ejus regno exulavit, ad eum scripsit,

*Eleg. 9. lib. 2.  
de Ponto.*

*Neve sub hoc tractu vates foret unicus Or-  
pheus,*

*Bistonis ingenio est terra superba tuo.*

*Ad vatem vates orantia brachia tendo.*

*En Cotyis ipsius argenteum didragma.*





Ab vna parte caput diadematum vides regis, vt colligitur ex inscript. ΒΑΣΙΛΕΩC ΚΟΤΥΟC. In altera, caput laureatum incognitum, nisi sit Augusti, cum litteris Θ. Κ. Φ. quæ an sint numerales, & æram quandam computent, an explicari possint, ΘΕΟC ΚΑΙCΑΡ ΦΙΛΟC, arbitrii tui esto.

**R**HESCVPORIDIS nummus ferreus, secundæ magnitudinis, ab vna parte diadematum caput refert ipsius, vt innuit inscript. ΒΑΣΙΛΕΩC ΡΗCΚΟΥΡΟΡ. In altera caput laureatum incognitum, cum tribus notis ΑΑΦ.

X.  
RHESCV-  
PORIS.



Dubitavi, fateor, an hunc sculpendum tra-  
E ij

derem: adeo enim rudis & inconcinnus est, & ab imperito artifice olim cusus, ut vix aliquid hominis in hisce capitibus deprehendas. Verum id a me tandem obtinuit inscriptio, qua reguli istius nomen quo scribendum modo sit, edocemur. Siquidem apud Romanæ historiæ scriptores, mire variatum est in isto nomine, ut optime notavit Lipsius. Dio enim ΡΑΚΥΠΟΡΙΝ, Velleius *Rhascupolim*, Suetonius & alii *Thrascupolim*, solus Tacitus RHESCVPORIM vocat, ut in nummo. Hic suo usus ingenio, nec parte regni quæ illi cesserat contentus, Cotym nepotem adgreditur, primo occulte & cunctanter sub Augusto, quem vindicem metuebat; deinde aperto bello sub Tiberio. At quemadmodum Augustus, ut ait Suetonius, *Reges socios etiam inter semetipsos necessitudinibus junxit, promptissimus affinitatis cujusque atque amicitiae conciliator & fautor, nec aliter universos, quam membra partesque imperii, curæ habuit*: ita Tiberius metuens, ne semel composita turbarentur: regibus præcepit, ab armis discederent, quæ statim a Cotye dimissa sunt.

exp. 48.



Sed simulans RHESCVPORIS se velle de  
controversiis colloquio transigere, postulat  
vt in locum eundem, foederi sanciendo  
convenient, & tracto in multam noctem  
convivio, incautum Cotym in vincula con-  
jicit: atque omni Thracia potitus, scripsit ad  
Tiberium, structas sibi insidias a Cotye,  
quem prævenire coactus sit. Cumque re-  
scripsisset Tiberius, vt tradito proprætori  
Mysiæ Cotye, ipse ad causam dicendam  
veniret: occidi Cotym iubet, mortemque  
sponte sibi ab ipso conscitam e mentitur. Non  
tamen artes Tiberianas elusit. Nam Pompo-  
nius Flaccus regi amicissimus, ideoque ad  
fallendum aptior, in Thraciam missus, eum  
per ingentia promissa perpulit, vt præsidia  
Romana intraret, atque addita gravi cu-  
stodia, in urbem traxit. Ibi ab vxore Co-  
tyis accusatus in senatu, damnatur & re-  
gno privatur: atque Alexandriam deve-  
ctus, illic, an fugam tentans, an ficto cri-  
mine, interficitur. Thracia in Rhœmetal-  
cem filium, quem paternis consiliis adver-  
satum constabat, & in liberos Cotyis divi-  
ditur: iisque nondum adultis, Trebellie-

E iij

cap. 48.

nus Rufus datur, qui regnum administra-  
ret, secundum mentem Augusti, qui ut ait  
idem Sueton. *Rectorem solitus est apponere,  
regibus atate parvis ac mente lapsis, donec  
adolescerent aut resipiscerent.*

XI.  
PYTHONICE.

**S**ED quoniam vxoris Cotyis facta est  
mentio, omittere non possum apud me  
reperiri denarium argenteum, cum capite  
Tiberii: cuius averfa in parte, visitur libra  
cum lancibus, & hisce notis, ΒΑΣΙΛΙΣΣΑ  
ΠΥΘΩ.....ΥΟΣ.



Quæ mihi suspicionem movent, hunc num-  
mum forte in gratiam Tiberii, & ad desi-  
gnandam ejus æquitatem, a regina vxore  
Cotyis percussum, hocque modo ejus inscri-  
ptionem refarciri posse, ΒΑΣΙΛΙΣΣΑ ΠΥ-  
ΘΩ, vel ΠΥΘΩΝΙΚΗ, ΒΑΣΙΛΕΩΣ ΚΟ-  
ΤΥΟΣ. Ut enim Pytho, nomen est fœminis  
conveniens apud Græcos, nempe Deæ Sua-



dæ, & Dianæ ipsi ex Pausania: ita Pytho-  
nice dicta reperitur Amasia quædam Har-  
pali, quam Athenis evocarat ipse apud *Lib. 17.*  
Diodorum. Patere lector conjecturam in se-  
meso nummo, & vetustate prope consum-  
pto.

**Q**VIN & liceat mihi hic apponere num-  
mum argenteum drachmalem, mi-  
nus cognitum fateor, sed rarum, & quem  
Thracium existimo ex cælatura & fabrica  
superioribus simili. Habet ab vna parte  
caput barbarum, diadematum, cum inscri-  
ptione solida, ΒΑCΙΑΕΩC ΙΝΙΝΘΙΜΗΥΟΥ.  
ab altera caput æque insulsum, cum corona  
laurea, & notis, Α. Κ. Φ.

XII.



Quis ille sit regulus ΙΝΙΝΘΙΜΕΥΟΥS  
aut ΘΙΜΕΥΟΥS, antiquariorum disquisi-  
tioni permitto.

XIII.  
HERODES  
CHALCIDI-  
DENESIS.

**A**THRACIBVS ad Iudæos convertimur, in gratiam præclari numismatis, ab HERODE Chalcidis rege percussi, cuius explicationi pauca hæc præmitto. Herodes Agrippa senior, a quibusdam Magnus appellatus, filius Aristobuli, quem pater Herodes Ascalonita peremit, tantum Caio Caligulæ adhuc Cæsari familiaris extitit, ut in lectica cum eo iter agens, Tiberio celerem mortem optaret, quo Caius citius imperio potiretur. Quod cum rescisset Tiberius, eum in carcerem detruxit. At mortuo opportune Tiberio, Caius Agrippam carcere liberatum, regem Iudææ constituit, eique catenam auream ejusdem ponderis atque ferream, qua detentus fuerat, dedit, & jus etiam concessit, in templum Hierosolymitanum, in sacerdotium, & res sacras: tantaque amicitia inter eos coaluit, ut vulgo Romæ jactaretur, Agrippam cum Antiocho Commageno, ipsum Caium ad tyrannidem instituere. Nec minori apud Claudium gratia valuit, cui post Caium occisum, egregiam in adipiscendo impe-



imperio operam præstitit. Ab eo enim impetravit regnum Chalcidis ad Libanum, HERODI fratri suo, cujus gratia regum Iudæorum familiam attigimus. Hic postquam Agrippa (cujus filiam Berenicen in matrimonium acceperat) Cæsareæ ab Angelo percussus interiit, vt narrat D. Lucas: *Act. 21.* plurima item a Claudio obtinuit, & eadem qua frater potentia, Iudæorum summos Pontifices pro arbitrio mutavit, quod jus in successores vsque ad excisa Hierosolyma transmisit. Quo fit, vt minime mirum videri debeat, relictum esse ab eo grati animi monumentum, nummum insignem æreum secundæ magnitudinis, in quo Claudii studiosus dicitur, *Φίλοςκλαύδιος*. eum ecce, cuiusmodi est, repræsentato.



Ab vna parte vides caput senile Herodis, fascia regali præcinctum, cum inscriptione

F

mutila ΒΑΣΙΛΕΥΣ ΗΡΩΔ.....ΔΙΟΣ.  
 In aversa, ΚΛΑΥΔΙΩ ΚΑΙΣΑΡΙ ΣΕΒΑΣ-  
 ΤΩ. ΕΤ. Γ. in medio coronæ laureæ. Insc-  
 riptionem capitis sic repono, ΒΑΣΙΛΕΥΣ  
 ΗΡΩΔΗΣ ΦΙΛΟΚΛΑΥΔΙΟΣ, tum ex  
 conjectura rationi ut mihi videtur consen-  
 tanea, & eo modo quo epithetum ΦΙΛΟ-  
 ΡΩΜΑΙΟΣ, cernitur in nummis nostris  
 Ariarathis & Ariobarzanis regum Cappa-  
 docum: tum ex Occone, qui nummum  
 istum vidit, nec pervidit; habet enim in  
 Claudio, ΒΑΣΙΑ ΗΡΩΔΗΣ ΦΙΛΟΣ. sed  
 inconcinne, ut patet.

HERODE Chalcidensi mortuo sub an.  
 VIII. Claudii, Agrippa junior, ejus ne-  
 pos, & filius Agrippæ senioris, Romæ in  
 aula imperatoria educatus, princeps Chal-  
 cidis factus est, addita postmodum Tetrar-  
 chia Trachonitidis, dum Iudæa sub præsi-  
 dibus Romanis remansit, quibus militavit  
 ad usque excidium Hierosolymitanum. Iste  
 plures nummos sub nomine & vultu Vespasi-  
 ani, Titi, & Domitiani percussit, quorum  
 quatuor apud me reperiuntur sub diversis  
 typis. Sed quia non sunt ex rarioribus, &



ipsius Agrippæ solum nomen, velut monetarii, in averſa parte reperitur, hic exhibendos non cenſemus. Vt nec alterum, quem Agrippa pater, ſub nomine & capite Caii percuſſerat, in cuius averſa parte ſtat Victoria cum nomine regis.

**S**VPERIORVM temporum principibus, XIV.  
HILDERICVS.  
addemus regem inferioris ævi, HILDERICVM Vandalum. Ipius nummum argenteum, denario paulo minorem adſecuti ſumus, in quo caput imberbe, diadematum, cum inſcript. D. N. HILDERIX REX. In averſa, viſitur figura muliebris ſtans, vtraque manu ſegetes protendens, cum inſcript. FELIX KART.



Dubitari non poteſt, quin nummus iſte, HILDERICVM Vandalorum in Africa regem penultimum repræſentet, quem de Eccleſia Catholica bene meritum multi prædicant. Cum enim Traſamundus, cui ſuc-

F ij

cessit, Arianæ perfidiæ cultor, ut sine cæde  
& sanguine fidem orthodoxam labefacta-  
ret, & occultis veluti cuniculis in eam graf-  
faretur, sineret Episcopos, dum viverent,  
præesse sibi subjectis Ecclesiis, hac lege, ne  
quis in locum defunctorum subrogaretur;  
scilicet ut ipsæ orthodoxorum Ecclesiæ,  
paulatim orbatæ pastoribus conciderent:  
prospicientes Episcopi, hac arte desolandas  
Ecclesias, præfulibus mortuis alios contra  
regis mandatum suffecerunt. Quod ille ini-  
que ferens, ducentos amplius Episcopos  
Catholicos, ex omnibus Africæ provinciis,  
in Sardiniam insulam deportavit. Sed eo  
mortuo HILDERICVS, qui a Trasamun-  
do sacramento obstrictus fuerat, ne rex fa-  
ctus Catholicos restitueret, ut sacramenti  
religionem minus lædere videretur, prius-  
quam regnum capefferet, omnes ab exilio  
reduci præcepit. Elapsis aliquot annis, A-  
thalaricus in Italia rex, specie vindicandæ  
Amalafridæ Trasamundi quondam vxoris,  
quam ad mortem adegerat HILDERICVS,  
in eum concitavit Gilimerem consobri-  
num, qui HILDERICVM regno priva-



vit, atque in vincula coniecit anno regni septimo. Tandem cum Iustinianus imperator, in facinus illud inquireret, Gilimer quæstionem non ferens, ac minas pertimescens, HILDERICVM interfecit, cuius perfidiæ mox pœnas luit, bello impetitus a Iustiniano, duce Belisario; qui devictis Vandalis, & extincto eorum imperio Africano, captum Gilimerem Constantinopolim deduxit, & imperatori in throno sedenti, cum liberis obtulit, acto magnificentissimo triumpho.

Quod ad aversam numismatis partem attinet, figura muliebris, in manibus spicas frumenti habens, vbertatem Africæ, & præsertim agri Carthaginiensis, designat: cuius ergo FELIX appellatur CARTHAGO, etiam in nummis Diocletiani & Maximiani Augg. in quibus similis fere figura reperitur, dextra spicas gerens, sinistra papavera. Sane Africæ fertilitatem commendat Æl. Spartianus in Severo & in Pescennio Nigro, dum ait Severum in illam provinciam legiones misisse ne occuparetur a Nigro, ac ille Populum Rom. penuria rei

F iij

Lib. de pallio.

Lib. 6.

Lib. ult.

frumentariæ perurgeret. Sed nihil magis appositum, quam quod in Alexandro tyranno, eruditissimus, & nunquam satis laudatus Tristanus noster, refert ex Tertulliano, & Martiano Capella, quorum prior Carthaginienses vocat VETVSTATE NOBILES, NOVITATE FELICES. Et Capella Carthaginem appellat *Inclytam pridem armis, nunc FELICITATE REVERENDAM*, & BEATAM VRBEM ELISÆ. Adeo constat Carthaginem, ex quo per Iulium Cæsarem restaurata fuit, & facta Colonia Romana, pristinae cladis oblitam, & hac FELICITATIS laude insignitam fuisse.

XV.  
PTOLEMÆI  
DVO ET CON-  
IVGES.

SED ad superiora tempora revertamur. Hubertus Goltzius in Insulis Græciæ, agens de Deliorum numismatis, aureum vnum exhibet, in quo ab vna parte, videntur duo capita iuncta, Apollinis & Dianæ, cum voce ΘΕΩΝ: ab altera, eadem capita, cum verbo ΑΔΕΛΦΩΝ, *Deorum fratrum*. Nummum, quem hic damus, quamprimum noster factus est, ipsum putavimus esse Goltzianum. Sed vbi inspeximus accu-



ratius: in inscriptione simili, capita omnino diversa deprehendimus. Quippe diademate, seu fascia regali, præcincta sunt, quod Deorum iconibus tribui non solet: nec vllum ejus est in Goltzii nummo vestigium. Aureus est item noster & drachmalis, atque ab vna parte, cum voce ΘΕΩΝ habet duo capita, PTOLEMÆI LAGIDÆ cum diademate, & BERENICES conjugis. In altera cum verbo ΑΔΕΛΦΩΝ, capita PTOLEMÆI filii cognomento PHILADELPHI, item diademati, & ARSINOES sororis simul & conjugis.



Nolim existimes, nos temere & inconsultius, ejusmodi vultus designare & denominare: eosdem enim cum suo quemque nomine, seorsim in aliis nummis, & vidimus, & penes nos habemus, excepto Philadelpho; a quo tamen cūsum hunc præclarum nummum existimo. Mira produnt historici de mutua pietate vtriusque Ptolemæi, parentis &

fili; & de concordia, qua simul Ægypti regnum administrarunt. Siquidem Ptolemæus primus Soter dictus, anno regni XXXIX. cum magna rerum gestarum gloria, reliquos Alexandri M. comites & successores anteiret, & adhuc optima corporis & animi valetudine frueretur: inaudito exemplo, Philadelphum filium ex Berenice postrema vxore, posthabito altero natu maiore ex Eurydice priore conjuge, regem renuntiavit: & quod juveni amorem populi conciliavit, inter ejus aulicos quasi privatus, biennio superstes vixit: idque neglecto Demetrii Phalerei consilio, qui Soteri super imperii abdicatione consulenti, amice & libere responderat: *Si alteri dederis, ipse non habebis*. Hæc abdicatio, & altera eodem fere tempore a Rege Babylonæ Seleuco facta, vxoris Laodices, in gratiam Antiochi filii, qui eam deperibat, Tragici effectum destruit.

*Nec regna socium ferre, nec tads sciunt.*  
Philadelphus interim mortuos parentes  
PTOLEMÆVM & BERENICEN venerabundus, DEORVM numero adscripsit:  
quod



quod jam ante viginti annos Rhodii fecerant, erga Ptolemæum ipsum Lagidem. Cum enim ejus auxiliis, gravi obsidione, qua premebantur a Demetrio Poliorcete, soluti essent: omnem in referenda ei gratia modum excefferunt. Siquidem missis in Libyam theoris, ex Ammonis oraculo sciscitanti sunt, an PTOLEMÆVM vti DEVM venerandum censeret: quo annuente, lucum in vrbe illi consecrarunt, quadratum extructis porticibus, eumque locum ΠΤΟΛΕΜΑΙΟΝ indigetarunt.

In altera parte nummi, habes PHILADELPHVM cum sorore ARSINOE, quam sibi more a Persis accepto, matrimonio junxerat. Hæc antequam pareret, diem suum obiit: & ab ea ARSINOITIS Præfectura in Ægypto nomen obtinuit, vt refert Pausanias. Aliam quidem ejusdem nominis Arsinoen duxerat, filiam Lysimachi, ex qua Evergetem suscepit. Sed sororis conjugis facies, in nummo delineata est, vt patet ex verbo ΑΔΕΛΦΩΝ. Quod ad PHILADELPHVM pertinet, vix principem alterum repereris, tot tantisque lau-

G

*l. 2. de vit. Mos.*

dibus cumulatum, ab vniversis cuiusque nationis & religionis viris gravissimis. Inter alios Philo, illum virtutibus regiis, supra omnes ætatis suæ, superiorumque sæculorum principes, nobilem prædicat. Tertullianus ipse in Apolog. Ptolemæorum eruditissimum vocat, & omnis literaturæ sagacissimum. Equidem celeberrima, quam collegit, bibliotheca, & sacrarum scripturarum interpretatio, quam per LXXII. seniores Iudæos immensis sumptibus, & singulari magnificentia & comitate fieri procuravit, gloriam illi peperit immortalē. Sed ea, quoniam ad nummum nostrum nihil quidquam pertinent, reticemus.

Quatuor illustres fœminas, quarum nummos plurimi facio, hic non omitendas censui.

XVI.  
PHTHIA.

**P** R I M V S habet caput muliebre, obductum velo, sub quo florida veluti corona visitur, & facies maiestate gravis, cum verbo ΦΘΙΑΣ. In averfa, fulmen cum inscript. ΒΑΣΙΛΕΩΣ ΠΥΡΡΟΥ.





Dubitavi primo an esset symbolum Phthiæ, primariæ vrbis Phthiotidis provinciæ in Thessalia: sed ejusmodi vrbium & provinciarum icones, vt plurimum cum turrata corona depinguntur. Secundo, an esset aliquis vultus effectus ad libitum monetarij, pro numine quod in iis locis celebretur, vt Iunonis Reginæ, quam simul cum Iove Dodonæo in Epirotarum nummis videmus. Tandem, an certæ alicujus mulieris esset effigies. Quare audito, posse peritos pictores discernere, quæ fictitiæ sint imagines, quæ ad verum aliquem vultum expressæ: consulendos mihi super ea re insignes nostræ picturæ principes putavi. Hi porro suffragati sunt conjecturæ meæ, de vultu naturali P H T H I Æ filiæ Menonis Thessali, qui in Lamiaco bello, vir fuit magni nominis: præsertim cum P H T H I A

G ij

fuerit vxor Æacidæ regis Epiri, & mater Pyrrhi, qui in averſa denominatus, ſententiæ meæ favere videtur. Neque abſurdum etiam eſſet, hanc reginam ſub imagine Iunonis, cum florida corona repræſentari: cum non ſit inſolens in nummis, illuſtrium vultus ſub Deorum iconiſmo delineari. Antonia Druſi, Agrippina Claudii, Sabina Hadriani, cum corona ſpicata in modum Cereris viſuntur apud me, in ære, argento, auro: atque ita delineatas reperies apud Æneam Vicum, in Auguſtarum imaginibus.

XVII.  
AGRIPPINA  
CLAUDII.

**Q**VIN & poſſideo nummum Græcum æreum, primæ magnitudinis, in quo caput AGRIPPINÆ Claudii effictum eſt, ſub icone Cybeles, cum inſcriptione, ΚΛΑΥΔΙΟΥ ΥΠΕΡΙΩΝ ΣΕΒΑΚΤΟΥ.





Quamvis enim desit illi nomen Agrippinæ: abunde tamen suppleri creditum est ab Antiquariis nostris, tum per verba ΚΛΑΥΔΙΟΥ ΚΕΒΑΚΤΟΥ, quæ in hoc casu regi non possunt nisi ab AGRIPPINA conjugē Claudii Augusti: tum per quamdam similitudinem vultus, qui principem istam fœminam referre videtur in nummo; cuius in averſa parte colossus capite radiato, coronam trophæo imponit, cum verbo ΔΙΔΡΑΧΜΟΝ.

**S**ED vix possum omittere eximium nummulum, tertiæ magnitudinis, itidem meum, percussum vultu Liviæ, seu Iuliæ Augustæ, & nomine Dianæ sub inscript. APT. ΣΕΒΑ. hoc est ΑΡΤΕΜΙΣ ΣΕΒΑΣΤΗ. In averſa, videre est cervum Dianæ Ephesiæ, ut in quibusdam Augusti nummis.

XVIII.  
LIVIA  
AVGVSTI.



Omitto plurimos alios tam superioris, quam inferioris ævi, ex quibus constat illustres personas, in nummis sæpissime habitu Deorum repræsentari: ac proinde nomen ΦΘΙΑΣ in nummo expressum, matrem Pyrrhi posse designare, etiam Iunonis habitu, mihi persuadeo. Quod si non arrideat opinio nostra, rejiciatur nummus inter Dearum imagines superius exhibitas.

XIX.  
ALEXANDER  
EPIROTA.

**I**NTERIM non ignoramus similem nummum reperiri apud Parutam in sua Sicilia, sed sine explicatione ut solet: fulmen in averſa fuit symbolum regum Epiri. Patet ex nummo aureo perraro didrachmo ALEXANDRI fratris Olympiadis in Lucania occisi, quem plurimi facio, & cujus ectypon præbeo. Habet in antica caput Iovis Dodonæi; in averſa, fulmen cum spiculo, astro, & inscript. ΑΛΕΞΑΝΔΡΟΥ ΤΟΥ ΝΕΟΠΤΟΛΕΜΟΥ.





ILLVSTRIVM.

Ille enim ALEXANDER EPIROTA  
avunculus Alexandri Magni, fuit filius  
NEOPTOLEMI.

**S**ECVNDVS nummus habet caput re-  
ginae cujusdam CLEOPATRÆ, orna-  
tum elephantina proboscide, cum inscript. XX.  
CLEOPATRA  
PHYSCONIS.  
ΒΑΣΙΛΙΣΣΗΣ ΚΛΕΟΠΑΤΡΑΣ. In aver-  
sa, visitur aquila expansis alis, fulmini su-  
pervolitans, cum inscript. mutila. ΒΑΣΙ-  
ΛΕΩΣ ΠΤΟΛΕΜΑΙΟΥ. scilicet ΠΤΟΛΕ-  
ΜΑΙΟΥ.



Extra omnem controversiam esse debet,  
hanc CLEOPATRAM Ægypti reginam  
fuisse, non solum ex Ptolemæi regis nomi-  
ne Ægyptiis regibus familiari: sed etiam  
ex insigni aquilæ, eorum nummis inscul-  
pi solito. Vnde sequitur, non esse Cleopa-  
tram illam Syriæ reginam, quæ ex Ptole-  
mæorum gente oriunda, primum Alexan-

1 ap. II. vers. 17.

dro Balæ, dein Demetrio Nicarori, postea etiam ipsius fratri Antiocho Sideti nupsit: ac tot cædibus & sceleribus famosa fuit, ut nata exitio Syriæ dicatur: in cujus nummis, & legitur nomen Antiochi Syriæ regis. Nec minus certum mihi est, vultum illum minime esse Cleopatram M. Antonii, ex comparatione nummorum, quos possidemus æreos & argenteos. Reliquum est, ut inter reginas Ægyptias, quæ plures sunt ejus nomenclaturæ, inspiciamus quænam nostra sit. Præcipua potest esse controversia de Cleopatra Magni Antiochi Asiæ regis filia, quæ Ptolemæo Epiphani Ægyptio nupsit. Hanc Daniel vocat *Filiam fæminarum*, id est, formosissimam: & ab ea deinceps omnes Ægypti reginas, Cleopatram nomen sumpsisse quidam autumant. Dubitari etiam posset de Cleopatra ipsius filia, quæ Ptolemæi Philometoris, & Ptolemæi Evergetæ fratrum suorum deinceps conjux extitit. Sed neutra mihi videtur cum tanta potestate rerum potita, ut nummis vultum suum imprimeret, præterito vultu regum, quorum ævo superstes fuit.

At



At CLEOPATRA Philometoris & hujus postremæ filia, Cleopatrarum regum Syriæ conjugis soror natu minor, multis prærogativis aucta est: quibus facile adducor, ut eam credam sibi nummorum cudendorum facultatem, neglectis regibus, arrogasse, ipsiusque esse nostrum nummum. Ptolemæus enim Evergetes, aliis Phiscon, conjux & patruus, moriens ipsi regnum reliquit, & ei ex liberis quem illa legisset: inconsulto sane testamento, & majoris natu jure in regnum violato, ut mulieri adblandienti gratum faceret: cujus etiam amore percitus, priorem uxorem Cleopatram repudiarat, ejusdem matrem ex Philometore.

Cum ergo CLEOPATRA nostra, postrema Evergetis seu Phisconis vxor, regnum in potestate haberet, & in minorem filium Ptolemæum Alexandrum pronior esset: majorem tamen Ptolemæum Lathurum eligere, a populo compulsæ est. Sed illum regni focium non ferens, & novercali plusquam odio prosequens, turbare non destitit, donec elapsis annis pluribus,

H

duabus ejus vxoribus tractu temporis abdu-  
ctis, populo concitato extorrem egit, ac-  
cersito specie tenus in ejus locum, juniore  
fratre Alexandro. Nec filium expulisse con-  
tenta, Cypri exulantem bello adegit, vt in  
Syriam confugeret. Interim Alexander, qui  
precario tantum & nomine rex erat, adeo  
vt illum autores quidam ex albo regum  
Ægyptiorum expungant, crudelitate ma-  
tris territus, ipsam deseruit, scenico regno  
privatam & securam vitam anteponens:  
dum eadem pulsum Cypro Lathurum vs-  
que in Syriam, redintegrato bello, cui  
præsens aderat, persequitur. Sed revocato  
iterum Alexandro, mox ipsius tædere cœ-  
pit: & extrema quæque juniore filio para-  
bat, nisi is insidiatricem prævertens, pericu-  
lum certum & imminens evasisset. Sic su-  
perba illa regina, quæ filiis & filiabus il-  
ludebat; regna, connubia, viros, vxores,  
pro arbitrio & tyrannica dominandi libi-  
dine commutans: meritis scelerum pœnas  
luit, postquam annos amplius septem &  
viginti, omnia susque deque miscuisset.  
Itaque nil mirum, eam cum potestate re-



gia jus monetæ vsurpasse, & nummum nostrum vultu suo signasse. Proboscis elephantini, qua insignitur, Africæ imperium designat: cujus partes præcipuas, Ægyptum & Cyrenaicam regionem, obtinebat.

**T**ERTIVS nummus habet ab vna parte caput fœmineum cum diademate, & inscriptione mutila ΒΑΣΙΛΙΣΣΑ ΙΩΤΑΠΗ... ΔΕΛΦΟΥ, hoc est, ΙΩΤΑΡΗ ΦΙΛΑΔΕΛΦΟΥ. In altera videtur corona laurea, cujus in medio est gammarus, cum inscript. ΚΟΜΜΑΓΗΝΩΝ.

XXI.  
ΙΟΤΑΡΗ.



Quatuor ejus nominis illustres fœminas comperi. Prima fuit filia regis Emesenorum, apud Iosephum: quæ Aristobulo Herodis Ascalonitæ nepoti nupsit, & secundam sibi cognominem filiam genuit. Tertia ibidem designatur Antiochi regis Commage-

*Antiq. l. 18, c. 7.*

H ij

norum filia, connubio juncta cum Alexandro filio Tigranis, Armeniæ regis a Nerone constituti. Denique istis antiquiorem quartam reperimus, filiam regis Medorum Artavasdæ, quam M. Antonius Alexandro ex Cleopatra filio desponderat: sed eo & Cleopatra mortuis, ad patrem in Mediam ab Augusto est amandata. De duabus prioribus non ambigo: nil ad nostrum nummum. De quarta dubitavi aliquandiu. Tandem pro tertia standum esse censui: tum quia Commagena est origine, ut patet ex Commageno suo nummo, in quo mentionem fecit, sive patris Antiochi, sive conjugis Alexandri sub cognomine PHILADELPHI, his gentibus familiari, quod adaptari utrique potest: tum etiam ex cælatura numismatis, quæ convenit cum ævo Neronis & Vespasiani, a quo Iosephus asserit Alexandrum IOTAPES conjugem, in Cilicia regem factum.

XXII.  
IVLIA  
PROCLA.

**S**ED qua fiducia, quo titulo, quartum exhibebo nummum, signatum vultu foeminae, cujus ortum & stirpem, dotes,



& res gestas, prorsus ignoro? Nempe vt excitem antiquariorum industriam, & sit inter eos aliquis, vel acutior nobis, vel felicior, qui rem nobis abstrusam aperiat. Habet in antica parte caput foemineum insolito ornatu, cum verbis ΙΟΥ. ΠΡΟΚΛΑΝ ΗΡΩΙΔΑ. *Iuliam Proclam Heroïnam.* In averfa, fedet Apollo citharizans, cum inſcript. ΕΠΙ ΣΤΡΑ. ΑΠΟΛΛΩΝΙ. ΜΥΤ. *Pratore Apollonio Mytilenæorum.*



Annon is forte Apollonius est, Stoicus Philosophus, quem Antoninus Pius Chalci-  
de acciverat, vt ei M. Aurelium erudien-  
dum traderet: qui tanto philosophiæ amo-  
re tenebatur, vt etiam Romæ post ade-  
ptum imperium, Apollonii domum discen-  
di causa frequens adiret. De P R O C L A  
multos consuluimus, e Græcia perinde at-  
H iij

que Latio vetustos autores; multos vtriusque historiæ peritissimos nequicquam evolvimus. Vnus nobis lucem attulit Fr. Gottfredus, Romanæ antiquitatis illustrissimus genius. Conjectât is ex nummi fabrica, cûsum fuisse eum tempore M. Aurelii Imperatoris, sub quo Proclus quidam grammaticus, Consul factus est, & ad Proconsulatum provectus: illiusque filiam esse conjiceret, vt ipse ait, nostram IULIAM PROCLAM HEROÏNAM, nisi Proclus (qui etiam, vt opinor, Iulius Proculus dicitur, a Commodo interemptus apud Lampridium) ex Lycia oriundus esset, quæ multum distat ab Insula Lesbo, in cuius primaria civitate cûsus est nummus noster. Qui plura & certiora nos edocebit, maximam ei gratiam debebimus.

XXIII.  
ZENOBIA.

**I**GNOTÆ Heroïnæ celeberrimam aliam sufficiemus, ZENOBIAM Palmyrenorum reginam, cuius virtutes & præclaras dotes attingere supervacaneum est, cum sit omnibus ob rerum gestarum claritatem notissima. Duo tamen eam ne præterirem



persuaserunt: raritas nummi, cui insculpta est, & nomen familiæ *Septimiæ* in eo expressum. Æreus est, mediocris magnitudinis, & a parte capitis exarata sunt hæc verba, *CEPTIMIA ZHNOBIA CEB*. In averfa, videtur figura Spei, dextra florem aut gramen gestantis, sinistra vestem sublevantis more solito, cum notis hinc inde L. E. quæ annum regni quintum designant.



Qui Zenobiam in triumphum ab Aureliano ductam nobis tradiderunt: simul & ipsam liberam dimissam, reliquum vitæ tempus, Romæ cum liberis transegisse aiunt, aut in villa sua rustica, Tiburi vicina, in qua summo honore consenuit: adduntque ab ea duxisse originem, familiam quandam *ZENOBIAM*. Sed pauci admodum de natalibus ipsius disserunt, & Syram aut Hebræam opinantur, religione & cultu Iudæam, deinde Christianam: adduntque Ptolemæorum

gente ortam, CCC. annis postquam hæc in Cleopatra desit regnare. An ex Ptolemæo Philadelpho M. Antonii & Cleopatæ filio? Sane in epistola, quam ad Aurelium scripsit apud Vopiscum Zenobia, mentionem facit Cleopatæ, quam in morte imitari velle videbatur potius, quam dignitate minui. Sed nihil prorsus de affinitate. At ex nummo nostro suspicari possumus, oriundam esse ex familia Septimia Romana: & *Septimia* nomen in nummo expressum, gentilitium ipsius esse, libentius crediderim, quam ZENOBIÆ, quod proprium sonat. Fuit certe Septimius quidam, inter præcipuos ultimi Ptolemæi aulicos, qui Pompeium M. occiderunt. Is si affinitate conjunctus Ptolemæo fuit, & Ægypto a Romanis subacta, in Syria nomen familiamque propagavit: quidni Septimia Zenobia ex ea gente, ac proinde a Ptolemæis orta credatur? Quin & Septimius Severus Imperator, aliquando ei provinciæ præfuit, ut patet ex ipsius adlocutione ad exercitus Illyricos, apud Herodianum: ab eoque posset originem duxisse, gens ista Septimia. Sed  
in



in re tanti momenti, & obscura vetustioris ævi caligine, sub levi conjectura, absque solidiori fundamento decernere, nimis temerarium.



## CAPVT TERTIVM.

*De nummis quibusdam Familiarum.*



OPPORTVNE nobis advenit nummus æreus secundæ magnitudinis, in quo ab vna parte, caput muliebre turritum, cum inscriptione magnifica, ROMÆ ET IMPERIO. In altera stat Victoria, dextra coronam, sinistra palmam tenens. L. CAN. AGRIPPA II VIR. COR. hoc est *L. Caninio Agrippa duumviro Corinthus.*

L.  
CANINIUS  
AGRIPPA.



Haftenus Græciæ, ejusque nummis ferme vnis, operam dedimus: nunc quod inscriptione sua primus hic nummus admonet, ROMÆ ET IMPERIO navanda est. Ac Romæ primum, hoc est, Romanis quibusdam familiis, quæ ut plurimum stante Rep. atque etiam adolescente Imperio, illustres fuerunt: deinde soli Imperio, Romanis scilicet Imperatoribus. Vtriusque generis numismata nonnulla, seu Græcam præferant, seu Latinam epigraphen, deinceps profereamus. De prioribus nonnihil prælusimus in epistola nostra ad Fr. Gottifredum, plura forte daturi, nisi Patinus noster, rei nummarie illustrandæ natus, feliciori genio opus aggressus esset. Ex quo enim nobis suam de restituendo Vrsino mentem aperuit, studiosissimo viro hanc provinciam captanti, rariores nostros familiarum Romanarum nummos, lubenter cessimus, cum suis multo præclarius & dignius in lucem emittendos. Pauculos igitur recens comparatos hic subjiciemus. Atque ut de hoc veluti prodromo nummo dicamus aliquid: certum est illum Corinthi cūsum fuisse; sed quo tem-



pore, dubitavi: donec recordatus sum, vidisse me inter eximios Illustrissimi Lomenii nummos, singularissimum vnum Galbæ Imperatoris, cum capite ipsius & epigraphæ solita, habentem in averfa templum, cum eadem omnino inscriptione, L. CAN. AGRIPPA II VIR. COR. Et quia in nummis Galbæ frequens Romæ fit mentio, huc alluisse videtur duumvir noster, ut cultum, quo Imperator urbem orbis dominam & imperii primariam prosequeretur, in nummo exprimeret. Ideo ipsum ævo Galbæ addicimus. De familia Caninia consulendus Vrsinus. Quisnam fuerit ille Agrippa non liquet: sed inter primarios viros enumerandum censeo, quia duumviratus Corinthii præcipuam quandam dignitatem fuisse, eo maxime persuaderi puto, quod eo munere honestari non renuit aliquando imperante Augusto, Tiberius ipse jam Cæsar: ut me docet nummus meus habens ab una parte caput Iulii, qui olim coloniam Corinthum deduci curaverat, cum inscriptione, M. AEMILIANVS LABEONE II. VIR. D. D. ab altera, caput Augusti, cum in-

I ij

script. TI. CÆSARE II. V. . . .

SED vt prosequamur familiarum nummos: notandum, in amplissima & accurata Fulvii Vrsini collectione nummorum, ad familias Romanas pertinentium, qui ad septingentos sexagenos accedunt, duos solos reperiri maximos argenteos, de numero eorum qui ab Italis dicuntur *Medaglioni*. Quo rariores existimandi mihi videntur, duo ejusdem ponderis & magnitudinis, hic appositi tetradrachmi, quos a regia Serenissimæ Christianæ liberalitate accepi, conciliatore illustrissimo & fidelissimo amico Francisco Gottifredo.

Rariores, inquam, tum quod duplici lingua inscripti sint, Græca scilicet & Latina: tum quod memoriam renovent duorum illustrium Romanorum, qui Ciliciam deinceps & continenter, proconsulari potestate, difficillimis temporibus belli Parthici, quod Crassus in suam & Reip. perniciem acciverat, administrarunt. Paulo majores expressit scalptor, quam sint reipsa: sed ejusdem sunt omnino typi, præter inscriptionem, quæ in vno his constat notis, AP. AP.



F. PVLCHER. PRO. COS. ΛΑΟ. ΑΠΟΛ-  
ΛΩΝΙΟΣ ΔΑΜΟΚΡΑΤΟΥ ΞΩΣΙΜΟΣ.  
In altero M. TVLL. IMP. ΛΑΟ. ΛΑΒΑΣ  
ΠΥΡΡΟΥ. Vterque habet a parte inscripta,  
caduceum, & duos angues, qui spiris in-  
gentibus, pharetram & arcum amplectun-  
tur: ab altera, visitur corona ex hederæ  
foliis & baccis; & in medio coronæ, cista  
ex qua prodit serpens, sine inscriptione.



**P** RIMVS sub nomine *Ap. Clodii Ap.* APPIVS CLO-  
*Fil. Pulchri* cusus est, qui P. Lentulo DIVS PVL-  
& Q. Metello Coss. prætor fuit, & ex præ-  
tura Sardiniam obtinuit: deinde A. V. C. CHER.  
DCXCIX. aut vt placet Dioni, DCC.  
cum L. Domitio Ahenobarbo Cof. Magi-  
stratu exiens, Ciliciæ præfuit. Pauca apud  
autores extant de ipsius administratione  
in ea provincia, quamvis triennali: nisi

I iij

quod imperatorium nomen, quo insignitur a Cicerone in Epistolis, lib. III. rem ab eo bene gestam indicat; ut & studium quod ostentat, in decernenda supplicatione, ob res ab Appio prospere gestas. Speravit etiam triumphum: & obtinuisset, nisi ademisset P. Dolabellæ accusatio, qui eum de maiestate & ambitu postulavit, tanta contentione, ut nisi Appius, qui ruri pro more remanserat ob petitionem triumphi, urbem, abjecto triumphandi consilio, continuo fuisset ingressus, grave periculum subiisset. Sed simul ac Dolabella accessit ad tribunal, paratior visus est Appius, quam speraverat accusator, eumque sua præsentia repressit ac retudit. A.V.C. DCCIII. Censor factus, cum L. Pisone Cæsaris focero, multos equites & senatores notavit, invito collega: & inter alios senatu movit Crispum Salustium, qui historiam conscripsit: quo effecit, ut hi omnes deinceps Cæsarianas partes sequerentur. Siquidem Piso, ut plurimum amicitiam genero demereretur, nullum notandum censuit. Obiisse Appium post pugnam Pharsalicam, autor est Valerius.

*Lib. I. cap. 5.*





**S**ECVNDVS nummus, *M. Tullio M.* III.  
*F. Ciceroni* tribuendus est, qui duode- M. TVLLIVS  
 cim circiter annis, post celebrem illum CICERO.  
 suum Consulatum, quo Romam a conju-  
 ratione Catilinæ liberavit, in administra-  
 tione Ciliciæ Appio successit, A. V. C.  
 DCCCII. Pauca item de rebus a Cicerone  
 gestis nota nobis essent, nisi quædam nos  
 ipse, in suis ad Atticum & alios epistolis  
 docuisset: quæque ideo hic minime omit-  
 tenda censi. Quod enim Laodicenses Pro-  
 consulis nomen, numismatibus suis inscri-  
 pserint: vel ob rerum istarum claritatem  
 factum est, vel quod pacis artes eorum in  
 vrbe diutius exercuerit. *Nos Asia*, inquit  
 ille, *accepit mirabiliter, adventus noster ne*  
*minimo quidem sumptui fuit, levantur mise-*  
*ra civitates, quod nullus fit sumptus in nos.*

*Incredibilem in modum concursus sunt ex agris & vicis, ex domibus omnibus. Mehercule etiam adventu nostro reviviscunt justitia, abstinentia, clementia tui Ciceronis.* Hæc M. Tullius: cui non ita bene cum decessore tunc conveniebat. Nam præterquam quod parum amici, immo invisi a se invicem discesserunt: ut Romam venit Appius, conquestus est quod Cicero, ædificationem cujusdam monumenti, quod provinciales in honorem ipsius construere decreverant, impediret, aut saltem non promoveret: atque etiam Legatos, Romam ituros, ad laudandum Appium, distineret. Interim Cicero rebus statim ordinatis ac compositis, in clarissimis provinciæ suæ urbibus, Laodicea, Apamea, Synnadis, Philomelo, Iconio, & lustrato exercitu, ad Cybistra Cappadociæ pervenit: vbi dum castra habet, Cappadociæ regem Ariobarzanem, opem suam implorantem, & sibi a Senatu commendatum, præsentibus & gravibus insidiis impetum, consilio & auctoritate sua liberavit. Inde in Ciliciam contendit ad Amanum montem, qui Syriam a Cilicia



Cilicia dividit, cuius incolæ rebus Parthicis  
favebant. Hic ad III. Id. Octob. magnum  
hostium numerum cecidit, plures vrbes &  
castella cepit, aut incendit: quibus rebus ge-  
stis IMPERATOR appellatus est, VI-  
CTORIA IVSTA, vt ipse ad Cœlium *Lib. 2. ep. 10.*  
Rufum scribit. Certum enim hostium nu-  
merum esse oportuit, quo cæso dux exer-  
citus Imperatoris nomen consequeretur:  
quamvis ea consuetudine paulatim depra-  
vata, multi paucis hostium cæsis, Impera-  
tores appellati sint. Tandem Pindenisso E-  
leuthero-cilicum oppido primario, LVII.  
dierum gravi obsidione capto, exercitum  
in hyberna dimisit per Quinctum fratrem.

Ipse æstivis confectis, Tharso Laodi-  
ceam se contulit, ibique forum egit ex  
Id. Feb. ad Cal. Maias, omnium diœcescon, *Epist. 2. lib. 6.*  
præterquam Ciliciæ. De hoc foro etiam *ad Atticum.*  
ad Atticum his verbis: *Id. Feb. forum insti-* *Epist. ult. lib. 5.*  
*tueram agere Laodicea Cybiraticum, & A-*  
*pameense: ex Id. Mar. ibidem Synnadense,*  
*Pamphylum.* Quod vt clarius intelligatur,  
sciendum, sub imperio Ciliciensî Ciceronis  
plures fuisse provincias: nempe, Ciliciam

K

ipsam, ex qua tota administratio nomen accipiebat, Pamphyliam, Lycaoniam, & Phrygiæ majoris partem ultra Mæandrum; *Epist. 67. lib. 13.* deinde tres diœceses quas Asiaticas vocat, nempe Laodiceam, Cybiram, Apameam, quas Appius quoque rexerat extra ordinem, quippe quæ ad Asiæ Proconsulem antea pertinebant. Quin & Cyprus insula, post legem Clodiam Pisone & Gabinio Coss. latam, a Lentulo simul cum Cilicia est administrata: item ab Appio & Cicero- *Vlt. lib. 5. & prioribus lib. 6.* ne, ut late patet ex epistolis ad Atticum. Earum omnium provinciarum seu diœceseon, prima Procos. Roma advenienti occurrebat LAODICEA, caput vnius Asiaticæ diœcesis, quam Cicero maximam appellat. Ad ipsam primo accesserat prid. Kal. Sextiles, provinciam ingrediens. LAODICEAM rediit incunte mense Feb. ibique mansit vsque ad Id. Maias: ibi jus dicebat, & forum agebat omnium diœceseon. Denique ad LAODICEAM rationes confectas administrationis suæ deposuit. Ex quibus omnibus prærogativis concludere possumus, Græcas hæc litteras ΛΑΟ. in



nummis signatas, poni pro integro verbo ΛΑΟΔΙΚΕΩΝ, & exprimere LAODICEAM urbem, in qua cusi fuerunt. Ad Lycum fluvium sita erat, & a Seleuco Nicaore cum Apamea condita. Et Apamea quidem de nomine vxoris; LAODICEA vero de nomine matris Laodices appellata. Strabo eas vocat Phrygiarum urbium ma-  
Lib. 12.  
ximas. Quis ergo miretur, fuisse LAODICEÆ cudendæ monetæ officinam? Angues illi pharetram & arcum amplectentes, ad Herculis arma a quibusdam referuntur in similibus nummis, vel ad serpentes quos elisit. Sed commodius est, opinor, Asiæ symbolum interpretari. In nummis M. Antonii, cui Asiæ regimen obtigerat, post pugnam Philipensem, duo similes angues insculpti sunt, vt videre est apud Vrsinum in familia Antonia, numm. VIII. & X. Sed quod omnem dubitationem tollere videtur, in manibus Antiquariorum versatur quinarius argenteus Augusti, ejusdem typi, & cum inscriptione, ASIA RECEPТА, ab Augusto post devictum Antonium cusus. Equidem apud veteres, ejusmodi serpentes

K ij

potentiam, vbertatem, & genios provinciarum, innuere dicuntur, vt notat illustris noster Tristanus in fine tomi primi. Caduceo pax & felicitas designantur. Sed cista illa, ex qua exilit serpens, in medio coronæ ex hederæ baccis & foliis contextæ, quæ visitur in altera parte numismatum, ad Bacchum pertinet: vel quod vini ferax fuerit ditio Laodicensis, vel quod inter præcipuos urbis tutelares cultus fuerit Liber pater. In ejus enim orgiis, ejusmodi cista ferebatur, quæ arcana ipsius mysteria continebat. Serpentes etiam gestabant Bacchantes, vnde Catullus,

*Pars sese tortis serpentibus incingebant,*

*Pars obscura caris celebrabant orgia cistis;*

*Orgia, quæ frustra cupiunt audire profani.*

Apollonii & aliorum nomina, sunt Magistratum Græcorum, qui LAODICEÆ & in aliis civitatibus *ἀρχαγοίς*, hoc est, legibus suis vtentibus, erant Prætorum loco, & vocantur *ἐπατηροί* vt plurimum in nummis, aliquando etiam *ἡγεμόνες*. De his vel similibus conqueritur Cicero ad Atticum, his verbis, quæ huic commentatiuncu-

*Ep. 2. lib. 6.*



læ finem imponent: *Mira erant in civitatibus ipsorum furta Græcorum, quæ Magistratus sui fecerant. Quæstui ipse de iis, qui annis decem proximis magistratum gesserant: aperte fatebantur. Itaque sine ulla ignominia suis humeris pecuniam populis retulerunt.*

**E**CCE aureus insignis, & inter rario-  
res reponendus, habens ab vna parte  
caput Libertatis, cum inscript. M. AQVI-  
NVS LEG. LIBERTAS. In altera, tripodem, cum inscript. C. CASSI. IMP.

IV.  
M. CÆCILI-  
VS AQVI-  
NVS.



*Aquinius*, gentis seu familiæ nomen creditum est a pluribus, non nostratibus tantum, sed Romanis etiam & Italis, qui in re antiquaria principes habiti sunt. Sed re accuratius expensa, cognomen tantum esse deprehensum est. Quippe gentilitia Romanorum nomina, ut recte observavit Carolus Sigonius, in IVS desinunt, ut *Corne-*

*Lib. de nom. Rom.*

K iij

Lib. 1. hist.

*lius, Iulius.* Quamvis autem pauci aliquot illustres viri, quasi gentilitii nominis expertes, huic regulæ adversari videantur, ut *M. Perperna & Norbanus*, Consulares, qui ita in libris, & Capitolinis marmoribus nominantur: id tamen contigisse videtur, aut quod ipsi cognomine magis quam nomine delectati sunt, ut *M. Agrippa*, cuius gentilitium *Vipsanii* nomen, in lapidibus & nummis omissum est: aut certe, quod eorum nomina ignota remanserint. Sed de *Aquino* ne dubitare quisquam possit, facit *Corn. Tacitus*, dum *Cornelium Aquinum* Legatum nominat, qui Fontem Capitonem in Germania imperium meditantem, Nerone mortuo oppressit. Cujus Legati gens aut familia, dum indubitanter adseritur *Cornelia*, restat ut *Aquinus* cognominis locum retineat. Facit & nummus vnus, in quo idem Cæciliæ genti cognomen tribuitur. Is æreus est, secundæ magnitudinis, hinc caput Tiberii præferens, inde bovem cum inscript. L. CAEC. AQVIN. II VIR. MV. TVR. Ad nullum tamen Aquinorum istorum perti-



net nummus noster, sed ad alterum superioris ævi; quem, nisi me valde conjectura fallit, apud historiæ Romanæ autores duos latentem réperi. Siquidem Hirtius, *Lib. de bel. Afr.* aut si mavis Oppius, mentionem facit *M. Aquini* Pompeianarum partium, quem hominem novum & parvum Senatorem appellat: conqueriturque Iubæ regi barbaro potius obedientem fuisse, quam Scipioni Imperatori suo. Huic etiam Cæsar, post victoriam Thapsensem, vitam concessit. Certe in codice reperitur *Aquinus* non *Aquinus*, sed male: ejusdem enim, ut opinor, meminit App. Alexandrinus, inter illos, qui participes gloriæ cædis Cæsarianæ censerī voluerunt, quamvis socii facinoris non essent, & *Aquinum* vocat, non *Aquinium*. *Lib. 2. belli civ.* Immo eundem censeo atque *Cacilium*, quem nomine familiæ suæ *Cacilia* paulo ante signaverat inter familiares C. Cassii, postea vero cognomine suo appellavit *Aquinum*. Quod si familiaris C. Cassii fuit, nil mirum postea legatum ipsius fuisse, ut notat nummus, in bello quod a Bruto & Cassio, adversus An-

tonium & Octavianum Cæsarem gestum est. Tripus ille in nummo signatus, & Apollini sacer, indicat ludos Apollinares, qui ordinantibus & procurantibus Bruto & Cassio celebrati sunt. Erant enim Prætores tum, cum Cæsarem interfecerunt: ideoque ad eos pertinebat ludorum istorum celebratio, ut Livius pluribus locis docet: quo munere magnificentissime defuncti sunt, quamvis absentes ob metum veteranorum Cæsaris. Vide Cicero-  
*Philip. 2. & 10.* nis Philippicas, atque etiam F. Vrsinum, qui de his ludis eruditissime disserit in familia Iunia.

V.  
 L. MÆVIVS POLLIO. **M**ÆVIÆ gentis, quam non recenset Vrsinus, numisma reperi Avenione.



Æreum est, & parvum, in antica parte habens caput Augusti juvenis, cum inscript. L. POL. MÆVI. in averfa, astrum in medio



## FAMILIARVM.

81

medio Lunæ falcatae, quale videre est in argenteo Augusti denario IV. gentis Petroniæ apud Vrsinum. Hujus familiæ fuit, ut opinor, C. Mævius Centurio, quem M. Antonius Alexandria obsessus a Cæsare, captivum reduxit tum, cum eruptione facta ex vrbe Alexandrina, Cæsarianos equites obsidioni adventantes, imparatos & itinere fessos in fugam vertit. Is adductus in conspectum Cleopatæ, & interrogatus ab Antonio, ecquid de se statui vellet, respondisse fertur: *Se neque salutis beneficio, neque mortis supplicio adduci posse, ut Cæsaris miles esse desineret, & Antonii esse inciperet.* Cujus constantiæ admiratione, incolumis abire permissus est. Quis, & qualis fuerit L. Mævius Pollio in nummo scriptus, nondum comperi.

SEXTIÆ familiæ nummum æreum secundæ magnitudinis explicandum susceperam, in quo visitur cum verbo, NASICA, probi illius juvenis. *Nasica* vultus, quem vnum ex omnibus dignum Senatus judicavit, qui matrem Idæam ex Asia ad-

VI.  
P. CORN.  
SCIPIO  
NASICA.

L

ventantem exciperet. Sed cum animadver-  
ti, quam id erudite Io. Faber, quamque  
copiose præstiterit, in libro imaginum il-  
lustrum Ful. Vrsini: inutilis hic mihi, ac  
supervacaneus futurus labor visus est.

C. SEXTIUS. Quia tamen averſam a capite partem scal-  
pello non edidit, in qua C. Valerius &  
C. Sextius, Ædiles Pleb. ab ipſo Fabro re-  
cenſentur: hic reponendum putavi num-  
mum meum integrum, ut Antiquariis fa-  
cerem ſatis in hac parte, dum Fabro in  
eo exponendo tam feliciter ceſſit: ſimul  
ut familiam SEXTIAM, quam Vrsinus  
in ſuis familiis Romanis non agnovit, ex-  
hiberem.



IGITUR ad Soſiæ gentis nummum me  
converto. Æreus eſt, ſecundæ magnitudi-  
nis, habens in antica parte caput M. An-  
tonii Triumviri, alacri & liberali vultu,  
ſine litteris. In poſtica, trophæum cum duo-



FAMILIARVM. 83  
bus captivis, & inscript. SOSIVS IMP.



**C.** SOSIVS, Syriæ & Ciliciæ ab VII.  
Antonio præfectus fuit, postquam P. C. SOSIVS.  
Ventidius, devictis Parthis & Labieno, e  
provincia decessit. Ac primum quidem  
Sofius, Aradios, qui soli Ventidio resti-  
terant, fame & longa obsidione pressos,  
in potestatem redegit. Deinde Antigonum  
Iudæorum regem, ultimum ex stirpe As-  
monæorum, prælio devictum, & Hieroso-  
lymis quo confugerat obsessum, junctis  
cum Herode Ascalonita copiis expugna-  
vit, & vivum captum misit ad Antonium:  
qui, ut Herodi gratificaretur, infelicem  
principem, novo & inaudito apud Ro-  
manos exemplo, Antiochiæ capitali & fer-  
vili supplicio affecit. Interim *Sofius* reli-  
ctis Hierosolymis, ubi coronam auream  
Deo sacraverat in templo, Romæ ex Iu-  
dæa triumphavit, A. V. C. DCCXIX.

L ij

quem triumphum, seu victoriam, designat trophæum in averſa parte nummi. Sequentē anno cum Antonius in Syriam revertiſſet, Soſius ab omni expeditione bellica quievit, ne ſuſpectus eſſet Antonio, & pro æmulo inſeſtoque haberetur: ut antea Ventidio contigerat, cujus rebus fortiter feliciterque geſtis, non modo non gratulatus eſt Antonius, ſed etiam invidit; ei-que, ut refert Dio, imperium abrogavit: quamvis poſtea triumphaverit. A. V. C. DCCXXI. Soſius Conſul factus cum C. Domitio Ahenobarbo, iſſis KAL. IAN. multa frequenti Senatu in Cæſarem Octavianum abſentem dixit, Antonii partes magno ſtudio & contentione fovit, etiam adverſus Cæſarem edictum propoſiturus, ni Tribunus plebis interceſſiſſet. Poſtea cum Collega & plurimis Senatoribus ad Antonium tranſiit, reverſo Cæſare; cauſſatus, eo præſente non licere Conſulibus, libere de Republica agere. Demum prælio navali ab Agrippa ſuperatus eſt & occiſus, cum Tarcondimoto Ciliciæ rege, paucis ante pugnam Actiacam diebus. Alii aſſerunt ab



Augusto vita donatum, recepta Ægypto.

SOSIO Antonianarum partium fautori  
subjiciendi sunt duo adversæ factionis asser-  
tores, *C. Trebonius* & *L. Statius Murcus*.  
Vtrumque designat parvulus, sed rarissimus,  
nummus æreus, qui ab altera parte habet  
caput Vulcani, ab altera Victoriâ in qua-  
drigis, cum inscript. STATI. TREBO.



**C.** *Trebonius* & *L. Statius Murcus*.

VIII.

C. Cæsari Dictatori primum adhæserunt.

C. TREBO-  
NIVS.

Ille Cæsaris Legatus in Britannia, hostes  
supervenientes, magno eorum numero cæ-  
so, in fugam compulit, & legiones tres,  
quæ pabulatum iverant, præsidio equitatus,  
cui præerat, servavit. In Gallia Romanos,  
in castello Vatuca obsessos a Germanis, li-  
beravit. Bello civili Pompeiano, Massiliam,  
post arduam & diurnam obsidionem, ce-  
pit. Cumque Cæsar, omnibus bellis civili-  
bus confectis, Consul IV. factus esset, & Di-

L iij

ctaturæ honore contentus, Consulatum de-  
 posuisset: sibi in tres ultimos anni menses,  
 C. Trebonium cum Q. Fabio Maximo suf-  
 fecit, novo prorsus exemplo. Hinc enim  
 suffecti sive honorarii Consules, tum pri-  
 mum creari cœpti sunt, A. V. C. DCCVIII.  
 Nihilominus conjurationis Brutianæ parti-  
 ceps fuit, ipsique negotium datum est, ut  
 M. Antonium quæsitâ colloquii occasione  
 detineret: ne cum Cæsare curiam ingrede-  
 retur, illique suppetias ferret. Tandem  
 cum Asiam decreto Senatus obtineret,  
 Smyrnæ a Dolabella interceptus, biduo  
 servilem in modum laceratus, ut pecunias  
 publicas exhiberet, capite truncatus est:  
 & corpus omni ludibrio habitum, in ma-  
 re projectum est. Ita primus percussio-  
 rum Cæsaris interiit. DE L. STATIO

L. STATIVS  
 MVRCVS.

MVRCO, qui bello Pompeiano, Cæsaris  
 Legatus fuit, & ipso cæso a partibus Cassii  
 stetit, plura optime, ut solet, F. Vrsinus in  
 gente Statia. Sed quia dubitat de nomine  
*Imperatoris*, quod Murco tribuitur in epi-  
 stola Cassii ad Ciceronem, & in nummo  
 argenteo, quem exhibet ipse Vrsinus: non



ab re forte videbitur, si illum merito adeptum fuisse nomen imperatorium demonstramus. Ac primo certum est, Dolabellam cum classe Ægyptia, quæ duce Serapione, ut ei suppetias ferret, a Cleopatra missa fuerat, a Murco classis Cassianæ præfecto fractum, fugatum, & Laodiceam compulsam, omnique comœatu maritimo intercluso, ad mortem adauctum a Cassio, vrbe capta. Duas postea retulit insignes victorias, etiam navales: vnam, ex Rhodiis, ad Rhodum ipsam a Cassio obsessam; alteram, ex Domitio Calvino, qui classi Cæsarianæ præerat, & Brundisio solverat, ut ad Cæsarem & Antonium, adversus Brutum & Cassium, in Macedonia militantes, supplementum exercitus deduceret. Cum videlicet Murcus ipse & Domitius Ahenobarbus, qui ad Corcyram in statione erant, ut mari portubusque hostes suos prohiberent, iunctis viribus classem Cæsarianam partim depresso, partim incenderunt. In his præliis ars militaris & virtus Murci maxime commendatur: ut nil mirum, si tot victoriis auctus, a militibus *Imperator* fuerit saluta-

rus more antiquo, & hoc nomine gaudeat in antiquis monumentis. Quod ad nummum nostrum pertinet, cuius videtur in Asia, a duobus commilitonibus Trebonio & Statio, qui ambo legati Bruti & Cassii, libertati & Reipublicæ favebant: præsertim a Trebonio, cui Asia provincia fuerat ab ipso Cæsare decreta, & post ejus cædem a Senatu confirmata.

IX.  
SVILLIVS.

*Lib. 4. Ann.*

**P**. ETIAM seu M. SVILLIVM memorabimus, Quæstorem quondam Germanici Cæsaris; ac deinde, cum convictus esset acceptæ ob rem judicandam pecuniæ, in insulam imperante Tiberio deportatum, ut ex Tacito discimus. Ejus duplex nummus apud me reperitur: vterque Græcus, æreus, & secundæ magnitudinis. Primus habet ab vna parte caput Bacchi, seu Liberæ, cum inscript. M. ΣΥΛΛΑΙΟΣ . . . . . ΙΕΡΑΡΧΟΛΙΤΩΝ. In altera, templum cum inscriptione mutila, & lectu difficillima.



ALTER



**A**LTER habet caput Claudii Imp. & <sup>X.</sup>SVILLIVS  
 in averſa, figuram muliebrem ſtan-  
 tem cum eadem inſcriptione M. ΣΥΛ-  
 ΛΙ.....ΙΕΡΑΠΟ.....  
 ALTER.



Quamvis autem prænomen in ipsis legatur  
 MARCVS, in codice vero Taciti PVBLIVS:  
 vnum tamen eundemque SVILLIVM eſſe  
 autumo. Primo ex eo quod nummi Hiera-  
 poli in Aſia cuſi ſint, cujus provinciæ re-  
 ctor extitit: vt patet ex Taciti verbis: *Re-*  
*pertique accuſatores, direptos ſocios, cum Suil-*  
*lius provinciam Aſiam reget, ac publica*  
*pecunia peculatum detulere.* Secundo ex ima-  
 gine Claudii Imper. in altero nummorum  
 impreſſa, apud quem *præpotens, ejuſque*  
*principis amicitia diu proſpere, nunquam be-*  
*ne uſus,* dicitur ab eodem Tacito. Debetur *Lib. 13. Ann.*  
 igitur Suillio prænomen *Marcus:* atque e-  
 tiam duplex L. L. vt in nummo, & apud  
 M

*Lib. de Nom.  
Rom.*

Carolus Sigonius, qui *Suillios* recenset inter eos qui a pecore nomen sumpserunt. Quod vero ad gesta *Suillii* pertinet: delatoris vicem sæpius cum maximo virorum illustrium detrimento sustinuit. Ejus enim opera Messallina Valerium Asiaticum bis Consulem, cujus hortis olim a Lucullo magnificentissime excultis inhiabat, subvertit, & ad necem voluntariam compulit: torque aliis perniciem attulit, ut *continuus & servus accusandis reis Suillius* dicatur a Tacito. Immo cum magna perfidia & prævaricatione, advocacy munere functus, tandem Nerone ad imperium evecto, multorum odia meritis, reus factus & damnatus est: incumbente præcipue Seneca, cum quo maximas similtates exercuit. Igitur adempta bonorum parte, in insulas Baleares pulsus est: in ipso tamen discrimine, & post damnationem ipsam, animo invictus.

XI.  
EPRIVS  
MARCELLVS.

**F**AMILIIS finem imponet nummus Græcus, æreus, secundæ magnitudinis, habens vna in parte caput juvenile,



cum decore capillitio, & inscript. ΘΕΟΝ  
 ΚΥΝΚΛΗΤΟΝ; quæ adulationem Græco-  
 rum redolet, qui Senatui ipsi Romano di-  
 vinos honores tribuebant: in altera, figu-  
 ram stantem, dextra pomum, sinistra ha-  
 stam gestantem, cum inscript. ΑΝΘΥ.  
 ΕΡΡΙΩ ΜΑΡΚΕΛΛΩ. ΚΥ.



ΕΡΡΙΩ ΜΑΡΚΕΛΛΩS cujus nomine  
 insignitur nummus, multum a reipublicæ  
 temporibus distat: sed quia famosus ævo  
 Neronis & Vespasiani, ideo minime præ-  
 tereundus. Fuit acri vir eloquentia, accu-  
 sator Thraseæ Peti, quem *virtutem ipsam*  
 vocat Tacitus. In eum magna vi inuictus  
 est Marcellus annuente Nerone: & accusa-  
 tionis præmium reportavit quinquagies  
 festerium. Nerone mortuo, pluribus actio-  
 nibus impetitus est in Senatu, ab Helvi-  
 dio Prisco Thraseæ genero, qui soceri ne-  
 cem vlcisci, Eprii delatoris ruina niteba-

M ij

tur: ac primum quidem imperante Galba, cujus cum esset dubia voluntas, & multi e Senatu deprecatores intercederent, omiſſa eſt actio. Sed repetita iterum pari exitu, imperante Veſpaſiano, cum egregie ſe tueretur Eprius: donec Domitianus Cæſar patre ac Tito fratre abſentibus, frequenti Senatu, abolendam præteritorum memoriam cenſuit, perorante etiam pro accuſatoribus Muciano. Vnde Quintilianus, in dialogo de Oratoribus ait: *Quid aliud infeſtis patribus nuper Eprius Marcellus, quam eloquentiam ſuam oppoſuit? qui accinctus & minax, diſertam quidem ſed inexercitatam, & ejuſmodi certaminum rudem Helvidii ſapientiam eluſit.* Pro conſule Cyprum Inſulam rexiffe, colligi poteſt ex notis ANΘΥ. & KY. quæ ANΘΥΠΑΤΩ & KYΠΡΙΩΝ designant: & ex figura Veneris pomum geſtantis, quam Cyprii præ aliis venerabantur. Quamvis enim figura illa virilis appareat, militari habitu & veſtitu, ſiniſtra haſtam gerens: nihilominus Veneri tribuenda videtur, quæ ἐνδ' ἡλίας, hoc eſt armata, colebatur a Lacedæmoniis, aliisſque populis, & maſcula dice-



batur, teste Macrobio super Virgilii versu

*Descendo, ac ducente deo flammam inter & Aeneid. 2.*  
*hostes*

*Expedior.*

Sic & Luna mas & foemina existimabatur ab Ægyptiis, & *Lunus* deus dictus miro cultu habebatur apud Carrhenos in Mesopotamia, & in aliis Asiæ locis: quod patet ex nummis antiquis, quorum plures apud me, qui *Lunum* repræsentant, vultu juvenili, cum astro falcato in humeris, & pileolo Phrygio in capite.

**M**AXIMUM ecce vnum: & sive integritas, sive cælatura spectetur, omnino singularem; argumentoque nostro, quamvis ad Romanas familias non pertineat, accommodatissimum. Hunc ego acceptum fero illustrissimo *Malebranchio*, in suprema Curia Senatori integerrimo, eruditione, comitate, & morum elegantia commendatissimo. Habet iste nummus in antica parte caput Valeriani Imperatoris, cum inscriptione, ΑΥΤ. Κ. ΠΟ. ΔΙΚΙΝ. ΟΥΑΛΕΡΙΑΝΟΣ. In aversa, *Lunum* ipsum

XII.


VALERIA-  
NVS.

M iij

stantem eo quo præmonui habitu, & inscr.  
 ΕΠ. ΣΤΡ. ΜΕΝΑΝΔΡΟΥ Β. ΝΥΣΑΕΩΝ.  
 Luni pedibus appositum est caput bovi-  
 num: sive quia Luna bicornis est, ut tau-  
 rus; sive quod in tauro cœlesti, excelsior  
 Lunæ sit ascensus, & virtus in hæc inferio-  
 ra major.







## CAPVT QVARTVM.

*De nummis Imperatorum.*

**P**ERGIMVS ad Imperatorios nummos, inter quos primum ei locum dabimus, qui, si veræ sunt nostræ de eo conjecturæ, primæ notæ ab antiquariis omnibus esse merito censebitur. Æreus est, primæ magnitudinis, habens ab vna parte tria capita; quorum duo juncta, sunt virilia; tertium muliebri ipsis adversum: cum inscriptione trita omnino: in aversa, triremem cum triquetra nota Sicilia, & inscriptione mutila, . . . I T E R. P R A E F. . . .

I.  
M. ANTO-  
NIVS.  
OCTAVIA.



Huic exponendo pauca præmittimus. Bello Perusino ab Octaviano Cæsare confecto, & L. Antonio in Hispaniam amandato, Fulvia M. Antonii Triumviri vxor, cum liberis Athenas confugit: quo etiam Iulia Antonii mater, quæ in Siciliam abierat, a Sexto Pompeio missa est, ut Antonii gratiam adversus Cæsarem aucuparetur. Illuc & ipse ex Asia advolavit Antonius, & intellectis quæ in Italia magno suorum detrimento gesta fuerant, ac foeminarum querelis incitatus: accedentibus etiam L. Libone Pompeii socero, & aliis qui honoris causa Iuliam comitati fuerant: Sexto reconciliatus, cum eo bellum Cæsari inferre statuit. Igitur Athenis digressus, & cum ducentis navibus Brundisium appulsus, ciues sibi adversantes obsedit, dum Pompeius Italiæ littora & insulas invadit: Cæsar vero Brundisio tuendo, P. Servilium Rulum mittit. Interim nunciatur Fulviam, quæ præcipua belli fax, mortem obiisse. Quo accepto nuncio, utriusque amici conveniunt: nec prius ab ipsis cessatum, quam Cæsar & Antonius, depositis armis & simulatibus,



multatibus, in gratiam redirent. Atque ut pax arctiori quodam affinitatis vinculo connecteretur: statutum, ut Octavia Cæsaris soror, Marcello marito nuper functo vidua, Antonio desponderetur. In hujus foederis, quod Brundusinum dictum est, memoriam, cusus videtur nummus noster, & in antica parte tria capita, ANTONII, CÆSARIS, & OCTAVIÆ, posita existimo. De duobus prioribus nullum dubium apud eos, qui antiquitatis Romanæ gnari, Antonii & Cæsaris junioris vultus norunt: Octaviæ, si vnquam conjecturæ locus,tribuendum est caput tertium. Nam quod aliud caput muliebre, cum duobus istis locum habere posset? Non equidem Cleopatrar, quam nondum pro vxore habebat Antonius. Nec illi cum Augusto conveniebat, cujus caput in nummo. Sed a quo cusus nummus, & quo tempore, non ita liquet. Nihilominus Sexti Pompeii auspiciis cusum, mihi persuadet triquetra nota Siciliae, quam insulam tenebat Sextus: atque etiam inscriptio, licet mutila, quam sic ausim refarcire: IMPER.

N

ITER. PRÆF. CLASS. ET ORAE MARIT. EX S. C. qualis legitur in nummis Pompeianis. De tempore item dubium. Primo intuitu suspicatus sum, cūsum esse nummum ipso tempore fœderis Brundusini: tunc enim summa erat inter Antonium & Pompeium concordia. Sed ex eo conjectura labat; quod inter conditiones & pacta ejus fœderis, constitutum fuit, ut Cæsar bellum contra Sextum susciperet. Quo intellecto, Sextus relicta Italia in Siciliam se recepit, ac maria & littora crebris populationibus infestavit. Nummi ergo fabrica hoc fœdere aliquot mensibus posterior esse potest: cum videlicet populus Romanus, in summa annonæ caritate constitutus, interclusis per Sextum commeatibus & frumentationibus consuetis, Antonium & Cæsarem, ad pacem cum eo sancendam coegit, constituto ad Misenum colloquio. Tunc temporis cudi potuit a Pompeio nummus iste, in gratiam fœderis cum Antonio & Cæsare confecti. Annon etiam post annos duos, ab ipso Agrippa? qui devicto fugatoque Pompeio, non so-



lum præfecturam classis Cæsarianæ, amoto Calvisio, obtinuerat: sed etiam belli Siculi peracti gloria illustris, insulæ regimen obtinuit, & post Sextum, oræ maritimæ & classi præfectus fuit, vt patet ex nummo aureo ipsius, apud Goltzium in Fastis. Quic- *Pag. 193.*  
quid sit, maximo antiquitatis detrimento, periit nummi nostri inscriptio, tum aduersæ partis, tum auersæ.

**A**LTERVM M. Antonii nummum insignem, & inter rariores reponendum, hic minime possum præterire. Aureus est didrachmus, habens ab vna parte caput M. Antonii Triumviri, cum inscript. **II.**  
**ANTON. AVG. IMP. III. COS. DES.**  
**III. IIIIV. R. P. C.** ab altera, caput juvenile Antonii filii ex Fulvia, cum inscript. **M. ANTONIVS & ANTONIVS FIL.**  
**M. ANTONIVS M. F. . . . .** forte M. N.



Constat apud Historiæ Romanæ scriptores, Antonium Triumvirum duos ex Fulvia vxore suscepisse liberos, quorum vterque Antonii nomen obtinuit: quamvis Plutarchus, & alii Græci autores, maiorem natu Antillum vocitent. Sed Antillus videtur esse nomen diminutivum Antonii, & a parentibus adblandientibus, filio adhuc puello impositum, tanquam ætati tennellæ magis consonum, vt Quintillus, Secundilla, Livilla, pro Quinto, Secunda, Livia. Marci prænomen paternum habuit natu major: Iunioris enim prænomen fuit Iulius, vel potius Iulus. Primus patre mortuo a Theodoro præceptore militibus traditus dicitur apud Plutarchum, a quibus capite plexus. Suetonius vero in Augusto paulo aliter his verbis: *Antonium juvenem, majorem de duobus Fulvia genitis, simulacro D. Iulii, ad quod post multas & irritas preces confugerat, abreptum interemit.* Reapse Antonius intempestive, post Actiacam pugnam, ANTONIVM suum ex Fulvia primogenitum, cum Cæsarione perdidit: dum eos posita prætexta togam virilem su-

*In Antonio.*

*Cap. 17.*



mere, regesque, & regni heredes salutari iussit. Quod iisdem haud multo post exitio fuit. Cum enim essent regni successores designati, ab Augusto interfecti sunt, ne res novas molientibus ansam præberent.

Nullum igitur dubium, quin caput illud juvenile, sit majoris natu filiorum Antonii, quod patet ex discrimine prænominum. Iunior enim, ut dixi, ab historicis Iulius, vel Iulus prænominatur, præsertim a Dione, qui eum prætorem A. V. C. DCCXLI. genethlia Augusti, equestri certamine & venatione celebrasse narrat, atque etiam ex S. C. epulum Augusto & Senatoribus in Capitolio dedisse; sed postea inter adulteros Iuliæ connumeratum, quasi hoc scelere sibi viam ad Imperium pararet, annis XXV. post patrem, occisum, A. V. C. DCCXLVIII. cum quadriennio antea Consul fuisset. Huic Horatius Oden dicavit, sub prænomine *Iuli*:

*Pindarum quisquis studet æmulari,  
Iule, ceratis ope Dædalea  
Nititur pennis &c.*

N iij

At frater ejus natu major ANTONIVS, MARCI prænominē gaudens, ille ipse est qui in nummo nostro designatur, & occiso patre confestim periit, quamquam ei desponsata fuisset Iulia Cæsaris filia.

III.  
AVGVSTVS.

**A**VGVSTI nummorum antesignanus erit, æreus vnus, primæ magnitudinis, & maximis propior, habens ab vna parte caput muliebri velatum, cum inscript. INDVLGENTIAE AVG. MONETA IMPETRATA. In altera, Imperator triumphat in quadrigis, manu gerens sceptrum, cuius in apice aquila. CAESARI. AVG. COL. A. A. P.



Postremæ inscriptionis notæ in quibusdam Claudii, L. Veri, Commodi, & aliorum



principum nummis exaratae sunt, cum ultimo verbo PATR. & vulgo explicantur COLONIA AVGVSTA PATRENSIS. Sed duae istae litterae A. A. punctis interfectae, mihi videntur innuere duo verba distincta, nempe AVGVSTA AROE, seu AROA. Siquidem vrbs Patrensis primum conditorem suum agnoscit Eumelum, regionis illius indigenam, qui cum frumenti ferendi rationem accepisset a Triptolemo, urbem suam AROAM appellavit, a terrae cultu sumpto nomine. *Ἀρόαν ὠνόμασεν ἐπὶ τῇ ἐργασίᾳ τῆς γῆς*, ut tradit Pausanias, in Achaicis. Ejectis deinde Ionibus ab Achæis, PATREVS aut PATRAVS (apud me enim in argenteo tetradrachmo, videtur ΠΑΤΡΑΟΥ, cum equite hostem proturbante) PATREVS inquam *Preugenis* filius, *Agenoris* nepos, Aroës pomoerio ampliato, illam de suo nomine PATRAS vocavit. At Augustus post Actiacam victoriam, cives Patrenses bellorum injuria dispersos, in urbem suam revocavit, quod ejus portum navigationi opportunum existimaret: illucque Rhyparum, Pherarum,

Tritiæ, atque aliarum urbium vicinarum incolas traduxit, earum ditioe Patrensi-  
bus attributa: unde terno nomine dicta  
videtur AVGVSTA, AROE, PATREN-  
SIS, a tribus conditoribus, seu restaurato-  
ribus, Eumelo, Patreo, Augusto. Hos etiam  
solos ex Achæis libertate sua uti voluit  
Augustus, atque alia in eos beneficia con-  
tulit, quibus deductas a se colonias affice-  
re solebant Romani. Præsertim vero mo-  
netæ cudendæ privilegio donatam ab Au-  
gusto licet asseverare, ex rarissima & præ-  
stantissima inscriptione, INDVLGENTIAE  
AVG. MONETA IMPETRATA: quam  
nescio an aliquis nostrorum Antiquario-  
rum scriptis vnquam tradiderit, aut alias  
viderit.

Cæterum jus cudendæ monetæ æreæ,  
Romanas colonias habuisse, colligi potest  
ex plurimis præsertim Hispanicis nummis  
& Corinthiis: in quibus duplex D. D.  
explicatum hætenus, *Decreto Decurio-  
num*, intelligi solet de licentia cudendi  
nummi. Quin & peculiarem Augusti per-  
missionem apud me video in nummis duo-  
bus:



bus: quorum alter primæ magnitudinis, habet ab vna parte caput ipsius radiatum, cum inscriptione PER M. DIVI. AVG. COL. ROM. & in averfa, caput Iuliæ vxoris, cum magnifica illa inscript. IVLIA AVG. GENETRIX. ORBIS. Alter secundæ magnitudinis, habet caput Tiberii cum eadem epigraphe; & in averfa, duo capita, Germanici & Drusi Cæfarum. Horum numismatum icones, quia reperiuntur apud Ant. Augustinum & alios, minime hic apponendas censui. Sed intelliguntur de eundem monetæ potestate ab Augusto facta: mihiq; omnino videntur adversari doctissimorum virorum sententiæ, qui contendunt, nummos æreos nullos, nisi decreto Senatus, cufos fuisse primis Imperii Romani sæculis, antequam Senatus ipsius auctoritas per inferioris ævi Tyrannos deminuta esset. In prædictis enim nulla S. C. mentio, sed tantum Imperatoris Augusti. Advertant viri clarissimi, quos impensius colo, qua se via hinc expediant, pro sua prudentia, & rerum antiquarum experientia singulari.

O

IV.  
AVGVSTVS.

**S**EQVITVR denarius argenteus, habens  
in antica caput Augusti, cum inscript.  
CAESAR. DIVI. F. in averſa, Cupido inſi-  
det Delphino inter ſtellas duas. S. P. Q. R.



Similem fere typum habet Vrsinus in ſe-  
cundo nummo familiae Cordiae, ſi ſtellas  
excipias; ut in quarto Lucretiae: & Cupi-  
dinis ſignum ad Iuliae familiae originem, a  
Venere e mari orta ductam, in Iulij Caeſa-  
ris gratiam impreſſum a monetario con-  
jicit. Recte id quidem: ſed nummum no-  
ſtrum addita duplex ſtella, illuſtorem red-  
dit; nec tantum maternam Octaviani Cae-  
ſaris originem a Venere, ſed & paternam a  
Iulio demonſtrare videtur. Ab una enim  
parte, ut opinor, viſitur ſidus Veneris; ab  
altera, ſidus Iulium: & inter utrumque,  
tamquam nobiliſſima domus & fortunae



suæ numina & munimina, junior Cæsar Delphino insidet, sub imagine Cupidinis. Quot vtriusque Cæsaris nummis insculptum sit Iulium sidus, vix enumeres. De stella Veneris plura passim apud Philologos. Sed si *Augusti* cognomen exaratum esset in nummo, aut aliud quidpiam, ex quo argumentari liceret, cūsum cum esse post occisum Antonium, & receptum Orientem: geminas hinc inde stellas, *Phosphorum* & *Hesperum* interpretarer, Orientis & Occidentis indices: vt in Anastasi Childericiana, super aureo Leonis Imperatoris nummo, duplici sidere insignito, me docet Io. Iac. Chiffletius, & ipse politæ omnis litteraturæ sidus.

**I**A M duplicem æreum dabimus num-  
mum, vtrumque primæ magnitudinis. V.  
AVGVSTVS.  
Prior est Augusti, habetque tria signa militaria, typo singulari: cum inscript. AVGVSTO DIVI. F. LEG. IV. LEG. VI. LEG. X. In averſa, colonus agit boves arantes: inscriptio legitur non integra. . . . T . . . . FLAV. PRAEF. GERM. L. IVVENT.

O ij

108 SEL. NUMISMATA:  
LUPERCO. II. VIR. C. C. A.



Antonius Augustinus dial. VII. & ex eo  
Occo, in alio Augusti nummo legunt, TI-  
BERIO CLODIO FLAVO PRÆFECTO  
GERMANORVM, L. IVVENTIO LV-  
PERCO, DVVMVIRIS.

VI.  
TIBERIVS.

**P**OSTERIOR est Tiberii, habetque  
statuam ipsius equestrem nudo capite,  
& inscript. TI. CAESAR DIVI AVGV. F.  
AVGVSTVS P. MAX. TR. POT. XXXIII.  
In averſa, tria ſigna militaria ordine con-  
ſucto. . . CATO. L. VETTIACVS. II.  
VIR. & in ſuperiori parte nummi C. C. A.  
Deletum eſt prænomen Catonis, qui apud  
Anton. Auguſtinum *Marcus* dicitur in al-  
tero Tiberii nummo, ſed non ejuſdem typi.





Postremum hunc nummum pluris æstimo, non solum quod subrarus mihi videatur, sed quod illum acceperim ab eruditissimo & humanissimo viro *Nicolao Heinsio*, apud Suecos oratore foederatarum Belgii Provinciarum: cujus urbanitatem expertus sum Hagæ Comitum, ante triennium, cum illius museum omni antiquitatum genere refertissimum, data opera invisi, & facundo ejus alloquio frui mihi contigit.

Primus cusus videtur tribus legionibus IV. VI. & X. Cæsaraugustæ hyberna agentibus: quæ signa militaria manipulorum, more veteri expressa, hic insculpserunt.

Verum ut lux interpretationi nostræ major affulgeat, delibanda hic a nobis de signis militaribus pauca quædam, ad utrius-

O iij

que numini intelligentiam plane necessaria. Legionis totius signum aquila fuit, vnus vna; vel aurea vel argentea, summæ hastæ insistent, expansis alis, fulmen sæpe, vt in Tiberiano nummo cernis, vnguibus tenens: nec magnæ illa molis, cum in signiferi baltheo, clade Variana, vnam delituisset Florus testetur. Manipulorum autem signa, primis reip. temporibus fuerunt, impositi perticis fœnei stramineive manipuli.

Ovid. fast. 3.

*Vnde manipularis nomina miles habet.*

Tales in Augustæo nummo aspicias duos. Posteriori ævo non fœnum imposuere perticis; sed aut velum transverso e ligno pendens, quale inter manipulos medium intueris, mixto simul recentiore ritu cum vetusto: aut manum, vt in secundo nummo, forte vt manus ad manipuli vocem alluderet. Quid autem orbiculi totam hastam tegentes? clypeoli sunt, in quibus aureæ vel argenteæ imagines, Deorum primum, deinde etiam Imperatorum. Hinc Tacitus: *Vexillarius direptam Galbæ imaginem solo afflixit.* Herodianus etiam agens de Maximino: *Postquam de signis militaribus, illius ima-*

1. hist.

Lib. 8.



*gines detraxerunt, prodeuntem mox tentorio cum filio, ut ad eos loqueretur, continuo obtruncant. Nec tantum Imperatorum, sed & virorum principum. Apud eundem Tacitum Drusi imago inter signa. <sup>1. Ann.</sup> *Tua Divæ Augustæ cælo recepta mens, tua pater Drusæ imago.* Immo ipsius Sejani per adulationem apud Sueton. in Tiberio: *Munera Syriacis* <sup>cap. 43.</sup> *legionibus dedit, quod sola nullam Sejani imaginem inter signa coluissent.* Sed & nomina Imperatorum in vexillis inscribebantur. Sueton. in Vespasiano: *Affensere cuncti, no-* <sup>cap. 6.</sup> *menque ejus, vexillis omnibus sine mora inscripserunt.* Vbi obiter observandum, nomen vexilli indiscriminatim pro quolibet signorum genere accipi. Quamvis vexilla proprie sint Equitum, quæ vela quædam erant quadra, expansa ad hastam, sed vela modica: quale forte est illud in nummo nostro Augustæo inter duos manipulos, & qualia sunt apud nos in equestribus turmis. Quid ergo si hic equestre signum vnum, inter pedestria duo, medium dicamus esse: quæ signa, legiones peditibus equitibusque, sed paucioribus equitibus conflatas, repræsentent? In*

nostro etiam Tiberii nummo, videntur quasi folia hederacea pendula. An folia & flores, quibus decorabantur signa in rebus lætis, aut venerationis causa? Certe apud Claudianum,

*Mavortia signa rubescunt*

*Floribus, & subitis armantur frondibus haste.*

*Ann. 1.*

An vero propria cohortium signa fuerint, an signa in iis nulla, nisi manipulorum ex quibus erant conflata, disceptent eruditi. Ego quidem nulla nisi manipulorum fuisse puto. Verumtamen cum per signa cohortes discerni Tacitus dixerit: verisimile est, signa ordinum cujusque cohortis, ab aliis aliarum cohortium distincta notis quibusdam fuisse. Certe apud F. Vrsinum in nummo vnico familiæ Neriæ, & in quarto familiæ Valeriæ, visuntur signa militaria cum notis H. P. Quæ dicta ego velim de reip. tempore, deque imperii ætate superiori. Nam inferiori ejusdem ævo, cum novi se quotidie mores obtruderent, mutata reip. militiæque facie, suos singulis cohortibus Dracones fuisse testatur Vegetius. Hastæ porro, quibus imposita signa, inferiori



# IMPERATORVM.

113

riori parte, quod ex nummis patet, acutæ erant, vt in terram defigerentur, siue in castris, siue in acie, cum staret. Quod iis commune cum hastis militum cæteris erat, de quibus Virgilius,

*Stant terre defixæ haste.*

*Æt. 6.*

**A**CCEDIT argenteus drachmalis, integerrimus, & cælaturæ perquam elegantis: in quo visitur caput Augusti radiata corona insigne, Græca inscriptione: ΚΑΙΣΑΡΙ ΣΕΒΑΣΤΩ ΚΡΗΤΕΣ ΕΚΟΡΑΥ. Altera in parte, caput Tiberii laureatum: ΤΙΒΕΡΙΩ ΚΑΙΣΑΡΙ ΣΕΒΑΣΤΩ ΓΟΡΤΥΝΙΩ.

VII.

TIBERIVS.



In alio fere simili nummo, sed a vetustatis injuriis non æque defenso, a parte capitis Augusti legitur ΚΑΙΣΑΡΙ ΣΕΒΑΣΤΩ Κ. ΓΗΓΩΝ ΕΚΟΡΑΥ. Sole clarius apparet,

P

utrumque nummum in Creta fuisse cūsum :  
 & priorem quidem Gortyniæ, quæ hujus  
 insulæ vrbs præclara. In posteriore vero  
 nihil aliud designatur nota K, quam KPH-  
 TH, cum insolito epitheto ΓΗΓΩΝ: quod  
 post accuratam disquisitionem, dividen-  
 dum mihi videtur in voces duas γῆ γῶν,  
*terra terrarum*. Magna siquidem Cretæ di-  
 gnitas, quæ omnibus Mediterranei maris in-  
 sulis, si Siciliam exceperis, antecellit: sive  
 propter Iovis incunabula, sive propter cen-  
 tum vrbes quibus habitabatur, vnde He-  
 catompolis dicta; sive etiam propter ferti-  
 litatem. Quas Cretæ laudes luculenter Vir-  
 gilius expressit:

*Æn. 3.*  
*Creta Iovis magni medio jacet insula*  
*ponto,*  
*Mons Idaus ubi, & gentis cunabula nostræ.*  
*Centum vrbes habitant magnas, uberrima*  
*regna.*

*Polit. l. 2. c. 8.* Sed maxime commendatur ab Aristotele,  
 qui eam ad principatum Græciæ totius  
 ait esse natam, & sitam: quippe quæ om-  
 nibus Ægæi maris insulis imminet, &  
 tum Asiæ tum Europæ continenti vicina



est. Immo addere possumus, maxime idoneam esse, quæ omnibus Mediterranei maris insulis & littoribus dominetur. Quo fit, vt minus mirer, vocatam olim in nummis fuisse *terram terrarum*: & nostris etiam temporibus, ab immani Turcarum tyranno viginti totos annos, tot sumptibus, tot exercitibus, immo totis Orientis viribus impetitam; magno sane Reip. Christianæ detrimento, nisi avertat Deus Opt. Max. & cælesti ope, providentissimi Senatus Veneti constantiæ ac fortitudini adlaboret. Gortyniam vero, cuius mentio fit in nummo, quæque jus civitatis suæ Tiberio tribuisse videtur cum cognomine ΓΟΡΤΥΝΙΩ, certum est inter præcipuas Cretenſes vrbes numeratam fuisse: & cum Phæstiis sibi vicinis continua gessisse bella, vsque ad everſionem vrbis ipsius Phæsti. Refert Plinius juxta Gortyniam, platanum quandam semper virentem fuisse, Iovis & Europæ thalamo famosam. Cujus rei testem exhibet nummum Gortyniorum Antonius Augu-  
stinus, in quo cælata est puella ramis arboris insidens. Notas illas ΕΚΟΡΑΥ in

Dial. 3.

nummo exaratas, usque adhuc non intelleximus.

VIII.  
TRAIANVS.

**S**ED quia de Cretensium nummis agimus: prætermittendum non puto, argenteum drachmalem exquisitissimum, Traiani capite percussum, cum Latina inscript. IMP. CÆS. NERVÆ TRAIANO GER. DAC. PART. In averfa, foeminam habet rupibus seu montibus insidentem, dextra telum, sinistra infantulum gestantem, inter figuras duas armatas, cum Græco verbo, ΔΙΚΤΥΝΝΑ. *KPIIT*



Descriptus fuit hic nummus, antequam meus esset, ab erudito Tristano, qui de duplici & bilingui inscriptione, de Diana seu Dictynna Cretensi, & reliquis ad nummum pertinentibus, plura exquisitæ doctrinæ arcana, pro more suo, nos edocet. Sed quia postea meus factus est nummus, & hic Cre-



tam attigimus: mei juris esse censeo, pau-  
cula addere. Illæ siquidem figuræ armis in-  
signes, in mentem revocant enopliam sive  
pyrrhica saltationem: quam primum in-  
ventam ferunt apud Cretenses, sive a Pyr-  
rho quodam, ut ait Plinius, sive a Cureti-  
bus & Corybantibus. Etenim Rhea eni-  
tens, ut referunt Mythologi, & partus do-  
lores dissimulans propter Saturnum filios  
vorare solitum, Curetum opem admisit,  
qui tympanorum tumultu & armorum fra-  
gore, infantis vagitus occultantes, Satur-  
num eluserunt; & Iovem puerulum in ab-  
dita montis Idæ loca abduxerunt. Hinc a  
Virgilio *Creta Iovis magni insula* dicitur.

Lib. 7. cap. 57.

**H**VIVS puerperii pulcherrimum ha-  
beo monumentum, quamvis sine ar-  
mata saltatione, in maximo Antonini Pii  
numismate inferius posito: cujus averfa in  
parte, Faustinae, ut opinor, partus induci-  
tur, sub specie matris Idææ, cum tympa-  
nistis, Satyro, & aliis. Nec mirum: ipsa  
enim Faustina in nummis suis Rheam ha-  
bet expressam, cum inscript. *Matris Ma-*  
P iij

IX.

ANTONINVS

PIVS.

*gna*, cui supparem se præstare voluisse visa est.



X.  
BRITANNI-  
CVS.

**V**ERVM vt constitutum ordinem repetamus: prædeat numisma Græcum, æreum, primæ magnitudinis, & raritatis, habens caput juvenile, sine corona, cum inscript. ΚΛΑΥΔΙΟC ΒΡΕΤΑΝΝΙΚΟC ΚΑΙ-  
CΑΡ. In aversa, visitur figura nuda, stans, dextra pateram vel quid simile præferens, cujus ad pedes cervus, cum verbo ΑΛΑ-  
ΒΑΝΔΕΩΝ. Infelicem Britannici sortem, nemo fuit illi coævus adeo expers misericordiæ, qui non lugeret, excepto Nerone parricida. Sed & nostris temporibus nullus est inter veteris historiæ studiosos, cui miserabilis ejus fortuna dolorem non com-



moveat. Præclara indoles, adolescentia innocens, jus hereditarium ad imperium quo



novercæ Agrippinæ artibus depulsus est, mors immerita, præceps, violenta, cum decimum quintum ætatis annum vix attigisset, tandem pro virili toga, accepta sandapila: hæc omnia ingenuis animis miseranda videntur. Sed quod antiquarios nostros premit, vix vllum habent ipsius monumentum: adeo pauca in manus nostras venire Cæsaris hujus numismata. Vnicum jactat Occo se vidisse. Nos alterum solum offendimus, inter tot myriades, quas contrectavimus; in tot museis, quæ scrutati sumus. Vtrumque Tristanus pro sua eruditione, & incomparabili monumentorum Græcorum peritia descripsit: quamvis neu-

trum se vidisse testetur. Sed quia, ut ipse nobis indicat, hujus nostri posterioris solum præ manibus habuit ectypon, cui cum prototypo nostro non omni ex parte convenit: nihil detracturum me tanti viri meritis & famæ censui, si mei nummi & conjecturæ copiam studiosis facerem: cum per ipsum non steterit, quin ectypon illud, quod acceperat, fidelioris & accuratioris esset notæ. Meus equidem nummus nil differt a Tristani descriptione, a parte capitis Britannici. Sed quem in averfa depinxit equum, in meo cervus est indubitanter, aut dama, suis insignis cornibus, qualia juniorum hujusmodi ferarum esse solent. Quæ me res adducit, ut credam, figuram illam stantem & nudam, esse Solis, qui in ipsa Caria, cujus Alabanda civitas est, ut in reliquis Orientis provinciis, tanquam præcipuum numen colebatur. Etenim cervum Soli attributum, ut ipsius cursum velocitate sua designaret, memini me videre in nummis. Binos Græcos testes adducam.

XI.

TRAIANVS.

**P**RIOREM æreum, primæ magnitudinis,



# IMPERATORVM.

121

nis, Trajani nomine & capite, cum inscriptione vulgari. Hic in aversa exhibet figuram Osiridis, quem vnum eundemque cum Sole existimatum, sciunt omnes Ægyptiæ mythologiæ periti.



Non immoror in verbo ΚΟΡΤΗΤΩΝ & notis L. IF. Π, nec in descriptione præfecturæ Coptitiæ in Ægypto, apud quam percussus est numisma. vnum in præsentis sufficiat: Osirim nostrum sinistra cervum gestare, tanquam symbolum Solis, & rapidissimi cursus ipsius.

**S**ECVNDVS nummus item æreus, est XII. Balbini Imper. sed mediocris magnitudinis, ideoque perrarus, ΑΥΤ. Κ. ΚΑΙ ΑΙ. ΒΑΛΒΕΙΝΟC. Habet in aversa templum, BALBINVS.

Q

in quo ante aram, stat figura Solis, capite radiato, dextra itidem cervum ferens, cum inscriptione, ΜΙΛΗCΙΩΝ. ΝΕΩΚΟΡΩΝ.



Refert Pausanias in Arcadicis, fuisse apud Milesios, nobilissimum Apollinis simulacrum, quod Xerxes sustulerat, illos criminatus, bello quod Græcis intulerat, propensiores Atheniensibus fuisse: iisque a Seleuco multis post annis redditum. Fuit etiam celeberrimum olim oraculum Apollinis Didymæi: qui, quod Mileti ejus templum esset, Milesius quoque dictus est. Sane idem videtur esse fanum illud, quod repræsentat nummus. Atenim pro foribus ipsius, videre est statuam illam famosam Apollinis, dextra cervum præferentem. Istorum auctoritate nummorum, impulsus



sum vt facile credam, in averſa nummi Britannici, figuram illam nudam & ſtandem, eſſe Solis, propter cervum illi vicinum: quamvis radiis Solaribus non ſit redimitum caput Apollinis: ſine ipſis enim ſæpius eſſingitur, præſertim in ſtatuſ: & nummus noſter vetuſtate ſua, illos potuit habere ita detritos, vt non appareant. Quicquid ſit, fruatur lector hiſce nummis non contemnendis: & ſi quam habeat ſuper iis meliorem conjecturam, ejus copiam facere ne gravetur.

**E**D IPO mihi conjectore opus eſt, qui XIII.  
argenteum Galbæ denarium explicet. GALBA.  
Habet in antica, caput iſtius Imperatoris,  
cum epigraphe, GALBA IMPERATOR.  
in poſtica, caput fœmineum cum notis,  
REST. NVM.



Q ij

De his verbulis multi multa. Quidam, *restituto nummo*; alii, *restituta Numidia*. Ego addo, & audeo, *restituto numine*. Quod priusquam possim statuere, expendendæ mihi sunt aliorum opiniones.

Ac primo de *restitutione nummi*, hoc est rei monetariæ, *per Galbam*, assentiri non possum. Cum enim imperium vix septimestre degustaverit, & a multis æmulis impetitus fuerit: rebus suis firmandis vacavit potius, quam condendis de re nummaria legibus: præsertim cum ea nihil admodum detrimenti sub ejus decessoribus cepisset, ut patet ex legitima ratione, sinceritate, & pondere nummorum, istius & superioris ævi. Neque vero vllum hujusmodi restitutionis a Galba factæ vestigium, in omnibus antiquæ historiæ monumentis, opinor, repereris. Adde suspectum esse vel nomen ipsum *nummi*, quod nusquam mihi lectum in nummis ipsis: sed sicubi restitutionis istius est facta mentio, *monetam* usurpari.

Certe, in præclaro Augusti numismate, a Patrensisbus cuso, superius exhibito, legi-



tur: *Indulgentia Aug. moneta impetrata.* pro gratiarum actione, & memoria licentiae cudendi nummi. Sic etiam in Alexandri Severi nummis legitur, *restitutor monetae, & moneta restituta*, nil prorsus de nummo.

Probabilius itaque loqui videntur, qui de *restituta Numidia* nummum explicant. Scio in rebus gestis Galbae, vix ullam apud autores, hujus nominatim provinciae, fieri mentionem. Sed meminisse oportet, illum non solum praefuisse Aquitaniae, & Germaniae, verum etiam Africae, ac demum Lusitaniae: Africae, inquam, non tertiae parti orbis terrarum; sed minori, quae majoris istius provincia est, in qua sita Numidia. Romani enim, teste Appiano, Africae hujus propriae, alteram partem vocant veterem, ademptam scilicet Carthaginensibus: alteram, quae prius Iubae regnum fuerat, a C. Caesare postea occupatam, novam appellant, quae est *Numidia*. Cum igitur ea comprehendatur sub Africa propria, cui praefuit Galba, potuit ita bene meritis esse de *Numidia*, ut restitutor ejus sit appellatus: praesertim si attendamus, quae refert

4. Bell. Civil.

Q iij

*Lib. 7. cap. 7.* Sueton. *Africam pro consule biennio obtinuit, extra sortem electus, ad ordinandam provinciam, & intestina disensione, & barbarorum tumultus inquietam: ordinavitque magna severitatis ac justitiae cura, etiam in parvulis rebus.* Hæc, inquam, non omnino improbabilia viderentur, nisi superesset scrupulus duplex. Primum enim *Numidiae* nomen nusquam in nummis legitur, ut *Africae*, *Libyæ*, *Mauritaniæ*. Deinde figura illa muliebris, *Deæ* potius alicujus, quam provinciae, speciem præ se fert. ubi enim aut corona turrata? aut aliud insigne proprium ac peculiare, cujusmodi est *Africae* leo, *elephas Libyæ*, *equus Mauritaniæ*.

Faciunt ista, ut meæ de restituto numine conjecturae firmiter adhærescam: & *Fortuna* ipsi dicatum asseram nummum, ejusdem *Tranquilli* autoritate fultus, qui ait: *Galbam sumpta virili toga, somniasse Fortunam dicentem, stare se ante fores defessam, & nisi ocius reciperetur, cuicumque obvio præda futuram. Utque evigilavit, aperto atrio, simulacrum aneum Deæ, cubitali majus, juxta limen invenisse, idque gremio suo Tusculum,*



*ubi astivare consueverat, avexisse: & in parte adium consecratum, menstruis deinceps supplicationibus, & pervigilio anniversario coluisse.* Ex his videre est *numen restitutum*, quod male habitum fuerat. Itaque sive *numen restitutum*, sive *restitutam Numidiam* malis, vtrunque Suetonius adest. Eligant eruditi, vtri faveant sententiæ: neque enim ita meæ sum tenax: vt in alteram, si annuerint, abire non sim paratus.

**I**AM vereor ne reclamet omnis eruditorum cœtus, & me convicio explodat, qui Othonem æreum vendicem, ingens ad hanc diem antiquariorum offendiculum. Nusquam vidimus, exclamant fere vniversi. Quid tum? Nonne quotidie eruuntur e terræ visceribus, & veterum monumentorum ruinis, numismata & torcumata nulli ante conspecta? In eo enim admirandum est antiquitatis studium, quod nullis limitibus circumscriptum sit, sed nova in dies & nondum agnita suppediter. Habet iste nummus, in antica parte caput Othonis, radiata corona insigne, quales plurimi

XIV.  
O THO.



Neroniani conspiciuntur : & cum inscriptione , ΟΘΩΝ ΚΑΙCΑΡ. vultus, ab oris Othoniani auro argentoque expressi lineamentis, non multum abest. In averfa parte, vifitur figura nuda , dimidiato corpore, cum verbo , ΜΑΡΩΝΕΙΤΩΝ. De figura ifta , conjectura difficilis : eft enim vetuftate corrofa. An Bacchi dicemus eſſe, an Liberæ, Maronæorum numinum? an Maronis, expeditionum Bacchi comitis? Maroneam vero in Thracio littore fitam fi confideres, immenſo mari ab Italia difcretam, & a Germania Vitellii faultrice longius etiam difſitam : ab Othonis partibus eam ſtetiffe, colliges, ex Corn. Taciti verbis : *Longinqua provincia, & quidquid armorum mari dirimitur, penes Othonem manebant :*

H. B. 1.



*nebant : non partium studio ; sed erat grande momentum in nomine Urbis , ac prætextu senatus. Quod si prætextu senatus , imperium sibi longinquis in provinciis Otho stabilii : quidni Othonis vultu ac nomine cusi sunt in iis ærei nummi , prætextu senatus , penes quem cudendæ monetæ æreæ potestatem omnem fuisse , arbitrati sunt viri docti.*

Sed Otho ille tuus , instabat amicus , solo Cæsaris nomine insignitur : cum tamen vno eodemque puncto temporis Imperator , Cæsar , Augustus , sit renuntiatus. Hinc , vt verum fatear , injectus mihi scrupulus est : sed is tamen , qui facile possit evelli. Nempe potuit à Græco monetario , Cæsaris nomen , pro imperatoris nomine vsurpari. Quidni enim , cum familiaris receptaque vulgo sit , vtriusque vocis synonymia ? Et in Evangelio ipso numisma census , percussu vultu & nomine Tiberii , qui jam pridem imperator erat , dicitur esse Cæsaris tantum. Deinde plures imperatores video in nummis Græcis , immo & Latinis quibusdam , cum solo Cæsaris nomine , insignitos

R

corona, quæ imperantium nota. Testem advoco inferius positum in Græco nummo, Antoninum Pium laureatum, adepto imperio, cum solo *Cæsaris* nomine. Testem etiam, Neronis nummum parvulum plumbeum, aut ut aliis placet, stanneum, nuper mei juris factum, cujus memini in epistola de nummo Britannico ad Trichetum: qui à parte capitis laureati & imperatorii, inscribitur NERO CAESAR. cum his notis in averfa, PAVLLIN. ad Suetoniam familiam rarissimam pertinentibus.

Tandem de galericulo & coma, quæ in omnibus aureis & argenteis Othonis nummis, subdititia conspicitur, in hoc æreo minime, negotium nobis facessitur. Sed isti Romæ, & in Italia, vel vicinis provinciis percussi sunt, ubi visus & notus Otho. At de illius capillitii modulo, qui rescire potuissent, præsertim cum paucis mensibus imperaverit, tam longe distitæ gentes, Asiaticæ aut Africanæ? Equidem nummos Othonis æreos, Ægyptiæ fabricæ, sinceros Parisiis videmus: quos ipsius non assererem, propter vultus dissimilitudinem, nisi ejus



IMPERATORVM. 131

nomen haberent pro indice & vindice : quemadmodum videmus nummos Galbæ, Titi, Domitiani, in ipsa Ægypto cufos, adeo inepti & inconcinni operis, vt imperatores isti, nisi eorum adesset nomen, agnosci minime possent.

**E**IVSMODI est æreus ille mediocris XV.  
magnitudinis, Othonis alter nummus, OTHO  
quem secundo loco exhibemus : habetque ITERVM.  
in antica parte, caput Othonis laureatum, cum semesa inscriptione, . . . . . ΟΘΩΝΟΣ  
ΚΑΙΣ. ΣΕΒ. in averfa videre est caput Iſidis cum notis L A.



Huic nummo, Serenissimus Princeps Gasto Dux Aurelianensis, ὁ μακεδνός, inter alios quosdam Othonianos, ipsi abhinc annis  
R ij

Hist. l. 1.

l. 7. c. 12. in O.  
thone.

duodecim oblatos, convocatis innata sua benignitate Parisiensibus antiquitatis studiosis, primam vetustatis & sinceritatis laudem detulit. Cæterum caput illud Isidis, in averſa nummi parte exaratum, Ægyptum designat Othoni obnoxiam, idque secundum mentem Taciti. *Ægyptus*, inquit, *omnesque versa in Orientem provincia, nomine ejus tenebantur*: quæ verba superiori nostro Maronæo Othoni non adversantur. Potest etiam hujus Dæ signo argui idem Otho, quod huic peregrino numini fuerit addictissimus, quem recenset Suetonius his verbis, *Sacra etiam Isidis, sæpe in lintea religiosaque veste celebrasse*.

XVI.  
O T H O  
A R G.

**A**TQVE ut perficiamus, quidquid ad Othones nostros pertinet: argenteus ecce tetradrachmus, qui ex incomparabilis nostri Peireskii Gazophylacio, ad eruditi Tristani museum translatus, ac demum noster factus est.





Visitur in antica parte caput Othonis affabre cufum, idemque laureatum, sed cum aliquibus Neroniani vultus lineamentis, *L. 7. c. 7. in Othone.* quæ mihi in mentem revocant Suetonii verba: *Super ceteras gratulantium, adulantiumque blanditias, ab infima plebe salutatus Nero: primisque epistolis suis ad quosdam provinciarum Præsides, NERONIS cognomen adjecit.* Eadem fere Tacitus: *Atque etiam Othoni quibusdam diebus, populus & miles, tanquam nobilitatem ac decus adstruerent, NERONI OTHONI acclamavit.* Inscribitur hic nummus ΑΥΤΟΚΡΑΤΩΡ Μ. ΟΘΩΝ ΚΑΙΣΑΡ ΣΕΒΑΣΤΟC. In averfa, oleæ ramo transverso infistit aquila alis expansis, & rostro coronam lauream tenet, cum luna crescente inter crura, & palmæ ramo ad alam dextram. Inferius exaratum est, ΕΤΟΥC A. *anno primo.*

Typus ille partim ex se patet, est enim aquila insigne Romani imperii: partim sensu communis est, cum aliis Othonis nummis aureis & argenteis, in quibus legitur *Pax orbis terrarum; & Securitas P. R.* quæ in nostro, olea designantur: *Victoria Othonis*, quæ hic

Lib. 7. c. 9.

per palmam & coronam, & cum spe proxima felicioris adhuc successus per crescentem lunam designatur. Suetonius tamen in Othone, *Tribus quidem, verum mediocribus præliis vicit.* Alios Othonis æreos nummos, etiam Latina dictione cum litteris S. C. domi forisque conspeximus, quos hîc referre inconsultis patronis æquum non duximus, ne locum iis præripiamus plura & potiora, quæ meditantur, differendi. Sed neque apologias scribimus. Interim nostri superius exhibiti, subjecti sunt severiori eruditorum trutinæ, qui non ex vulgato rumore, sed de visu aliquando dijudicent. Quod si non arrideant tenellæ fidei studiosorum: omittatur duplex pagella, & sequentem Vespasianum adeant: æqui bonique consulentes, quæ nos integra & sincera fide, amicorum oblectationi tribuimus.

XVII.  
VESPASIA-  
NVS.

**N**VMMVS ARGENTEVVS Græcus, tetradrachmus, habet in antica caput Vespasiani, cum inscript. ΑΥΤΟΚΡΑΤΩΡ. ΟΥΕΣΠΑΙΑΝΟC ΚΑΙCΑΡ. In averfa stat figura Iovis, dextra pateram gestantis,



IMPERATORVM.

135

sinistra scipionem, cum aquila manui super-  
posita, ΕΤΟΥΡ ΝΕΟΥ ΙΕΡΟΥ Η. hoc est  
*Anno novi templi octavo.*



Sebastianus Erizzus Venetus, inter antiqua-  
rios superioris sæculi clarissimus, inscri-  
ptionem hujus numismatis refert ad Salo-  
monis templum, à cujus ædificatione an-  
num illum octavum computat in suo Ve-  
spasiano, his verbis: *Nell'ottavo anno d'all'edi-  
ficatione del sacro tempio fabricato dal Re Sa-  
lomone.* Quod equidem non capio. Nam si  
primam Hierosolymitani templi constru-  
ctionem spectes, Vespasianum ea mille am-  
plius annis antecedit: si secundam a Zoro-  
babele, eodem hæc quoque sexcentis annis  
est antiquior. Tertia quidem templi repa-  
ratio, novissime cœpta est, & perfecta spa-  
tio annorum XVIII. ab Herode Ascalonita,

qui proxime ad tempora Vespasiani accessit, sed non pervenit tamen. Siquidem infanticida ille, anno Christi secundo sublatuſ est, Vespasianuſ circa annum Christi XIII. natus. Itaque nullum imperantis Vespasiani numisma, cudi potuit anno VIII. templi Hierosolymitani quovis modo sumpti. Deinde quid, amabo, Vespasiano cum hoc templo, quod ipsius auspiciis a Tito deletum est? Igitur expendamus, num templa quædam ædificaverit Vespasianuſ, quibus possit nummi huius inscriptio competere. At duo certe extruxit magnificentissima: *Paci* alterum, in quod præclara quæque spolia Hierosolymitani templi transtulit; alterum, *Iovi Capitolino*.

Quod ad primum attinet, ex Tacito, & aliis, anno VI. imperii Vespasiani conditum est, ipſo VII. & Tito VI. Coss. cumque decem tantum annis imperaverit, quatuor solis supervixit ædificationi templi *Pacis*: ac proinde cudi non potuit nummuſ ipsius viventis, anno VIII. constructi templi *Pacis*, cum IV. fatiſ concesserit.

Non potest igitur de alio novo templo  
intelligi



intelligi noster nummus, quam de templo *Iovis Capitolini*: cujus etiam Iovis figura cernitur in averſa parte nummi. Nempe vigente bello civili Vitelliano, Sabinus Veſpaſiani frater, & Domitianus filius, qui Romæ partes ipſius fovebant, dum e Iudæa adventaret, Capitolium occupaverant. Sed cum eſſent à Vitellianis obſeſſi, in ipſo prælii ardore, ignis immiſſus (ab vtra parte, incertum) Capitolium & ipſum Iovis templum, antiquæ urbis præclarum monumētum, abſumpſit. Sabinus captus & occiſus, Domitianus vix effugit. Sed converſo in perniciem Vitellii bello, vt primum ingreſſus eſt urbem Veſpaſianus, templi huius inſtaurationem ſuſcepit anno primo imperii: & ab eo reſtaurato æram quamdam computaſſe videtur in hoc nummo, quem cudit anno imperii IX. Capitolini templi reparati octavo. De huius templi ſolemni reparatione & magnificentia, mira produnt Tacitus, Suetonius, & alii. Sed quia ad propoſitum noſtrum nil conferunt, reticimus ea conſulto, vt Trajanum & Hadrianum attingamus.

S

XVIII.  
TRAIANVS.

**F**REQVENS in nummis visitur columna illa Trajani, seu potius turris : in qua instar cochleæ, interius per circuitum conscendebatur, vsque ad epistylum, statua ipsius Trajani decorum : quæque opere anaglyphico, exterius bella cum Dacis peracta, & innumera antiquitatum monumenta, Romæ etiamnum exhibet. Sed nunquam nisi in subiecto nummo, vidi columnam istam solidam & nudam, cum imposita fastigio NOCTVA. Pars aduersa hujus nummi ærei, primæ magnitudinis, capite Trajani illustratur, cum epigraphe, IMPER. CÆSAR. NER. TRAIANO OPTIM. GER. DAC. P. M. TR. P. COS. VI. P. P. in aversa stat columna ipsa cum inscriptione, SENATVS POPVLVSQVE ROMANVS.





Nummi hujus explicationem, commode & minimo labore mutuari posse mihi videor ex aureo Magni Constantini nummo, apud Illustrissimum Sevium, qui habet in averſa *Noctuam* in cippo, cum inſcr. SAPIENTIA PRINCIPIS PROVIDENTISSIMI. Item ex encomio ejusdem principis, apud Trebellium Pollionem in Gallieno: *Claudius, a quo Constantinus vigilantissimus Caesar originem ducit.* Ex utroque patet, prudentiam & vigilantiam, quæ noctua designantur, eſſe virtutes imperatorias, quarum ope, generosiſſimi principes Trajanus & Constantinus, tot tantisque bellicis expeditionibus defuncti, nomen æternum acquiſiere. Quemadmodum enim nocte viſu pollet *Noctua*: ita nihil tam reconditum ac difficile, quod prudentia & vigilantia non penetret & aſſequatur.

**S**ED & providentiam ſub altero typo XIX.  
 vſurpavit in nummis Sept. Severus, ut SEVERVS.  
 patet in aureo pulcherrimo, quem hic ſub-  
 jicere operæpretium duxi.

S ij



XX.  
SEVERVS  
ALTER.

Habet in antica caput Severi, cum epigraphæ, SEVERVS PIVS AVG. In averſa, caput Medusæ cum verbo PROVIDENTIA. An quod Pallas prudentiæ & providentiæ numen, geſtet in pectore Meduſam cum Ægide? Vtramque vero Severus idem, in altero aureo affabre admodum cuſo circumferre voluit videri in antica, quæ inſcr. L. SEPT. SEV. AVG. IMP. XI. PART. MAX. Scilicet Ægide & Gorgone illa horrifca, lævo humero inſculpta, non ſolum terrorem hoſtibus a ſe incutendum, ſed etiam prudentiam militarem, designavit.



XXI.  
HADRIANVS.

**A**LTERAM virtutem, non ita inventu facilem in monumentis Imperatorum, nobis exhibet argenteus Hadriani nummus drach-



malis, quem debeo vrbانيتati amicissimi viri, & eruditissimi Archiatri Rothomagensis, Ægidii Gallemantii. Habet in antica caput Hadriani, cum inscriptione HADRIANVS AVGVSTVS P. P. in averfa, figuram fedentem, dextra pateram geftantem, cum epigraphe, PATIENTIA AVGVSTI COS. III.



Sane Christianorum est potius virtus illa, quam ethnicorum: & Aristoteles in ethicis, ejus mentionem habet perexiguam. Immo ibidem eam virtutem deprimere videtur his verbis: *perferre contumelias, servile* <sup>cap. 6.</sup> *est.* Illam tamen, sed ambitiose potius quam vere, in nummo præfert Hadrianus. Quippe patiens minime dici potest, qui in malis quibus conflictatur, vindictæ desiderio tene-

S iij

tur, aut se totum desperationi permittit, ut excellentissime nos docet naturæ totius sagacissimus indagator, illustris noster Cureauus de la Chambre, in suis humanorum affectuum characteribus. At in dimittendis & dissimulandis injuriis, non multus fuit Hadrianus: qui tot senatores, ob leves suspiciones, neci dedit; ut & Apollodorum architectum, sola æmulatione artis suæ. An ejus virtutis, quæ tota est in ferendis adversis, specimen dare potuit? qui morbum extremum adeo impatienter tulit, ut abjecta omni spe, violentas sibi manus inferre voluerit, & amicos enixe rogaverit, ut vitæ suæ finem accelerarent. In hoc solo patientior visus, quod Sabinæ vxoris morositatem facilius tulerit: si tamen illam ipsam, ut quidam autumant, non sustulit.

XXII.  
ANTINOVS.

**N**E QVE hic prætermittendus duplex Antinoi nummus, vnus insignis mole, typo, raritate: habens in antica caput istius adolescentis, cum toto pectore, & verbis, ANTINOOC HPΩC. in averfa, sublimis tollitur inter alas gryphi figura ipsius, cum in-



IMPERATORVM. 143  
 scriptione , ΚΑΛΧΑΔΟΝΙΟΙΣ ΙΠΠΩΝ.



**A**LTER mediocris magnitudinis, cum ca- XXIII.  
 pite solo, & eadem inscript. habet in aver- ANTINOVS  
 sa vpupam avem in medio coronæ lau- ITERVM.  
 reæ, cum litteris fugientibus, & ita attri-  
 tis, vt adhibita diuturna & iterata medita-  
 tione, vix assecutus sim, AMICOY ΕΛΕΥ-  
 ΘΕΡΑC. quas voces partim lego, partim  
 conjicio ex simili inscriptione, in argen-  
 teo Hadriani, qui penes me est, nummo.



Refert Tacitus, Chalcedonenses ab oracu-

lo Pythio cæcos appellatos fuisse, quod priores Byzantiis ad Bosphorum Thracium advekti, minus provisa locorum utilitate, pejora elegissent, vbi urbem conderent. Sed multo gravior fuit eorum cæcitas, dum pudendorum facinorum ministros, inter divos annumerare attentarunt. Quippe Antinuum, illum Hadriani exoletum, vt videre est in averfa parte maximi numismatis, gryphi adminiculo in cœlum conscendentem, omnibus intuendum exhibent. At non ii soli, vt Hadrianum sibi demerentur, qui ejus memoriæ statuas, templa, vrbes dicaverat, sed plures etiam alii Græciæ populi, ex Antinoi anima sidus exortum esse, ac tunc primum apparuisse, mentiebantur. Et hoc est fortasse, quod ille dextra super caput revoluta gestare videtur.

Neque vero minor est multo Amisænorum petulantia, qui nummum alterum percusserunt. Nempe illum inter Heroas, & semideos admittunt & nominant: suamque intempestivam in illius cultu pietatem ostentant, sub figura vpupæ, quæ  
apud



apud veteres pro symbolo pietatis erga Deos & parentes habebatur. Nisi malimus hanc aviculam esse imaginem pietatis, seu potius insanix, ipsius Antinoi erga Hadrianum patronum, cujus causa mortem obire non dubitavit. Cum enim Hadriano dæmonum cultui, & magicis artibus addictissimo persuasum esset & statutum, sacra quædam impia peragere, in quibus humano sanguine litandum, & anima voluntaria opus esset: Antinoum se sponte sua immolandum præstitisse ferunt: quamvis aliis Nilo demersum fortuito placet. Cæterum circa priorem nummum, hic omitendum non puto, duplici orthographia Chalcedonis nomen scribi apud Græcos. Plures enim, immo ferme vniversi autores, scribunt, X A Λ K H Δ Ω N. solus Strabo K A Λ X H Δ Ω N, litteram K a secunda syllaba in primam transferens, & vicissim X in secundam. At vero nummi omnes quos vidi, Straboni favent, & habent K A Λ X H Δ O N I Ω N, & alii ex Dorica dialecto K A Λ X A Δ O N I Ω N, vt meus superior, & alter mediæ magnitudinis, de quo Tristanus Tomo II.

T

Tranquillinæ nomine , cuius etiam vidi prototypum æreum apud Illustrissimum Brienneum. Alterum vidi apud Cl. V. Car. Patinum cum capite Iuliæ Domnæ , qui in averfa lyram seu citharam habet , cum inscript. ΚΑΛΧΑΔΟΝΙΩΝ. Immo & inter meos urbium Græcarum nummos , visitur vnus Chalcedonensium , cum capite Apollinis in antica , & tripode in averfa , ac verbo ΚΑΛΧΑΔΟΝΙΩΝ. Goltzius tamen suos cum X in principio dictionis exhibuit. vt vix scire possimus vtrorum sit error , an librariorum , an monetariorum : dum interim liquet vtroque modo exarari & scribi. ΙΠΠΩΝ , vt opinor , nomen est Prætoris , seu Præfecti , qui Chalcedonensibus dicat numisma in honorem Antinoi.

XXIV.  
ANTONINVS  
PIVS.

**N**VMMVS ecce æreus maximus , habens caput laureatum Antonini Pii cum inscriptione T. AIA. KAICAP. ANTΩNEINOC. in averfa parte Iovem nubibus aut rupibus insidentem , manus sinistrae vola fulmen exhibentem , dextera e cornucopiæ profundentem in terram in-



numeras minutias, quasi rorem aut plu-  
viam. Inferius jacet figura colossica cum  
capite radiato, cujus ad pedes constructa  
videtur ædícula, seu templum, cum vici-  
na cupressu, & inscriptione ΠΕΙΩ ΕΦΕ-  
CΙΩΝ. hoc est, *Pio Ephesiorum.*



Alius ejusdem fere typi, adservatur in museo  
regio, habetque in averſa ΠΕΙΩΝ ΕΦΕCΙΩΝ,  
non vero ΠΕΙΩ, & plures veluti turres super-  
additas, a ſe invicem diſtantes: ſed figura ja-  
cens caput non habet radiis redimitum vt in  
meo, & videtur eſſe fluvii alicujus. Illum de-  
ſcripſit Illuſtriſſimus Abbas Brunotius, in e-  
ruditiſſimo & accuratiſſimo, quod confecit,  
regiorum numiſmatum indice, his verbis:  
*Hujus nummi area dat nobis Iovem ſedentem  
in nube, qui dextra pluviā guſtatim imper-*

titur terra, a figura fluvii ad ima area jacen-  
tis aride, ut videtur, receptam. Lava vero  
fulmen gerit non minax, sed quietum, in vola  
manus: a cujus parte duæ turres saxis impositæ.  
In loco paululum depressiori, templum in conum  
desinens, cum arbore cupresso: a dextra vero  
pluvialis Iovis, turris alia scopulo humiliori  
imposita est. Hæc vir nobilissimus pro mu-  
nere, quo præclarissime fungitur, in custo-  
diendo & ordinando museo Regis Christia-  
nissimi. Interim facile mihi persuadeo, ico-  
nismo illo Antoninum Pium designari, qui,  
si vllus vnquam imperator, suis erga mor-  
tales meritis, Deorum beneficentiam imi-  
tatus est: atque ideo sub figura Iovis Bene-  
fici, *Pius Ephesorum* appellatur, ab Ephe-  
siis gratum animum testantibus. Quod  
ad jacentem figuram illam colossicam per-  
tinet, suspicatus sum aliquando, esse sym-  
bolum sive terræ totius, sive provinciæ so-  
lius Ephesinæ aut Ionicæ, quæ post grave  
aliquod incommodum, sive terræmotus,  
sive angustioris annonæ, aut sterilitatis,  
Antonini Pii subsidiis recreata sit: in cujus  
rei gratiam dedicatum fuerit illi templum



istud. Sed quia radiis, quantum vetustas, aut ærugo finit conijcere, coronata figura jacens illa videtur, non vero turribus, ut fieri solet in urbium & provinciarum iconibus: vereor ne vim aliquam patiatur hæc explicatio. Utut est, fruantur eruditi insignis hujusce numismatis mysteriis: & expendant, an non hæc figura sit fluvii aliqujus: præsertim cum inter rupes a capite ad calcem distendi videatur; & an cupressus illa, sepulchrum potius quam templum designet. Quod si arrideat illis inscriptio nummi Regii ΠΕΙΩΝ ΕΦΕCΙΩΝ, *Piorum Ephesiorum*: sane hoc imperatorio adjuncto seu cognomine, Ephesii se Antonini totos esse profitentur: & cultum singularem, quo illum prosequuntur, notum faciunt.

XXV.

ANTONINVS

ITERVM.

**E**CCE iterum Antoninus Pius in nummo æreo primæ magnitudinis, cum semesa inscriptione . . . . ANΤΩNEINOC CEB. . . . In aversa, muliebrem habet figuram, seminudam, monti seu rupibus insidentem, & dextero brachio innixam; quæ sinistra manu flosculos gestat. Pone ipsam

T iij

erigit se arbustum quoddam fluviatile. In medio nummo legitur ΡΟΔΟΠΗ: in ambitu, ΗΓΕΜ. Μ. ΠΟΝΤ. ΣΑΒΕΙΝΟΥ ΦΙΛΙΠΠΟΠΟ.



Patet cūsum fuisse nummum sub *M. Pontio Sabino praefecto Philippopolis* in Thracia, qui Rhodopei montis, huic vrbi vicini, symbolum in eo signavit. Sed quod philologis nostris non ingrātum fore confido, videtur hic nummus ortam super Rhodope inter Mythologos litem posse dirimere. Vetus enim intercessit dissidium de ortu Rhodopes, a qua mons nomen accepit. Quidam fuisse Thracum Reginam autumant, ibi sepultam, aut in montem ipsum conversam, vt placet Ovidio. Alii filiam Strymonis fluvii, quæ a Neptuno compressa Athon genuit, etiam monti cognomi-



nem. Equidem a postremis stare me compellit iconismus mulieris. Neque enim diademate, vel corona, aut alio, quali decet Reginam, cultu insignitur: sed intesto & pene nudo corpore, naiadem omnino repræsentat. Deinde flosculus quem sinistra gerit, & arbustum illi vicinum, fluviales sunt notæ. Flos enim ille, idem videtur esse, qui ab herbariis vocatur nymphaea, quia locis aquosis gaudeat: estque herbæ genus in paludibus nascens & aquis stagnantibus: alio nomine Heracleon, quod nymphea quædam Herculis amore capta, in hanc herbam feratur commutata. Ex quibus omnibus colligere licet, figuram in nummo expressam Rhodopen designare, Strymonis fluminis filiam.

**L**VCILLÆ L. Veri nummus argenteus, hic locum obtineat. Habet in antica parte caput ejusdem Lucillæ cum inscript. ΛΟΥΚΙΑΛΛΑ ΣΕΒΑΣΤΗ. In aversa, Cererem sedentem, cum epigraphe, ΒΑΚΙΛΕΥΣ ΜΑΝΝΟC ΦΙΛΟΡΩΜΑΙΟC.

XXVI.  
LVCILLA  
L. VERI.



Lib. 68.

Subrarus mihi videtur hic nummus, tum quia Græcus, tum quia Regis barbari nomen minus notum proficitur. Savotius enim noster, qui de raritate nummorum antiquorum disseruit, inter rariores reponit, argenteos imperatorios qui Græca inscriptione gaudent: quod ut plurimum ita esse sumus experti, præcipue in fœminis. Quisnam vero fuerit Rex ille *Manus*, vix didicimus ex Dione, qui refert Trajanum ad bellum Parthicum progredientem, *Manum* quendam Regem Arabum, qui yltra Euphratem ex adverso Comagenes, inter Osrhoënos, seu Edessam, & Armeniam majorem degunt, suspectum habuisse: tum quod vocatus, ad Imperatorem



rem non accessisset ; tum quod auxiliares copias Adiabena Regi Mebarsapi, Romanorum hosti, suppeditasset. Hujus filius, aut nepos ejusdem nominis *Manus*, aut potius cum duplici *nn*, ut in nummo, *MANNVS*, is esse potuit, qui eundem cudit in honorem Lucillæ, quæ Antiochiæ degebat, non longe ab hujus reguli ditio- ne. Siquidem L. Verus imperator, Avidium Cassium contra Vologæsum, cum toto exercitu & optimis ducibus mittens, Antiochiæ cum vxore Lucilla remanserat: specie, ut omnia constitueret, & commeatum exercitui compararet; re quidem vera, ut otio & genio indulgeret. At vero *Man- nus* Romano milite undique circumseptus, Philoromæi nomen accepit, ne quid incom- modi pateretur: cum re ipsa ille, & alii re- ges, inter imperium Romanum & Parthi- cum siti, neutri, nisi coacti, adhærerent. Quod vero cognominis fuerit ei, qui Tra- jano imperante Arabes regebat, id familia- re erat Regibus Syriæ vicinis eodem no- mine appellari; ut Edessenis, quorum *Ab- garus* erat nomen ordinarium, quemad-

modum Ægyptiorum Ptolemæus.

XXVII.  
PERTINAX.

**A**RGENTEO nummo succedat argenteus, in quo caput Pertinacis cum inscript. IMP. CÆS. P. HELV. PERTIN. AVG. In averſa parte, ſtat figura muliebris, dextera tesseram frumentariam, ſiniſtra cornucopiæ geſtans: inſcribitur LIBERATIS CIVIBVS.



Duplex rarissimæ istius inscriptionis afferri potest ratio. Prima, quod post necem Commodi, qui nobiliorum fortunis & vitæ, quandiu vixit, insidiatus est, Romani omni metu liberati, quasi recuperata libertate, Pertinaci gratulantur. Ita & senatoribus obviis, ut memorat Dio, plebs acclamabat, *ἀγε ἀγε, ἐσώθης, χίρηνται, Age age, saluus eva-*

Lib. 73.



*sisti, vicisti.* Commodus enim omnia violenter agebat, & statuam sibi poni iusserat pro curia, quæ arcum tenderet (ejusque typum servo in nummulo æreo Græco) ut etiam imagines ipsæ terrorem atque minas præ se ferrent. Hanc senatus illo occiso sustulit, proque ea *Libertatis* imaginem reposuit. Quæ vero libertas & securitas senatus excogitari possit ea major, qua gaudebat, imperium adepto Pertinace, qui Falconem Consulem opibus & nobilitate clarum, sibi insidiantem, non permiserit a senatu damnari, exclamans: *Absit, ut me imperante ullus senator etiam jure occidatur.*

Alteram inscriptionis rationem figura illa muliebris, tesseram frumentariam manu gestans, suppeditat. Nimirum initio principatus sui, cum populum R. gravi annonæ caritate pressum videret, nossetque seditiones Romæ ex ejusmodi penuria sæpe ortas: ipse navi conscensa, obviam frumentatoribus ivit, ut eorum adventum acceleraret: nec prius ab hac cura & sollicitudine destitit, quam de Falconis defectione nuntium accepit. Cum igitur rei fru-

mentariæ abundantissime providisset, & ci-  
vium suorum inopiam levasset frequen-  
tibus congiariis, quibus per tesseras fiebat  
frumenti largitio: nummus hic argenteus  
in memoriam accepti beneficii cusus est. At  
vicissim ipse erga Deos non ingratus vide-  
ri volens, alterum nummum, quem tum ar-  
genteum, tum æreum penes me habeo, pro-  
cudi curavit: in quo a parte averfa, figura  
muliebris sedet, manu dextera duas frumen-  
ti spicas ostentans, cum epigraphe, *Opi di-  
vine*; vt & auxilii diuini memorem se præ-  
beret, & præcipue *Opi* seu *Terræ*, quæ  
frumenta profert, honorem haberet.

XXVIII.  
IULIA  
SEVERI.

**P**VLCHERRIMUM æreum secundæ  
magnitudinis nummum aggredior, ac-  
ceptum olim a Cl. Viro Stephano Mazu-  
reo, cognatione & amicitia mihi conjun-  
ctissimo: cujus studio & diligentia debetur,  
vt plurimum, quidquid est pretio aut rari-  
tate apud nostros Antiquarios conspicuum.  
Præfert in antica parte caput Iuliæ Seve-  
ri, cum epigraphe, ΙΟΥΛΙΑ ΑΥΓΟΥΣΤΑ.  
In averfa, Bacchus vultu juvenili, corpore



nudo, dextra thyrsum gerens, sedet in curru cum Iside, quæ turriculam aut modium habet in capite, & cornucopiæ in sinistra. Impressa est tigris & panthera sub Baccho ad latus currus, quem vehunt Centauri duo mas & foemina, hæc duplicem inflans fistulam. Ante ipsos exultat puer Cissus, hederæ plantæ cognomini vicinus. Ad lævam Isidis, stat Cupido dextra facem gerens. Cæterum Bacchus & Cissus, corniculis, seu flammulis, in fronte sunt insigniti. Inscript. ejusdem averfæ, ΝΙΚΑΙΕΩΝ.



Laborem faceffit quibusdam primo intuitu, Bacchus cum Iside junctus, donec meminerint eundem illum esse atque Osiridem, qui vir Isidis & frater, apud Ægyptios. Ausonius canit:

*Epig. 29.*

*Ogygia me Bacchum vocat,*

V iiij

*Osirin Ægyptus putat.*

*in Iside & Osir.*

*Lib. 2.*

*Lib. 1.*

Idem pluribus testantur, Plutarchus, Herodotus, & Diodorus Siculus: qui aiunt in sacris Bacchi & Osiridis, easdem observari ceremonias; utrique vitem tribui, simul & hederam, quæ lingua Ægyptia vocetur Chenosiris, hoc est planta Osiridis; utrumque Nisæ educatum, utriusque comites Satyros & Panes. Immo serpens ipsa, cum qua Osiris in tabula Isiaca Bembæ videtur, fuit amica Bacchi, & Orgiorum ejus comes individua: ut in argenteis Laodicensium numismatibus superius annotavimus. Præ omnibus de his apposite cecinit Tibullus:

*Lib. 1.*

*Te canit, atque suum pubes miratur Osirim  
Barbara, Memphitem plangere docta bovem.  
Primus aratra manu solerti fecit Osiris,  
Et teneram ferro sollicitavit humum.  
Primus in experta commisit semina terre,  
Pomaque non notis legit ab arboribus.  
Hic docuit teneram palis adjungere vitem,  
Hic viridem dura cadere falce comam.  
Illi jucundos primum matura sapes  
Expressa incultis vva dedit pedibus.*



*Ille liquor docuit voces inflectere cantu,  
Movit & ad certos nescia membra modos.  
Bacchus & agricolæ magno confecta labore  
Pectora tristitie dissolvenda dedit.  
Bacchus & afflictis requiem mortalibus affert,  
Crura licet dura compede pressa sonent.  
Non tibi sunt tristes cura, nec luctus, Osiri,  
Sed chorus & cantus.*

Cum idem sit Bacchus atque Osiris: quis miretur comitem adesse Isidem in nostro nummo, Plutarcho præsertim affirmante ex Anticlide, eos connubio junctos?

Bacchus igitur, ut vir Isidis, primas tenet in curru, nudus ipse, cujus rationem reddit Phurnutus. *Simulachra*, inquit, *Bacchi nuda fiebant, ut vini naturam ostenderent, quæ secreta revelat.* Hinc vulgatum, *in vino veritas.* Dextra thyrsus sive hastam tenet, cujus mucro hedera lambente protegebatur: quod significat, inquit Macrobius, vinculo quodam patientiæ obligandos impetus furoris. Habet enim hedera vinciendi obligandique naturam: vini vero calor ad furorem sæpe hominem propellit. Quidam illi thyrsus tribuunt, quod

ebriorum pedes, officium suum haud plane peragant sine scipione; alii denique, quod compotatio, raro sine rixa & lite finiatur. Ad oram currus, depicta est tigris vel panthera: sive quod vinum, ut jam dixi, furorem hominibus inducat; seu potius, quod moderate sumptum, ferinos rusticorum animos conciliet; sive etiam, quod Bacchus triumpho Indico ejusmodi feras curru junxerit. Martial.

L. 8. epigr. 26.

*Nam cum captivos ageret sub curribus Indos,  
Contentus gemina tigride Bacchus erat.*

L. 10. c. 39.

Illum quidem inter pantheras educatum plurimi tradunt. Ælianus de Animalibus, Pantheræ quoddam genus ἀμπελον, hoc est, vitem vocari ait, eodem nomine cum frutice vinifero. At quemadmodum Bacchus, vel Osiris, omni naturæ humidæ præesse existimatur: ita Isis terra est, vel natura rerum subiacens Soli: ideoque illi modius in capite, & cornucopiæ in brachio sinistro, veluti frugum parenti, adsignatur in nummo. Adest illi Cupido, qui eius filius censetur: vel quia ex Chao & Terra, quæ Isis est, natum fabulatur Hesiodus; vel quia  
Isis



Isis eademque Venus, Cupidinis mater.

Centauros Bacchi vectores, non solus  
repræsentat noster nummus, sed etiam Non- Lib. 16.  
nus eos ipsius currui subjungit: quia insi-  
gnes vini potatores apud veteres existima-  
ti sunt. Testis cum Lapithis pugna, in nu-  
ptiis Pirithoi & Deidamiæ. Ante Cen-  
tauros currum vehentes cernitur ludibun-  
dus puer Cissus, hederaceo stipiti, cui no-  
men dedit, adhærescens. Cum enim in Bac-  
chi comitatu saltaret cum Satyro, humi  
ab eo lethaliter afflictus, ab ipso Baccho in  
hederam est mutatus, quæ ΚΙΣΣΟΣ Græce,  
& exinde ipsi sacra: vel, ut fabulas mit-  
tamus, quia contra ebrietatem facere cen-  
setur. Cornua vero ideo Baccho attribu-  
ta refert Diodorus, quod primus boves sub L. 5.  
jugum miserit, idem atque Osiris, ut supra  
retulimus ex Tibullo,

*Primus aratra manu solerti fecit Osiris,*

*Et teneram ferro sollicitavit humum.*

Aliam tamen tradit rationem Diodorus Lib. 4.  
idem, nempe quod sit Ammonis filius,  
quem arietinis cornibus insignem nemo  
nescit. Aliam adsignant alii, quod vino-

lentia proterviam & contumaciam pariat, quæ per cornua designatur. *Cornua*, inquit Festus, *Libero patri tribuuntur, eo quod homines nimio vino truces fiant*. Veteres etiam pro poculo, cornu bovis utebantur. Sed quia cornua Bacchi in nummo nostro minutissima sunt, & solares radios potius imitantur, quam animalium cornua: in memoriam revocant Ægyptiorum doctrinam, qui Bacchum aiunt esse luminis inventorem & autorem, immo esse Solem ipsum: unde *Ignigena* vocatur ab Ovidio, non solum quod a fulminata Semele sit genitus, aut propter igneam vini naturam, sed quod sit ipse Apollo. Hinc cum face accensa in manu repræsentabatur ab Ægyptiis & Græcis, apud quos *λαμπηιος* vocatus est, & festa ejus *λαμπηια* a Pallenensibus celebrata. Inter nostros etiam Latinos Sardonius Apollinaris cecinit,

Poëm. 12.

*Caput aurea rumpunt*

*Cornua, & indigenam jaculantur fulminis ignem.*

Lib. 2. Od. 19.

Et ante ipsum Horatius illum descendentem ad inferos, id est, in occasum vergentem



tem, describens :

*Te vidit insons Cerberus aureo*

*Cornu decorum.*

Quid Baccho cum Nicænsibus, qui num-  
mum cuderunt, pluribus edisserit eruditus  
noster Tristanus, cujus in messem falcem  
mittere religio est. Ipsum adire licet : nec  
quemquam doctrinæ purioris & sanioris  
avidum pœnitebit.

*Comment. hist.  
tom. 1. in Com-  
modo num. 24.*

**I**VLIAM matrem comitabitur filius, **XXIX.**  
Antoninus Caracalla, in æreo primæ **ANTONINVS**  
magnitudinis nummo : cum capite laurea- **CARACALLA.**  
to, pectore loricato, & inscriptione, **M.**  
**AVREL. ANTONINVS PIVS AVG.**  
In averſa parte cælatus eſt Hercules nu-  
dus, ſtans, dextra libans patera ſuper aram  
ignitam, læva clavam & pellem leoninam  
geſtans. Eo coram, faxea quædam moles  
conſpicitur, duabus columnis in modum  
metarum diſtincta, cujus ab infima parte  
aquæ deſluunt. In ima parte nummi, vide-  
re eſt conchylum : inſcriptio ſic legitur,  
**AV.... SEP. TYRVS M..... COLO.** hoc  
eſt **AVRELIA SEPTIMIA TYRVS**

X ij



*Comment. to. 1.  
p. 491.*

De hoc nummo pauca mihi dicenda ,  
quamvis amplam & fecundam messem  
suppeditet. Quem enim paulo ante lau-  
davi, Tristanus in Hadriano, super insigni  
Gordiani tertii nummo , cuius pars averfa  
easdem columnas refert , tanta eruditio-  
ne & diligentia disseruit, vt omnino ni-  
hil addi possit. Mei tamen nummi copiam,  
studiosis faciendam censui, tum quia non-  
dum, quod sciam, editus fuit, ac peculiari  
typo cusus est : tum quia illis ansam præ-  
bebit disceptandi, num columnæ illæ sint  
Herculeæ toties decantatæ, ad Gades, Ty-  
riorum coloniam, positæ, an etiam aquæ



illæ interfluentes , pro freto Gaditano accipi possint: annon potius designent *Petræ Ambrosias*, vndis innatantes, quibus firmatis superstructa dicitur antiqua Tyrus: & de quibus præsertim copiose Tristanus, loco citato, quem possunt & debent consulere. Quod ad concham in infima nummi area positam pertinet, dubitari non potest, quin exhibeat conchylum purpuræ vel muricis Tyrii, ex cujus cruore fiebat purpureus ille color, toto orbe celeberrimus, magnatum & virorum principum vestibis intingendis.

**A**LTER æreus secundæ magnitudinis, capite Alexandri Severi percussus est sine corona, cum inscript. M. AVR. ALEXANDER CAES. Habet in aversa Cæsarem ipsum stantem, paludatum, dextra sceptrum demissum tenentem, læva hastam puram: a sinistra, stant signa duo militaria cum inscriptione, INDVLGENTIA AVG. S. C.

XXX.

ALEXANDER  
SEVERVS.



Novus hic indulgentiae typus, necdum in nummis visus: qui tamen historiam scrutanti confestim & facile constabit. Neque enim sola Deae sedentis imagine, quae dextra pateram, laeva hastam gerit, haec virtus adumbratur in nummis: sed etiam iis, quos producit, effectibus nonnumquam designatur. Sic in nummis Sept. Severi & Antonini Caracallae, *Indulgentia in Carthaginienses*, signatur icone matris Deum leoni insidentis, seu potius Deae Coelestis, quae hujus urbis peculiare numen. At in nostro Severus Alexander, seu potius Senatus Romanus, Elagabalum demereri volens, & ipsius indulgentiam extollere, qua Caesaris nomen & dignitatem Alexandro contulerat, *Indulgentia Augusti*



numinum consecravit. Siquidem Iulia Mæsa sagax & providens fœmina, Elagabalia, animadvertens ipsum ob nefanda flagitia apud probos quosque offendisse, & suspectans contemptum ac indignationem omnium ordinum, quæ Romæ in ipsius perniciem vergebat: vt imperium familiæ suæ conservaret, Elagabalo vix decimum octavum annum agenti persuasit, vt Alexandrum sibi sufficeret, qui principatum illi ab omni molestia & cura liberum præstaret, ac res humanas curaret; dum ipse Imperator, Deorum, ac præcipue sui Elagabali, cultui & ceremoniis vacaret. Quod illi, alioquin levi ac stolido adolescenti, probatum cum esset: Alexander, Cæsar appellatus est, & Consul factus cum Elagabalo, a quo in filium adoptatus est. Sed propter morum discrepantiam, illico ipsum facti poenituit, nec desuit Alexandro aperte & occulte insidiari, donec in castris prætoriis cum matre Soëmiade miserrime dilaceratus est: ipso Alexandro Imperatore acclamato, vt videre est apud Herodianum.

XXXI.  
MAXIMINVS  
ET  
MAXIMVS.

**S**OLA raritas, & typus insolens, æreo  
sequenti secundæ magnitudinis, hic lo-  
cum dabit. Ostentat duo capita Impera-  
toris Maximini laureati, & Maximi Cæsa-  
ris absque corona, cum epigraphe, ΑΥΤ. Κ.  
Γ. ΙΟΥ. ΟΥΗΡ. ΜΑΞΙΜΕΙΝΟC. Γ. ΙΟΥ.  
ΟΥΗΡ. ΜΑΞΙΜΟC Κ. hoc est, *Imp. Cæs.*  
*C. Iul. Verus Maximinus. C. Iul. Verus*  
*Maximus Cæs.* In averfa parte, bini Tri-  
tones figuram in superiori parte nummi sel-  
læ insidentem, quæ dextra pateram, læva  
tridentem, ut videtur, gestat, altero quif-  
que brachio sustinent. In gyro scriptum  
est ΒΡΟΥΖΗΝΩΝ.



Hujus postremæ vocis orthographia, an-  
cipitem



pittem me tenuit. Prusa enim, apud quam  
 cufum existimo nummum, ΠΡΟΥΣΑ non  
 ΒΡΟΥΖΑ scribi solet. Sed huic evellen-  
 do scrupulo plurimum confert Ezechiel  
 Spanhemius, qui in erudita & accurata,  
 quam recens edidit dissertatione, annotavit  
 litterarum istas permutationes, non casui  
 aut errori tribuendas, sed pronuntiationi  
 litterarum inter se affinium aut similium:  
 quod confirmat ex Luciani dialogo litte-  
 rarum, in quo Σῆμα queritur se ex Smyr-  
 næorum quibusdam nummis expunctam  
 esse à Ζῆτα, suum locum occupante. Quod  
 etiam exemplis illustrat Vir Clarissimus, &  
 de re antiquaria meritissimus. Ita & Β. pro  
 Γ. itemque Ζ. pro Σ. in verbo ΒΡΟΥΖΗΝΩΝ,  
 poni credimus; nec aliam, quam Prusam, vr-  
 bem designare. Præsertim cum ævo poste-  
 riori *Bursia* dicta sit, per Β. cum Orchanes  
 Turcarum Imperator, in ea Imperii sui se-  
 dem constitueret: & ipse linguarum The-  
 saurus *Brusam* enuntians, illam ad *Prusam*  
 reducat. Scio in nummis solitum scribi  
 Προυσέων aut Γρουσέων: sed quidni a Γρουσα Γρου-  
 σηνών, vt etiam a Βρουσα Βρουσηνών dicamus, su-

perioribus auctoritatibus & coniecturis firmati. Quod si Prusæ nummus adiudicetur: ei procul dubio tribuendus quæ in Bithynia ad Olympum montem, & in ora Propontidis *ad mare* dicitur. Quod conicere licet, ex marinis istis numinibus in nummo cælatis. Tritones enim Neptuni & Salaciæ filii traduntur a Mythologis. Quo facile adducor, ut credam figuram illam in throno sedentem, ipsius esse Neptuni, qui in hac vrbe maritima colebatur. Quamvis etiam ad Iovem referri posset, qui sæpius quam Neptunus sedentis habitu designatur in nummis, nisi tridens repugnaret.

XXXII.  
GORDIANVS  
TERTIVS

**I**AM Gordiani tertii nummum profero, æreum, mediocrem: in quo Imperatoris istius caput laureatum, & epigraphe, ΑΥΤ. Κ. Μ. ΑΝΤ. ΓΟΡΔΙΑΝΟΥ. In averfa templum tetrastylum videtur, cuius in medio, stat Dea velata nubentis habitu, nempe Iuno pronuba. A parte sinistra in gradu infimo, quo ad templum ascensus, visitur capsa quædam in modum thecæ hortensis, cum arbustulo, & verbo ΚΑΜΙΩΝ.





Diu hæsi, fateor, super explicatione hujus  
 arculæ mysticæ, quæ nusquam mihi occur-  
 rerat in nummis. Primo intuitu suspicatus  
 sum esse vas aquæ salientis, ad ablutionem  
 eorum qui templum libationis aut sacrifi-  
 cii causa accedebant. Dubitavit etiam ali-  
 quis, num columnæ templi fuerint lignæ,  
 & novo quodam miraculo vel præstigio,  
 ramos emisserint, radicibus in terram actis.  
 Tandem arcanum mihi videor assecutus,  
 ex Pausania in Achaicis. Samii, apud quos  
 cufus nummus, magna ambitione refe-  
 runt, Iunonem apud se natam ad Imbra-  
 sum fluvium, sub *Vitice* planta ex vimi-  
 num genere: quæ diu postea in templo Iu-  
 nonis visa est, ἐν τῇ Ἡραίῳ, vbi adhuc Pau-  
 sania ipsius ævo ostendebatur: illudque est  
 arbustulum, quod e regione columnæ, num-

Y ij

mus repræsentat. Vitex vero, frutex est in arborem assurgens, in fluminum ripis ac torrentum alveis nascens, ramis prælongis lentisque, foliis olivæ, sed mollioribus: Græci ἀγνος vocant, quod nobis *castum* sonat. Hinc est quod matronæ Athenienses, Festa Thesmophoria in honorem Cereris celebrantes, quia castitatem servabant.

*Perque novem noctes venerem tactumque virilem*

*In vetitis numerant,*

ut cecinit Ovidius. Ideo, inquam, ex foliis viticis cubilia sibi substernebant; quia, ut ait Ælianus, vitex existimatur ab veneris appetitione prohibere, unde vulgo ab Herbariis *Agnus Castus* vocitatur. Si velis esse symbolum Iunoniæ pudicitiae, non repugnabo.

Quod ad templum pertinet, ab Argonautis ipsis dedicatum tradit idem Pausanias, illuc signo Deæ ab Argis devecto, quod antiquissimum esse scribit, utpote opus Smilidis Æginetæ, qui Dædalo æqualis fuit. Eratque velata Iuno habitu nubentis, ut in nummo: & sacra ejus anniver-

*L. 9. de anim.  
c. 26.*



saria , nuptiarum ritu a Samiis celebrabantur , quia apud eos adoleverat , & Iovi nupserat.

**A**LTERVM ecce Gordiani tertii num-  
 mum æreum primæ magnitudinis, cum  
 aduerso capite Tranquillinæ vxoris , & in-  
 scriptione , ΑΥΤΟΚ. Κ. Μ. ΑΝΤ. ΓΟΡΔΙΑ-  
 ΝΟΝ. CΑΒ. ΤΡΑΝΚΥΛΛΙΝΑΝ. CΕΒ. In  
 altera parte rupibus insidet figura muliebris,  
 capite turrato , cui imminet eques sagitta-  
 rius decurrens : hæc dextra segetes tenet ,  
 & ante pedes ejus figura nuda cernitur , bra-  
 chia , more natantis , inter aquas extendens,  
 cum epigraphæ , ΑΥΡ. CΕΠ. ΚΟΛ. CΙΝ-  
 ΓΑΡΑ.

XXXIII.  
 GORDIA-  
 NVSET  
 TRAN-  
 QVILLINA.



*De lege agr. cont.  
Rullum.*

Maximi apud antiquarios momenti & estimationis semper fuere coloniarum nummi, & earum præsertim, quæ versus longinquos & remotiores imperii limites deductæ sunt. Romanam enim potentiam latius prædicant, quæ gentes quasi toto orbe diffusas, coloniarum ope, in officio continebat. Inter causas enim coloniarum deducendarum, enumerantur præcipuæ duæ: prima, ut populi subacti coërcerentur; altera, ut hostium incursiones reprimerentur, essentque tanquam præsidia, partis bello provinciis. Hinc Cicero eas vocat imperii propugnacula: *Est, inquit, opera pretium diligentiam majorum recordari, qui colonias sic idoneis in locis, contra suspicionem periculi collocarunt, ut propugnacula imperii esse viderentur.* Sed si vlla vnquam acquisita bello provincia, opus ejusmodi præsidiis habuit: certe Mesopotamia, quam, cum diffusa longius, & hostibus potentissimis, nempe Parthis ac Persis, finitima esset, sic erat tueri difficile, ut eam Hadrianus, cum quibusdam aliis, a Trajano in potestatem P. R. redactis, deferere satius duxerit, ut &



Philippus post illum , cæso Gordiano. Ejus est provinciæ Singara , Rhetanorum civitas , cujus mentio in nummo , a qua & Singarena regio nomen invenit : quæ , si non primum a L. Aurelio Vero , qui per Avidium Cassium legatum , in his Orientalibus provinciis , contra Vologæsum Parthorum regem bellum gessit , saltem postea a L. Septimio Severo , colonia facta videtur. Satis hoc innuit *Septimia* gentile nomen , quo insignitur : nec abnuat alterum *Aurelia*. Quippe Severus tanta dignatione M. Aurelium Antoninum prosecutus est , ut illum patris loco habere voluerit , teste ipsius nummo , in cujus averfa parte, DIVI. M. PII. F. appellatur. Sed & Æl. Spartianus, *In Severo.* illum ait in Marci familiam transire voluisse , & filium suum majorem Bassianum , appposito *Aurelii Antonini* nomine , Cæsarem appellasse : & eo usque processisse hanc erga Marcum propensionem & cultum , ut sceleratum illum ejus filium Commodum in Divos retulerit ; & Antonini nomen , omnibus deinceps imperatoribus adscribendum censuerit. Hinc est forte quod ejus

Lib. 75.

demortui reliquiæ, in M. Antonini sepulcrum illatæ sunt. Cum igitur *Aurelia* & *Septimia* denominetur Singara, illuc a Severo coloniam deductam potius crediderim, quam a Vero, qui Antiochiæ Parthici belli tempore oriabatur. Severum autem ipsum, Nisibim vsque, a qua non longe distat Singara, penetrasse scribit Dio: militesque ejus, postquam Seleuciam, Babylonem, Ctesiphontem, aliasque remotiores vrbes occupassent, ad superiores partes Tigris, cui adjacet hæc colonia, pedestri itinere aut navigiis rediisse. Similem postea expeditionem suscepit Gordianus, adversus Persarum regem Artaxerxem, qui Parthicum Arsacidarum imperium aboleverat, & Nisibim vsque pervenit, vicinasque gentes. Inter eas Singareni, præclarum hunc nummum, in honorem ipsius, & vxoris Tranquillinæ cuderunt. Figura illa muliebris, in aversa parte sedens, cincto turribus capite, vrbs Singaræ typus est, dextra fruges fertilitatis indices tenens. Sagittarius eques, Parthorum & Persarum militiam designat, quæ potior equitibus & arcu: figuram vero



ro nudam, ad pedes mulieris sitam, flumen Tigrim exhibere, non omnino a ratione alienum puto.

**I**AM æreum secundæ magnitudinis exhibebimus, in quo caput Philippi filii, cum inscr. M. IOY. ΦΙΛΙΠΠΟΣ ΚΑΙΣΑΡ. In averſa parte, ſtant tres figuræ muliebres, obverſis tergis junctæ, cum modiis aut turrulis in capite: quarum media, quæ totum exhibet vultum, facem alteram dextra gerit, alteram ſiniſtra; quæ dexterior eſt, ſerpentem dextra, læva clavam antiquæ formæ; quæ ſiniſterior, dextra ſtimulum vel gladium, læva flagellum. Earum ad pedes, ab vtraque parte canis. Inscr. ANTIOXEΩN.

XXXIV.  
PHILIPPVS F.



Testantur, qui de rebus Indicis scripserunt, a multis Indiæ populis non honoris causa dæmones, sed timoris, adorari: ne ipsis videlicet noceant. Idem de Ethnicis dici potest, qui olim pro Diis habebant Vejovem, Pavorem, Pallorem, & alia ejusmodi terribilia. Immo Febri vti Deæ multas aras crexerunt Romani: & vt ait Val. Maximus, Febrem ad minus nocendum templis colebant. Quid de iis dicemus qui Furiis divinos honores tribuerunt, vt a Romanis Græcisque factitatum? Earum certe fanum

*3. de Nat. Deor.* Athenis, Romæ lucum fuisse, a Tullio docemur. De earum templis, sacrisque videndus Pausanias, qui eas ait a Sicyoniis vocari *Ἀνδρίδας*, ab Atheniensibus *σεμνὰς θεάς*. quo minus mirari debemus, a Tragico

*Corinth.* Ποῖτα *sceleris ultrices Deas* nuncupari. Tres sorores constituuntur, Alecto, Tisiphone, & Megæra. Illarum habitum describit Strabo, qualem fere refert nummus noster, dum

*In Medea.* ait apud Cassiteridas insulas, homines furiis esse similes, nempe colore fusco, *tunicis ad talos demissis, cingulo pectus incinctis, baculosque manu gestare.* At in nummo

*L. 4. Geogr.*



nostro terribilius quiddam baculis gerunt ;  
 nempe serpentes , tædas , flagella , stimu-  
 los , quibus plenæ poëtarum , cum de furiis  
 loquuntur , paginæ. De clavi , quam gestat  
 earum vna , vix habeo quid dicam : nisi ,  
 significari forte , inferorum fores ab ea pro  
 arbitrio claudi & referari. Canes ad earum  
 pedes non abs re constituuntur : apposite  
 enim confirmant eorum opinionem , qui  
 eas aiunt apud inferos *Furias* dici & *Ca-*  
*nes* , apud superos *Diras* & *Aves*. Inter  
 quos Servius ad illud Virgilii ,  
*Visaque canes volulare per umbram* , *Æn. 6.*

*Adventante Dea :*

*Canes* , *Furias* interpretatur. Cæterum qua  
 de causa *Furias* , in Philippi junioris num-  
 mo cælaverint Antiochenſes , haud ita facile  
 dictu est. Satiùs visum fuisset eas apponere  
 nummis Philippi patris , vltices scilicet in-  
 signis perfidiæ , qua Gordianum impera-  
 torem innocentissimum interemerat.

**A**GMEN claudent Imperatores duo , XXXV.  
 de numero eorum , quos tyrannos nun- *MARINVS.*  
 cupamus : vt nullius generis veteres num-

Z ij

mos, quantum finit & suppeditat antiquaria nostra supellex, præteriisse videamur.

Prior nummus æreus est, primæ magnitudinis, & ostentat caput nudum, senile, calvum, aquilæ volanti superpositum, cum inscriptione, ΘΕΩ ΜΑΡΙΝΩ. In altera parte, Roma galeata clypeo insidet, læva hastæ puræ innixa, dextra aquilam tenens, cui inter alas expansas impositæ sunt icunculæ duæ: inscribitur ΦΙΛΙΠΠΟΠΟΛΙΤΩΝ ΚΟΛΩΝΙΑΣ.



Similem a parte capitis nummum excudit Octavius Strada: sed cum hoc discrimine in averfa, quod pro Roma in nostro sedente,



stantem exhibeat Palladem. Sed nec istum edidissemus, nisi impulisset raritas, & quorundam opinio, nummum Stradæ pro fictio habentium. Ejus igitur sinceritati suffragabitur hic noster. At non multo, quam ipse, plura super eo differemus. Extant enim de Marino pauca apud Romanæ historiæ scriptores: qui etiam quasi ex incerto rumore asserunt, illum post Gordiani tertii obitum, regnantibus jam Philippis, ab Illyrico aut Mœsico exercitu electum, cum Sarmatico limiti præpositus esset, ut Romanam ditionem, adversus Scythas irrum-pentes, tueretur: tum a militibus ipsis rerum novarum cupidis interemptum, cum jam Decius a Philippo missus adversus Marinum, cum ingentibus copiis adventabat. Sed mire torquet studiosos nostros illa consecratio, & Divi nomen expressum in nummo. Qua de re nihil unquam a me, præter meras conjecturas, auditum profiteor: quæ, quoniam in nummorum explicatione non omnino despiciuntur, suum hic locum, usque dum ab historia lux affulgeat major, obtineant. Dubitatur scilicet, an relatus in-

Z iij

ter Deos Marinus fuerit , a militibus ejus interempti pœnitentibus , & vindicem extimescentibus Philippum , qui post cæsum Marinum , etiam eos qui a partibus suis steterant , ad supplicium deposcebat : an a Decio , qui vt reliquias fautorum Marini sibi conciliaret , hac arte præluserit imperio , ad quod ab exercitu Illyriciano assumptus & coactus dicitur. Aliquando etiam consecrationem hanc Philippo ipsi tribuimus , vt a se Marinianæ cædis invidiam in rebelles converteret. Quin & ipsius nutu cūsum hunc nummum , ex simili Philippi ipsius apud nos nummo , suspicari licet : cujus nummi parti averse , Philippopolitæ similem omnino typum & inscriptionem apposuerunt , cum duabus istis icunculis. Dijudicent eruditi. Cæterum Romam & aquilam in hoc nummo , nihil aliud nisi Romanum imperium designare , mihi facile persuadeo.

XXXVI.  
SEBASTIA-  
NVS.

**A**LTER nummus argenteus est , & parvulus , habens in anteriori parte caput conferto ex gemmis cingulo redimitum , cum epigraphe , D. N. SEBASTIANVS



P. F. AVG. In posteriori, sedet figura muliebris, Romæ vt opinor, dextra victoriam tenens. Inscr. VICTORIA AVGG.



Rarus est ille inter tyrannos Sebastianus in nummis, sed multo in historiarum monumentis rarior: ex quibus vix didicimus fuisse illum fratrem Iovini, qui sub ævum Honorii, Galliarum imperium sibi vendicavit: cum quo etiam a Constantio Nobilissimo Cæsare, ejusdem Honorii auspiciis, profligatus & interemptus est. Illum Orosius ad <sup>L. 7. 6. 42.</sup> hoc solum arma sumpsisse ait, vt tyrannus moreretur.

**A**PPENDICIS loco duos alios num- XXXVII.  
mos; nuper mei juris factos, hic ex- P. VENTI-  
hibebo. Prior argenteus est denarius, & DIVS.

capiti tertio superius inter familias , quarum vnam exhibet exquisitæ raritatis , inferendus. Præfert pars altera barbatum caput M. Antonii Triumviri , cum lituo & inscriptione mutila , M. ANT. IM... hoc est *M. Antonius Imp.* Altera figuram stantem incognitam , quæ dextera hastam gestat , cum inscr. P. VENT..... PONT. IMP.



P. Ventidium , cuius nomine illustratur nummus noster , nemo est qui nesciat captum bello sociali adhuc puberem , & cum matre captiva in triumpho Pompeii Strabonis ductum : deinde jam adultum , equis meritoriis & vehiculis conducendis victum quæsiisse. Sed post illud fortunæ ludibrium , cum sub C. Cæsare Dictatore , in Galliis militasset , per omnes honorum gradus euectus est. Senator & Tribunus plebis  
primo



primo factus : & cum M. Antonii partibus se addixisset , vno eodemque anno , Prætor , Consul , & Pontifex renuntiatus. Deinde Orientalibus provinciis præpositus , Parthos & Labienum devicit , ac Romanorum primus de iis triumphum egit. Demum post obitum publico funere elatus fuit. Plura apud historiæ scriptores.

**P**OSTERIOR nummus æreus est & XXXVIII. maximus , Trajani Decii capite percussus , cum epigraphe , ΑΥΤ. Κ. Γ. Μ. ΚΥΙΝΤ. ΤΡΑΙΑΝ. ΔΕΚΙΟC CEB. In aversa cernitur mulier amicta velo , divinitatis symbolo , infantulum læva super genu retinens , in medio trium armatorum , quorum ope protegi videtur. Inscribitur his notis , Α Π Α Μ Ε Ω Ν . . C Τ Ρ Α Τ Ο . . .

Nummus hic , nisi eum malis ordine imperii post Philippum Iuniorem collocare , inter octavum & nonum capitis quarti nummum reponendus est. Quippe quæ illic in Creteni nummo Trajani , de partu Cybeles diximus , mire confirmat & explicat. Quis enim non videat viros illos tres , ar-

A a



mis instructos, Curetes esse aut Corybantes, qui clypeorum & gladiatorum collisione & crepitu, Saturno puerperii notitiam præripiunt: unde postea originem duxit Enoplia seu Pyrrhica saltatio, quæ in honorem matris Deum, & servati Iovis memoriam celebrabatur. Supersedemus igitur ampliori interpretationi, qua superius sumus ad nummos illos utcumque defuncti. Cavendum enim profecto, ne supra quam aut proberetur humanis lectoribus, aut instituti nostri ratio postulet, libelli hujus moles excrescat. Quod si qui forte prolixioris operæ cupidi, interpretationum nostrarum exi-



guitatem, ne dicam sterilitatem, improbent: meminerint ij quod jam inde ab initio professus sum, non hic a me justos commentarios scribi, nec illustrandam dedita operam nummariam esse susceptam: sed promissa dumtaxat rariorum nostrorum numismatum ectypa; quorum aspectu, & nostra; qualis ea cumque est, prolusione, ad vberiora quædam & decretoria de iis edenda judicia, ipsorum eruditionem & industriam provocarem.




*Sequentes Epistolas, quæ ante aliquot annos, seorsim singula, minore forma prodierant: denuo in lucem edere, & superiori dissertationi unum in corpus adjungere non alienum judicavimus. Ejusdem quippe sunt argumenti, & nostri etiam musci numismata continent. Earum prima, aliena quidem sed amica manu & mente exarata est, ab erudito viro, cujus impulsu & monitis, reliquas postea conscripsimus.*

A a ij

EPISTOLARVM ARGVMENTA.

- I. *Raph. Tricheti du Fresne ad P. Seguini-  
num, de nummo Catanensi.*
- II. *P. Seguini ad Raphaelem Trichetum du  
Fresne, de nummo Britannico.*
- III. *Petri Seguini Epistola ad Fr. Gottifre-  
dum, super dubiis quibusdam ad num-  
mos Familiarum Romanarum Fulvii  
Vrsini spectantibus.*





**EPISTOLA**  
**DE CHARONDÆ EFFIGIE**  
**IN CATANENSI NUMMO**  
**EXPRESSA.**

*CLARISSIMO ET ERUDITISSIMO VIRO*  
**PETRO SEGVINO,**  
*D. GERMANI IN VRBE*  
**ANTISTITI,**  
**RAPHAEL TRICHETVS DV FRESNE S. D.**



**Q**UEM mihi altera die ex tua locupletissima antiquitatum congerie nummum ostendebas, VIR CLARISSIME, ad Catanenses pertinere inscriptio satis declarat, KATA-  
 Aa iij

ΝΑΙΩΝ. Sed mihi, fateor, negotii multum  
facessivit barbati senis in antica nummi  
parte expressa imago: omnino enim vole-  
bam quis ille esset cognoscere. Et certe pri-  
mo aspectu ex naso, qui simus; ex fronte,  
quæ depilis; ex oris facie, quæ invenusta;  
Socratem Sileno similem (ut illum in Sym-  
posio describit Xenophon) vidisse putave-  
ram. Sed quid Socrati cum Catanensibus?  
Ad hæc mihi nummum attentius inspicien-  
ti cornigera senis illius facies apparuit. Quis  
autem Socrati cornua vnquam assignaret?  
Similem fere nummum dedit Paruta, in-  
ter Catanenses suos numero secundum: nisi  
quod viri effigies, querna, ut videtur, co-  
rona redimita est. Si conjecturæ locus da-  
tur, expressam à Catanensibus in hisce num-  
mis Charondæ effigiem crediderim. Hic  
Catanensis fuit, & sua ætate (floruit au-  
tem, ut notat Diodorus Siculus circa  
Olympiadem LXXXIII.) sapientia cla-  
rus, Pythagoræ olim sectator, philoso-  
phiam in vicinis magnæ Græciæ urbibus  
docentis. Charondas autem non solum ci-  
vitati suæ leges scripsit, sed & aliis Chalci-

*Lib. 12.*



dicis per Italiam civitatibus , vt legimus  
 apud Aristotelem. Et certe apud Ælia-  
 num , præter Catanensem , Rheginensium *Lib. 2. Polit. cap. ult.*  
 etiam rempublicam ab eo constitutam fuisse *Lib. 3. var. hist. cap. 17.*  
 legimus , cum patria aliquando pulsus  
 apud illos exularet. Rhegium autem , vt  
 Catanam , a Chalcidenfibus conditum scri-  
 bunt Strabo & Heraclides in lib. de Poli-  
 tiis. Thurinis etiam , qui Rheginensibus  
 finitimi erant , jura dedit , vt notat Dio-  
 dorus Siculus , vnde Thurii nomen illi  
 attributum apud Valerium Maximum : *Lib. 6. cap. 5.*  
 quem locum male legit Aldus Manuc-  
 cius , qui in Commentariis ad librum Ci-  
 ceronis de Legibus , Charondam Ty-  
 rium , & pessime Alexander ab Alexandro ,  
 qui Carthaginensem fecit. Probabile igi-  
 tur est , & verisimile , Catanenses , vt civis  
 sui de republica optime meriti memoriam  
 conservarent , nummos suos illius imagine  
 obfignasse. Divinis enim propemodum ho-  
 noribus legislatores suos decorabat antiqui-  
 tas , illosque vel deos , vel deis genitos re-  
 putabat. Sic Zaleucus Charondæ condisci-  
 pulus , post Locrenfium urbem legibus mu-

Lib. 1. cap. 2.

nitam, sub nomine Minervæ apud ipsos Locrenses prudentissimus habitus est, ut scribit Valerius Maximus. Divinum autem aliquid in Charonda denotant appicta capiti illius cornua, qualia & Iovem Hammonem, & alios, quos potentia deos fecit, gestare videmus. Cornu enim potentiæ symbolum fuisse norunt omnes. Quid vero legibus potentius? In altera nummi parte sceptrum alatum, promptam & velocem eloquentiæ vim significat, qua olim usus Mercurius, qui

—feros cultus hominum recentum  
Voce formavit.

1. Odysf. vers. 122.

Verba autem alata appellavit Homerus: unde & alatam Mercurio virgam dedit antiquitas, quæ & priscos legistatores Mercurio assimilavit, ut Moysen, quem Artabanus, apud Eusebium de præparatione Evangelica, Mercurium ab Ægyptiis vocatum fuisse dicit. Quem Moysen cornurum quoque fuisse notant & designant paginæ sacræ, si bene sanctus Hieronymus quæ Hæbraicè in Exodo legerat, Latina fecit: aliter enim loquuntur septuaginta

Lib. 9.



ginta Interpretes. Pateras ex vtraque caducei parte effictas, ad religionem pertinere (quæ politices fere semper pars fuit) tritius est quam demonstratione indigeat. De Charonda hoc vnum addam, quod illius sepulcrum ex marmore Catanæ inventum fuit juxta ædem D. Agathæ, circa principium seculi præteriti, vt notat Fazellus *Lib. 3. cap. 1.* in historia Sicula, cum arca stannea, in qua ossa ejus recondita erant: nec monumento deerat inscriptio. Sed hoc tandem nostra ætate ante annos circiter triginta per summam incuriam, vel potius injuriam demolitum fuisse tradunt vltimi rerum Sicularum scriptores. Et hæc sunt, ORNATISSIME SEGVINE, mea criteria. Tu judex esto & arbiter, pro munere quo fungeris in summo rei antiquariæ tribunali. Ex Bibliotheca nostra.





# PETRI SEGVINI

Ad Clariss. & Eruditiss. Virum  
 RAPH. TRICHETVM DV FRESNE  
 EPISTOLA  
 DE NUMMO BRITANNICO.



ICEAT mihi apud te, ERVDI-  
 TISSIME TRICHETE, vna  
 aut altera pagella ludere in re an-  
 tiquaria, & doctissimam illam ac-  
 seriam epistolam tuam, qua me dignatus es  
 sub titulo Charondæ, his anni primordiis  
 hoc ludicro veluti compensare. Nummus  
 est mihi plumbeus, magnitudine denarii  
 Romani argentei, pondere tantillum ma-  
 jori, antiquus citra omnem dubitationem,  
 cujus speciem tibi exhibere volui.





Ab vna parte coronam vides : ab altera, Digamma, cui insitus est palmæ ramus cum hisce notis, IO. SAT. IO. Fateor, vt ad familias Romanas & nummos Consulares sum propensior, me illum primo intuitu retulisse ad C. Sentium Saturninum, qui Consul fuit anno V. C. DCCCXXXIII. Nec certe pluribus literis quam his tribus (SAT.) Saturnini cognomen expressit Fulvius Ursinus in vltimo nummo Sentia familiae. Sed adhibita diligentiori meditatione, suspicatus sum me aberrasse a scopo : & ad inferiora tempora me demittens, sub imperio Ti. Claudii cūsum fuisse hunc nummum, omnino mihi persuasi. Ac primo constat gravissimorum virorum autoritate, Claudium, quamvis in administrando imperio, immo & privata domo, stolidissimum, tamen reperisse tres literas, quas reliquis jam inventis adjecit : atque inter eas præcipue numerari Digamma, facie literæ Δ inversæ, vt in hoc nummo cernitur. De tribus literis testatur Suetonius, his verbis : *Novas* Lib. 5. c. *etiam commentus est literas tres, ac numero veterum quasi maxime necessarias addidit, de*

Bb ij

*Annal. lib. 11.*

*Lib. 1. cap. 13.*

quarum ratione cum privatus adhuc volumen edidisset, mox princeps non difficulter obtinuit, ut in usu quoque promiscuo essent. Sed & Cornelius Tacitus idem affirmat, postquam de literarum inventoribus prolocutus est. *Claudius*, inquit, tres literas adjecit, quæ usui imperitante eo, post oblitterata, aspiciuntur etiam nunc in aræ publicandis plebiscitis per fora & templa fixo. At vero de Digamma solo Quintilianus ait, non inutiliter Claudium Æolicam illam ꝑ ad usus literarum adjecisse. Quin & doctissimi viri Lipsius & Torrentius fatentur, illud Digamma in vetustis ævi Claudiani marmoribus passim occurrere, ut *poemærium terminasit ampliasitque*. sic *Octavia Digi Augusti, XV. VIR. pro Octavia Divi Augusti, XV. VIR.* & similia. Cum igitur Digamma solis Claudii temporibus viguerit, & eo per boletum sublato desierit esse in usu, ut patet ex Tacito; atque etiam in inscriptionibus sub illo exaratis, quæ hucusque remanserunt, reperiatur: existimo & nummum nostrum eo imperitante cusum fuisse. Hoc ut libentius credam adducunt me reli-



qua, quæ in vtraque ipsius nummi parte  
infulpta cernuntur: nimirum corona, pal-  
ma, & notæ IO. SAT. IO. quorum om-  
nium argumenta ad solius Claudii tempo-  
ra, & res in iis gestas referri posse arbi-  
tror. Ac primum notas illas, IO. SAT. IO.  
sic ausim explicare: IO SATVRNALIA IO.  
Auctor mihi & fundus est Dio, ex quo, nisi *Lib. 60.*  
me fallit animus, conjecturam meam eru-  
ditis approbabo. Expeditionem adversus  
Britannos Claudius impulsu cujusdam ex-  
torris suscepit. Sed cum exercitus Galli-  
ci, quos in Insulam præire jusserat, ab-  
nuerent, indigne ferentes se in alterum  
velut orbem amandari, & sic sua cuncta-  
tione commodum belli tempus tererent:  
Claudius adhuc in Vrbe commorans, rei  
certior factus, Narcissum libertum, cujus  
gratia apud Imperatorem semper fuit ma-  
xima, ad eos misit. Ille receptus intra ca-  
stra, legati tribunal ausus est conscendere,  
vt milites adloqueretur: sed indignati, ejus-  
modi homuncionem munera Imperatoris  
obire & vsurpare, in risum & cachinnos  
effusi conclamaverunt, *Io Saturnalia Io:*

Bb iij

& Narcissum averſantes , ad A. Plautium legatum converſi , in Inſulam trajecere. Nemo neſcit, in feſtis Saturnalibus, quæ per aliquot dies menſe Decembri agebantur , Romæ equites , immo & ſenatores , abjecta toga , ſolitos ſyntheſim induere ( id brevis & ſervilis veſtis genus ) ac ſervis accumbentibus & epulantibus miniſtrare , cum interim togas induerent iſti , & in omnibus dominorum vices gererent. Ita jocus ille militaris , quo Narcissi exploditur audacia , & carpitur incuria Claudii qui libertorum mancipium audiebat , in hoc nummo expreſſus videtur poſt adeptam victoriam : quod convenit cum antiquo Reipublicæ more , quo in triumphis milites Imperatori victori & triumphanti ſolebant illudere per ſales & facetias. Palmam & coronam ad victoriam pertinere , clarius eſt quam explicatione indigeat : ſed illam eſſe Britannicam perſuadent omnino ſupradicta. Et certe Claudius ipſe , qui auditis ſuorum rebus egregie geſtis , Roma advenerat , vt huic bello præſens aliquam gloriolæ partem capteret : poſt devictos Britannos tanti fecit




hanc victoriam, vt quamvis solos sexdecim dies in Britannia egisset, præter nomen imperatorium in exercitu vetusto more sumptum, etiam Britannici nomen acceperit, Senatusque ei decreverit triumphum, ludos annuos, & arcum trophæa ferentem in Vrbe, aliumque in Gallia, vnde in Britanniam solverat; & ipse post peractum magnificentissime triumphum, etiam consularibus ac senatoribus qui ei in hac militia affuissent, triumphalia insignia concesserit. Vt mirum videri non debeat, si in tanta & tam communi omnium alacritate, etiam palmæ & coronæ nummis insculptæ sint: quemadmodum & in aliis cuiuscumque metalli, arcus huiusmodi cum trophæis & statuis equestribus descriptos habemus. Sed vt ex omni parte constet, nummum nostrum rite Britannicum vocari, & in ea Insula plures cudi solitos plumbeos, (quamvis alii velint esse stanneos) memini me vidisse Parisiis apud nostram *Abbatem* Anglicanam, Susannam Lavalliam, nummum ejusdem ponderis & metalli, cujus anteriori in parte, caput Carausii, (quem in Britannia dominatum fuisse

norunt omnes ) cum averſa rariffima hiſce  
 verbis concepta , EXPECTATE VENI.  
 Sed & alterum poſſidet Illuſtriſſimus Sevius,  
 vir omni laude major , ſimilem pondere &  
 metallo , qui præ ſe fert caput Neronis ; in  
 altera vero parte, figuram ſtantem , cum ver-  
 bulo non toto, PAVLLIN. quod innuit indu-  
 bitanter illuſtrem hujus ævi Suetonium Paul-  
 linum , qui in eadem Inſula Neronis lega-  
 tus, ſæpius adverſus Britannos depugnavit :  
 & famoſam illam Reginam Bunduicam ,  
 quæ octoginta Romanorum & ſociorum  
 millia trucidaverat , cum ducentis homi-  
 num millibus fudit. His paucis fruiere, VIR  
 CLARISSIME : quæ ſi non mereantur al-  
 bum lapillum , memineris , quæſo , me à te  
 ſæpiuſcule & humaniter invitatum , qui  
 ſpecimen aliquod ſuper nummos veteres  
 eruditioni tuæ ſiſterem ; quod malui præ-  
 ſtare , etiam cum periculo inſcitæ meæ ,  
 quam non videri in omnibus tibi obſe-  
 quentiſſimus. *Ex Muſeo noſtro Pariſienſi,*  
*anno R. S. M. DC. LIX.*

PETRI





PETRI  
SEGVINI  
EPISTOLA

Super dubiis quibusdam ad nummos fami-  
liarum Romanarum Fulvii Vrsini  
spectantibus

AD ILLVSTRISSIM. ET ERVDITISSIM. VIRVM  
FRANCISCVM  
GOTTIFREDVM  
EQVITEM ROMANVM.

**T**ANTI faciunt studiosi omnes ti-  
bi innotescere, aut per te cæteris,  
VIR ILLVSTRISIME, vt in  
te renovetur quod audivimus de  
antiquis Philosophis, qui ad extremos vs-  
que terrarum fines, si quem doctrina aut  
sapientia insignem rescivissent, ejus visen-  
di studio properabant. Sicut enim Pytha-  
goras, Memphiticos vates; Plato, Ægyptum

Cc

& Archytam Tarentinum ; Apollonius ,  
Brachmanas & Gymnosophistas inviserunt :  
vt ad T. Livium ab vltimis Hispaniæ Gal-  
liarumque finibus , accessisse quosdam no-  
biles legimus , & quos ad contemplationem  
sui Roma non traxerat , vnus hominis fa-  
ma perduxit. Ita & hoc ævo ex vniversis  
terræ partibus , ad ædes tuas concurritur ab  
omnibus , quotquot antiquitatis studio te-  
nentur , qui Romam contendunt , vt eru-  
ditionis tuæ fructus vberiores percipiant.  
Quidni ? si & Regium illud sidus orbis  
Christiani , quod nunc Urbem illustrat ,  
CHRISTINA , inquam , illa incompa-  
rabilis , quamprimum te inter primores  
nobiles Romanos , sibi adveniēti occur-  
rentes conspexit , commota tui nominis fa-  
ma , quam præsens augebas , honorificen-  
tissime compellavit , & te selegit vnum , a  
quo Romanæ antiquitatis arcana cognosce-  
rēt. Quo consilio & museum tuum adiit  
sæpius , vt congeriem illam veterum nu-  
mismatum totius Europæ primariam invi-  
seret , & te super his dissertantem audiret ,  
probaret , miraretur.



Hujus tuæ eruditionis fruendæ gratia ,  
VIR ILLVSTRISIME , dicam lubens ,  
Romam appuli : & qui olim solo peregrinandi animo , vix adolescens illud iter aggressus fueram ; septem abhinc annis , jam seni vicinus iterum emensus sum , tui fama nominis evocatus. Quam felicibus auspiciis , quam fausto successu , quam comiter a te exceptus sim , quam liberaliter habitus , edicere non opis est nostræ. Hinc mihi novus Romanæ antiquitatis amor increvit , quam vix olim delibare contigerat. Inde series nummorum Imperialium , cujuscumque magnitudinis & metalli , congeffi : in quibus toties ab experientia tua sum adjutus , sive in acquirendis genuinis & sinceris , sive in explodendis fictitiis , & rarioribus dignoscendis. Sed tibi præsertim debere me profiteor. seriem familiarum Romanarum non ignobilem , quippe qui me impulisti ad colligendos earum nummos quos Consulares appellant multi , de quibus Fulvius Ursinus tam præclare & erudite scripsit , vt exinde nomen æternum sibi comparaverit. Quod te duce feliciter adeo consecutus sum , vt

Cc ij

omnium familiarum , centum sexaginta quatuor numero , quas in lucem edidit , sola mihi desit Horatia , non sine spe illam recuperandi : atque adeo septingentos nummos Fulvianos possideam : præter ducentos absimiles , quorum non meminit , & in quibus dignoscuntur plures familiæ quas non recensuit , omnes archetypos & indubitata vetustatis. Illorum præcipue meditationi ut incumberem , hortatus es , vir comis supra numeros : quod ut præstarem , quamprimum Lutetiam Parisiorum reversus sum , & ut me tuis auxiliis destitutum sensi , ad eundem Vrsinum confugi , in quo evolvendo plurima offendi quæ me laterent , & doceret ille.

Sed ut varia sunt hominum ingenia , & diversis a natura gaudemus , quamvis magni illius viri vestigiis insistere , honori semper duxerim , quamvis eruditionem ipsius suspiciam : non ita me illi obnoxium credidi , ut ab ejus aliquando sententia non possem deflectere. Ut enim in antiquis oraculis sæpius duplex sensus , immo & contrarius occurrebat : ita & in veterum num-



morum inscriptionibus multa visuntur ,  
quæ multiplicem patiuntur vt lectionem ,  
ita & explicationem ; tum propter vetusta-  
tis injuriam , præsertim in æreis , in quibus  
rubigo novas & fictitias literas videtur in-  
ducere prioribus corrasis ; tum quod cre-  
scente in dies conquirendi studio , reperian-  
tur alii similis quidem fabricæ , sed elegan-  
tioris , aut magis integræ , qui novam lucem  
afferunt ; tandem quod e terræ visceribus  
eruantur quotidie alii nusquam visi , qui con-  
jecturas priores , quibus sæpe nititur numis-  
matologia , ad veriore & solidiorem sen-  
sum reducunt. Exemplo nobis erit vnus  
idem Vrsinus , qui cum in commentario fa-  
miliæ Sestiae , affirmet familiam Sextiam , per  
literam , X , in nummis nusquam reperiri :  
nihilominus inter illustrium imagines peti-  
tas ex Bibliotheca ipsiusmet Vrsini , quas  
prælo dedit Antuerpiæ Theodorus Gallæus  
cum notis Io. Fabri , nummus exhibetur in  
appendice sub litera H , cum capite P.  
Cornelii Scipionis Nasicae , in cuius aver-  
sa parte , vt videre est in commenta- *Pag. 35.*  
rio , Ædilis inscribitur C. Sextius , ad-

Cc iij

notata etiam per ipsum Fabrum familiarum differentia, quod Sestia fuerit patritia, at vero Sextia plebeia fuerit. Nimirum post editas a Fulvio Vrsino familias Romanas, prodiit, ut verisimile est, nuper repertus nummus ille rarissimus, cui similem inter æreos meos mediæ magnitudinis annumero.

Eadem difficultas, quæ circa inscriptiones, etiam contingit in capitibus virorum illustrium dignoscendis; tum vitio sculptorum aut monetariorum, qui minori arte & cura nummos procuderunt; tum quod ævi longinqua vetustas tantum valuit mutare, cum maximo dolore antiquariorum, qui heroum & summorum ducum ora sincera, post res tam præclare gestas, præ manibus habere gestiunt. De veteribus igitur nummis dissertatio, ut dixi, sæpius conjectura niti cogitur, & plurima tractare, quæ in utramque partem agitari ancipiti probabilitate possunt; plurima, quæ hominum ingenia exerceant, eaque honestissimis excipient contentionibus, nec irritent, dummodo solius veritatis indagandæ causa, vel honestæ occupationis & animi levandi gra-



tia , in medium adducantur ; non livore & animo detrahendi famæ summorum viro-  
rum , qui superioribus temporibus antiqui-  
tati studuerunt , & primi in hoc aperi-  
endo campo , operam suam vtiliter impen-  
derunt.

Hoc impulsus studio , sed paratus impri-  
mis de controversiis omnibus , in decretis  
tuis tanquam oraculis acquiescere , V I R  
E R V D I T I S S I M E , super dubiis quibus-  
dam ad Vrsini familias , & præcipue Pom-  
peiam spectantibus , te consultum volui.  
Quippe inter alia diutius ferre non possum ,  
Cnæum Pompeium Magnum , cuius egre-  
gia facinora miratur orbis terrarum , cuius  
fama & magnitudo rerum gestarum ignota  
est nemini , ignoto vel sane incerto adhuc  
vultu in manibus nostris versari , quamvis  
plurimis nummis insculptus sit. Iam ab an-  
tecedentibus annis cœperat hæc moveri  
controversia , vt patet ex Fulvio nostro in  
commentario ad familiam Pompeiam. Sed  
memini , dum Florentiæ versarer , subortam  
denuo aliquam super hac re disceptatio-  
nem , inter antiquitatis studiosos , quorum

primas tenebat amicus noster Petrus Fittonus Anglus, Cimeliarcha Serenissimi LEOPOLDI, Magni Ducis Hetruriæ fratris, quem rerum elegantiorum studio peræque ac sanguine Principem vnice colis. Nimirum aiebat vir probus, & in re nummaria versatissimus, quem mors inopina summo eruditorum luctu nobis eripuit, in plurimis nummis argenteis familiarum Vrsini, sed præcipue Minatiæ & Nasidiæ, impressam esse faciem Cn. Pompeii Magni, sed a multis non agnosci, immo a quibusdam confundi cum capite Sexti Pompeii filii. Ex illo curiosius in hanc rem inquirere aliquoties volui: & a partibus ejus stare eo lubentius cœpi, quod Plutarchus aliquam nobis Pompeiani vultus, cum prædictis familiarum nummis similitudinem indicare videtur. Gravis siquidem ille historicus, suorum illustrium ora & habitum solet describere, vt ex eorum delineatione, aliquam seu virtutum, seu vitiorum quasi imaginem exhibeat. Postquam igitur de ortu & natalibus herois nostri quædam prælibavit, duplicem notam Pompeiani vultus adsignat.

Ac

*In Pompeio.*



Ac primo refert, illum ab adolescentia tanto decore & vigore vultus extitisse, ut Alexandro Magno similis esse vulgo existimaretur : deinde capillitium sensim & paulatim assurgens prætulisse, *ὡς δὲ τις καὶ αἰατολή τῆς κόμης ἀνέμα* : quod interpres vertit, *Jam modice surrecta coma.*

Quod ad vultus juvenilis decorem Alexandro Magno similem attinet, non potest certe ex nummis elici hæc conformitas, cum omnes qui Pompeii vultu insigniti sunt, post ipsum occisum percussos fuisse oporteat. Nemo nescit stante & vigente Republica, nulli civi Romano, quantumvis in dignitate constituto, licuisse monetæ vultum suum imprimere dum viveret ; ac si cujus illustris vel de Republica benemeriti facies in nummis visitur, id a posteris ejus, vel a monetariis inferiorum temporum esse factitatum : ut qui familiarum suarum decora omnibus nota esse vellent. Et certum est, inter præcipuos & insolitos honores C. Iul. Cæsari Dictatori decretos, constitutum fuisse ut pecunia ipsius vultu signaretur. Quod si forte aliqui existiment, amicos

D d

Pompeii ; vultum ipsius viventis pecuniæ impressisse vt contigit Cæsari : primum ægre id de Pompeio persuadebunt , qui & foveret Rempublicam , & populi libertatem tueri se profiteretur. Deinde qua tandem id ætate Pompeii factum , si vnquam factum est ? Certe cum arma S. P. Q. R. moveret adversus Cæsarem , quo tempore quinquaginta & octo natus annos , qui referre de vultu Alexandrum Macedonem potuit , anno ætatis trigesimo tertio e vivis sublatum ? neque enim sexagenario fere Pompeio eum tribuissent nummi vultum , quo in adolescentia aut juventute conspicuus fuerat , sed illum a senectute venerabilem , qui tunc omnibus notus erat. Etenim sculptores pictoresve , cum alicujus ducunt effigiem , præteriti temporis rationem non habent , sed præsentis : ne , si conferatur cum prototypo , minus convenire videatur. Idetiam observant , cum mortui cuiusque exprimunt imaginem , vt eam referant formam , quam præ se ferebat extrema vita : vt facilius agnoscantur , quorum memoria recentior. Nullus igitur monetarius



ad juvenilis & anteaetæ vitæ Pompeii tempora recurrisse putandus est, cum nummos ipsius jam mortui vultu percussit: ac proinde requirenda in iis illa Pompeii & Alexandri similitudo non est, de qua etiam non consentit omnino Plutarchus.

Iam vero secunda nota capillitii modice assurgentis in summa fronte, Sole clarior apparet in Pompeianis nummis. Facile hic aliquos eorum expressissem ad supplendos defectus ectyporum, qui nobis exhibentur in vulgatis codicibus: nisi suspicionem vitare vellem, me confictos ad mentem meam apposuisse. Sed appello ad sinceram studiosorum mentem, qui aliquos Pompeii nummos possident, & præsertim familiæ Minatiæ, de qua nullus dubitare potest, quin duo argentei in ea recensiti, ad Cn. Pompeium Magnum pertineant: tum quod in iis nihil sit prorsus, quod ad Sextum referri possit: tum etiam quod Cnæi prænomen in iis expressum sit. Tertium ejusdem familiæ Minatiæ argenteum possideo, ab Ursino prætermisum, cum eodem capite & inscriptione Cn. atque averfa parte diver-

Dd ij

sum a duobus Vrsinianis. Equidem vt nihil intentatum reliqui, ad acquirendos quosque nummos Pompeii patris vultu insignitos, pro mea in magnum virum nescio qua propensione, nullus eorum me præterit qui memorantur a Fulvio etiam in familia Pompeia, nec primus aureus, nec reliqui omnes quos summa cura atque etiam expensa conquisitos, majori diligentia discussi, & cum duobus nummis Minatiæ familiæ contuli, ac per omnia similes reperi. In omnibus, inquam, & singulis capite Pompeii insignitis, notam illam capillitii assurgentis, a Plutarcho memoratam deprehendi: nisi quod vndecimi argentei minus affabre cusum caput, de eo solo dubitare aliquantulum impellit, propter imperitiā monetarii. Sed in cæteris præsertim argenteis, vetulus ille vultus, frons rugis pluribus quasi sulcis exarata, genæ diductæ & concavæ, indubitanter speciem præ se ferunt viri senioris, & fere sexagenarii; non vero juvenis, qualis erat Sextus tum, cum anno ætatis quadragesimo a M. Titio interemptus est.



At quoniam præcipua controversia est de primo illo rarissimo & exquisitissimo aureo, tribus capitibus Cn. Pompeii & filiorum insignito: ausim affirmare, eum solum plurimum conferre ad litem componendam. Qua parte enim vnicum visitur caput, quod vulgo Cnæi patris æstimatur: nulla hic *αἰσολη τῆς κόμης*. Crines enim illius promissi, & in frontem sunt caduci: tantum abest ut sint arrecti, & velut ab ipsa fronte revulsi, quales videre licet in familiæ Minatiæ nummis, immo & in altero duorum minorum capitum, quæ in averfa parte hujusce aurei sunt insculpta, videlicet in eo quod dextram occupat. Illud enim esse Pompeii patris existimo, ex adverso filii primogeniti, tum propter cincinnum illum capillitii modice assurgentis, qui in integris & affabre cusis nummis dignoscitur, secundum notam Plutarchi; tum propter rugas in fronte apparentes, & genas concavas, quæ in vultu etiam minuto & compendioso, senilem patris ætatem referunt, nec florida filii ætati conveniunt. Nec ideo quis inferat vultum illum vnicum antero-

Dd iij

Lib. 2.

ris partis, utpote juniorem, exprimere majorem similitudinem cum Alexandro, ac proinde esse Pompeii patris juxta communem opinionem. Nam præterquam quod barbatus est, quod nusquam vidimus in nummis aut statuis Alexandri, in eo cernitur nescio quid rude, agreste, ac consonum moribus Sexti, qualis describitur a Paterculo, *Adolescens studiis rudis, sermone barbarus*, quod multum abest a forma Alexandri, & comitate Pompeii patris. Deinde circumscriptus cernitur corona quercea, ut fatetur Vrsinus ipse: ideoque existimandum non est cum Fulvio, expressam esse in hoc aureo nummo, cum capite Pompeii patris, coronam lauream, quam Senatus illi concesserat, festis solemnibus gestandam; sed potius cum capite Sexti Pompeii, inferi coronam querceam, quam meruerat (ut loquar cum nummis) ob cives servatos. Siquidem Sextus in proscriptos a Triumviris, plurima pietatis officia exercuerat, cum submissis ad Italiæ littora navibus, profugorum esset perfugium, receptosque benigne, liberaliter, & honorifice haberet, ac



demum composito foedere cum Antonio & Cæsare Octaviano, plurimos patriæ restitueret, inter quos fuere Claudius Nero vir Liviæ, & M. Titius qui postea ipsummet Sextum interfecit. Vnde & fieri potest, ut etiam ejus beneficii in cives & magnates Romanos impensi gratia, Sextus Pius appellatus fuerit, quod obiter observabimus. Scio illud fortassis assumpsisse cognomen ob pietatem in Cnæum patrem, cujus vindicandi causa arma sumpserat: quod innuit apposite Fulvius, in explicatione septimi nummi familiæ Pompeiæ, in quo videre est antiquum illud monumentum pietatis filiorum in parentes, sub symbolo duorum fratrum Catanensium Amphinomi & Anapiæ. Equidem in prælio Mundenfi, in quo Pompeii juvenes a Cæsare Dictatore fusi & profligati sunt, Pompeianis partibus protessera PIETAS fuit: sed nil obstat quominus duplici titulo Pii nomine donatus fuerit, & propter observantiam in patrem, & propter caritatem in patriam & cives suos. At certum est, coronam querceam, servati civis fuisse notam & præmium honora-

rium, ideoque civicam appellatam: ac proinde corona in illo aureo expressa nullo modo caput Pompeii patris designat, nec ad ipsum pertinet, (quippe nec est laurea, qualis fuerat illi decreta) sed ad Sextum filium, qui quernam illam meruerat.

Quod attinet ad inscriptiones & signa Pontificatus vel Auguratus, & alia quibus Fulvius suam de vultu Sexti in denariis argenteis vult stabilire sententiam: observandum, hæc & similia non semper referri ad capita quibus apponuntur, sed sæpius designare magistratus aut monetarios, quorum autoritate cusi sunt. Prætermitto quod refert Vrsinus ipse, Ciceronem loquentem de Auguratu Sexti Pompeii, vocare paternum Auguratus locum, hisque verbis innuere Pompeium patrem Augurem fuisse, ac proinde lituum Pompeianis nummis appositum, æque patrem ac filium posse designare, cum tamen Fulvius ad solum filium referat. At vero de inscriptionibus ipsis constat, non semper convenire cum capitibus quibus apponuntur, ut præmissi, sed designare aliquando Triumviros Monetales, atque

*Philip. 3.*



que etiam Magistratus. Quod patet ex XVIII. nummo familiæ Corneliæ, qui etiam primus Claudia, in quo visitur caput cum verbo MARCELLINVS. Illud enim caput ab Vrsino & aliis Antiquariis, censetur esse Marci Marcelli, ejus qui Syracusas expugnavit, & fuit Consul quinquies; cujus etiam monumenta in averſa parte cernuntur: non vero Cn. Cornelii Lentuli Marcel lini, qui Consul fuit anno V. C. DCXCVII. & cujus forte cura percussus est nummus. Intelligitur idem ex primo familiæ Sanquinii, in quo caput cūsum est cum nomine M. Sanquinii III. VIRI. Nemo tamen existimat caput illud esse Sanquinii, sed vulgo censetur esse Augusti: quamvis Goltzius ad Iulium referat propter sidus capiti impositum, sed male. Imago enim hujus denarii, ut optime notat Vrsinus, est junioris cujusdam viri, nec Cæsarem Dictatorem repræsentare videtur. Sidus vero Iulium videmus æque ac in nummis Sanquinii, impositum capiti Augusti, in averſa parte aurei Tiberii Imperatoris, cum inscriptione DIVOS AVGVST. DIVI F.

Ec

*Tab. 74. num.  
23. & 24.*

Sed & visuntur alii nummi cum capite Augusti, quorum vtraque in parte nulla ipsius, sed alterius cuiuspiam sit mentio. Testis Hubertus Goltzius, nobilis ille sculptor, qui in Augusti numismatis, æreum Græcum in ipsius honorem a Cæsarensibus percussum exhibet, cujus anteriori in parte caput Augusti prænotat, cum inscriptione ΘΥΗΔΙΟΣ ΠΟΛΛΙΩΝ ΚΑΙΣΑΡΕΩΝ; in averfa vero templum cum, ΜΕΝΑΝΔΡΟΣ ΠΑΡΡΑΣΙΟΥ. At non existimatur vulgo caput illud esse Vedii Pollionis, cujus nomen in nummo, si fides Goltzio, qui equestris quidem ordinis fuit, sed libertini generis: quem etiam si viventem inter amicos adhibuit Augustus, ipsi tamen mortuo nullum honorem haberi voluit, immo & ædes ipsius, ut refert Nonnius ex Dione, ne quod ejus monumentum extaret, diruit, porticumque superextruxit Livie nomine. Quod si in propria causa testis esse possim, est mihi nummus æreus secundæ magnitudinis, insignitus capite Augusti, cum inscriptione L. P. O. L. M. Æ. V. I. V. S.: pars averfa similis est quarto nummo familie Petronie,



in qua visitur astrum inter falcatae Lunae cornua, sine vlla Augusti mentione: nec tamen quis existimet caput esse L. Mævii Pollionis, viri incogniti.

Non hic recenseo plures nummos capite C. Iulii Caesaris insignitos, in quibus nulla prorsus ipsius inscriptio, sed tantum Triumvirorum monetariorum, aut aliorum magistratuum, familiarum Flaminiae, Livinae, Mussidiae, Semproniae, atque etiam Vconiae. Non eos in quibus caput M. Lepidii cum inscriptione Sepulliae & Vibiae: alios etiam cum capite M. Antonii & nomine C. Sossii ipsius legati: in quibus omnibus nuda illustrium virorum capita reperiuntur cum nominibus magistratuum. Mitto, inquam, hos omnes, quia inscriptiones non apponuntur capitibus in anteriori parte, sed in averfa tantum; & satis superque ex praemissis exemplis & rationibus demonstratum est, caput Cn. Pompeii Magni posse reperiri cum inscriptionibus, & monumentis ad Sextum filium pertinentibus. Vnum addam circa nummum Nasidiae familiae, nomen Neptuni appositum capiti in

E c ij

eo expresse, cum delphino & tridente, posse innuere, illud esse Pompeii patris, ad similitudinem tertii nummi familiae Pompeiae, qui in honorem ipsius cusus est a M. Terentio Varrone pro Quaestore, cum sceptro, aquila, & eodem delphino, ad indicandum maris imperium Pompeio Magno delatum, cum adversus piratas Proconsulari potestate missus est, ut docet ipse Vrsinus. Mirum igitur non est, si Sextus aludens ad illud imperium maritimum patris, & celerem felicitatem, qua bellum illud confecerat vigente Republica, eum colat tanquam Neptunum alterum: cuius etiam veluti tutelae acceptos ferat felices eventus rerum secundarum in mari Siculo, tum cum classis Augustæa tempestatibus quassata fuit & disiecta.

Atque ut prosequar alios quosdam scrupulos, qui mihi suborti sunt in evolvendis familiis Romanis Ful. Vrsini: ad unum vel alterum Corneliae familiae nummum, si tua id ferat humanitas, VIR ILLUSTRISIME, me convertam. Unus est XV. ejus familiae, in quo caput diademate cinctum visitur



cum verbo FELIX: quod esse Fausti filii Sullæ, asserit Vrsinus. Scio Io. Fabrum, in comment. ad imagines Illustrium Vrsini, ejusdem esse sententiæ: & causam hujus ornamenti regii petere, ex eo quod Faustus sub Pompeio Magno militans, diadema quoddam ex spoliis Mithridaticis, post victoriam adeptus fuerit. Sed cur civis Romanus capiti suo imponat insigne illud regium, Reipublicæ adhuc vigenti intolerandum? cum pater ipsius etiam in summa potestate, vitandæ invidiæ causa Dictaturam deposuerit. Quin potius diadema in aversa parte nummi, memoriæ ergo posuisset Faustus, sicut videmus quatuor coronas in quinto denario tabulæ præcedentis, ad indicandas Sullæ victorias: si tamen honori Fausti verti posset spoliū illud, quod non ab hoste detraxerat in pugna, sed a Caio quodam Mithradatis col-

*Plutarchus in  
Pompeio.*

lactaneo acceperat, qui illud suffuratus fuerat e gazophylacio regis demortui, unde postea Phraati filio pœnas dedit. Liceat igitur pace cruditorum virorum suspicari, caput illud denarii xv. esse Iugurthæ regis:

E c iij

prorsus enim Africanum , barbaricum & βασιλικόν esse videtur. Notum omnibus est quid Sullæ cum Iugurtha fuerit : & perspicuum est in decimo sexto denario sequente , in quo videmus rem gestam , & in quo infelix ille Numida , Sullæ a Boccho socero vinctus traditur. Cur non ergo caput solum Iugurthæ reponatur in XV. nummo , cum integra & magis explicita historia cussa sit in XVI. præsertim cum vtriusque nummi similis inscriptio , rem vnam eandemque signare videatur , & illud Sullæ cognomen , FEELIX , æque apponatur in XV. denario , capiti illi de quo est controversia , atque appositum est toti historiæ Iugurthæ in XVI. Eiusdem sententiæ mecum fuit Gandavi , ante triennium , nobilissimus & rei antiquariæ peritissimus , Valcurius Schinkelius , qui inter plurimos exquisitæ raritatis & vetustatis nummos , huic nostro similem vnum possidet , & Iugurthæ nomine jam designaverat in loculis. Nobis etiam accessit calculus eruditissimi & urbanissimi Gevartii Antuerpiæ : quem hujus inclitæ civitatis tanquam præcipuum de-



cus , inuisi biennio antequam iterum hanc epistolam ederem.

Alter familiæ Corneliæ nummus est XXXI. qui averſa in parte ſtatuum equeſtrem exhibet , quam Auguſti eſſe cenſet Vrſinus , cum inſcriptione COSSVS CN. F. LENTVLVS. Ego libenter inquirerem , an non etiam referri poſſet ad victoriam & trophæum A. Corneliſ Cofſi , qui Conſul fuit anno V. C. CCCXXV. Quippe inter ædes ſacras vetuſtate collapſas , aut incendio abſumptas , quas reſtauravit Auguſtus , memoratur Templum Iovis Feretrii , in quo reſtituit opima ſpolia , quæ Cofſus Larti Tolumnio Veientium regi ad Fidenas interfecto detraxerat , ac Iovi conſecrarat. Itaque trigefimus ille primus nummus , forte cuſus eſt in memoriam priſci illius herois , & ad referendam gratiam Auguſto , qui vetuſtum familiæ Corneliæ decus jam pæne abolitum renovavit. Eoque lubentius irem in hanc ſententiam , quod ſtatua equeſtris illa , dextro humero infert opima ſpolia ſive trophæum.

Sed plus juſto procedit epistoſa noſtra , neque ſuis ſe finibus continet , quos vt ad-

hibeamus tandem , vnicam addemus dubi-  
tatiunculam de tertio nummo æreo Græco  
familia Papiriæ. Ille siquidem minus vide-  
tur tribuendus C. Papirio Carboni , fratri  
Cn. Papirii Carbonis ter Consulis ; neque  
item C. Carboni , qui Prætor fuit , & Con-  
sul anno V. C. DCXXXIII. cum P. Manilio.  
Multo minus C. Carboni , qui Prætor anno  
DLXXXV. Sardiniam & Corsicam obtinuit.  
Neque enim , vt censet idem Vrsinus , a Ni-  
cænsibus Corsicæ populis cusus est , sed  
Nicææ in Bithynia percussus fuit. Quod pa-  
tet ex aliis ejusdem provinciæ nummis ,  
eodem nomine C. Papirii Carbonis insigni-  
tis : quorum vnus loco ΝΙΚΑΙΕΩΝ , habet  
ΝΙΚΟΜΗΔΕΩΝ. At Nicæa & Nicomedia  
sunt primariæ civitates vnus & ejusdem  
Bithyniæ. Sed & alterum possideo cum  
verbo ΒΙΘΥΝΙΕΩΝ , & eadem inscriptio-  
ne C. Papirii Carbonis. Nullus itaque su-  
perest dubitandi locus , quin cusi fuerint hi  
nummi in Bithynia , & quidem ab eo ,  
quem apud Dionem me reperisse autumo ,  
C. Papirio Carbone ejusdem provinciæ re-  
ctore. Ille siquidem cum accusasset M. Cor-  
tam



tam Bithyniæ Proconsulem , qui magnam vim pecuniæ , decedens ex eadem provincia corraferat , ob eam accusationem , quamvis præter plebis Tribunatum , honorem nullum alium gessisset , Consularibus tamen honoribus exornatus est , vt refert Dio circa annum V. C. DCLXXXVII. Acilio Glabrione & Pisone Coss. pro consuetudine istius ævi , qua præter pœnas reis peculatus inflictas , etiam accusatoribus honores habebantur. Sed cum ipsemet Carbo postea eandem Bithyniam obtineret , & nihilo quam Cotta leuius peccasset , ab ejus filio vicissim in iudicium tractus reusque peractus est. Cum igitur C. Papirium Carbonem rectorem Bithyniæ teneamus , cuius nomine cusi sunt nummi per totam eandem provinciam , ac præcipue Nicææ & Nicomediæ , non est cur recurramus ad alios superioris ævi , atque ad Nicæenses Corsicæ populos. Lib. 36.

Hæc sunt paucula , VIR ILLVSTRIS-  
SIME , quæ tuo examini submittenda censui , tum  
quia primas agis in excelsissimo antiquita-  
tis Romanæ theatro , tum quia id mihi de  
Ff

226 DE NVMMIS POMPEIANIS.

tua singulari benevolentia polliceor, si quid  
a me peccatum fuerit, amica correptione  
emendatum iri. Quod si hoc ipso, aliquam  
lucem Commentariis Vrsinianis accedere  
reputes, ut facile est inventis addere, &  
præeuntem sequi, quantillum sit, tuæ eru-  
ditæ consuetudini me debere profiteor.  
Vale, VIR COLENDISSIME, diu te  
incolumem præstet Deus Opt. Max. rei li-  
terariæ, ac me continuo ames, qui totus  
sane sum ex animo tuus. *Ex Museo nostro  
Parisino prid. Non. Iun. A. R. S. M. DC. LX.*

FINIS.





## ADDENDA ET EMENDANDA.

**M**ONVIT me pro sua intima benevolentia R. P. Gabriel  
 Cossartius S. I. super nummo Græco æreo Maximini pag.  
 168. exhibito, inscriptionem ΒΡΟΥΖΗΝΩΝ, in aversa ipsius  
 expressam, quam ego ad Prusam Bithyniæ retuli, pertinere posse  
 ad ΒΟΥΖΑΝ urbem quam Stephanus in Ponto sitam refert: id-  
 que siliteram P. post O. reponamus, unde translata esse errere mo-  
 netariis credi potest: ita ut legatur ΒΟΥΖΗΝΩΝ. Ego tanti  
 viri, cujus eruditionem suspiciunt literati omnes, auctoritati  
 lubens assentior. Ceterum lectorem scire interest, in quibusdam  
 nummis supra memoratis, omissam fuisse magnitudinis aut me-  
 talli mentionem: ut in nummo Mytilenæo pag. 18. in nummo  
 Phthiæ pag. 50. Cleopatrarum pag. 55. Iotapes pag. 59. Iuliarum  
 Proclarum pag. 61. & Othonis pag. 127. qui omnes ærei sunt, &  
 secunda seu mediocris magnitudinis.

Rursum pag. 4. lin. 11. pro *in*culpsit, lege, *in*sculpsit. p. 25.  
 l. 2. secunde, leg. tercie. p. 35. l. 13. ΑΑΦ. leg. ΡΗΦ. p. 39. l. 2.  
 Αμασία leg. αμασία. ibid. l. 15. & in nummo ΑΚΦ. leg. ΑΛΦ.  
 p. 78. l. 24. ΜΥ. leg. ΜΥΝ. p. 101. l. 9. patrem leg. patrem,  
 p. 116. l. 12. ΔΙΚΤΥΝΝΑ. leg. ΔΙΚΤΥΝΝΑ ΚΡΗΤ. p. 128.  
 l. 8. corrosa. leg. corrosa, & hic pro libito calatoris expressa. p.  
 132. l. 19. Peireskij. leg. Peirescij. p. 141. l. 6. dextra pateram  
 gestantem. leg. dextra extensa. p. 156. l. 15. secunde. leg. prime.  
 p. 157. l. 4. & Panthera. leg. vel Panthera. p. 175. l. 2. Rhetor-  
 um. leg. Rhetavorum. p. 177. l. 13. dextra stimulum &c. leg.  
 dextra flagellum, leva stimulum aut gladium. p. 182. l. 4. parti-  
 bus suis. leg. partibus ipsius. p. 195. l. 7. DCCCXXXIII. leg.  
 DCCCXXXIII. ibid. l. 23. ad marginem lege, lib. 5. c. 41. In  
 Summa Privilegij l. penult. LXV. lege LXIV.

Ff ij



## SELECTIONVM NUMISMATVM

### INDEX ALPHABETICVS.

Sive capita exhibeant, sive solam  
inscriptionem.

*Paginam indicant numerales notæ.*

<b>A</b> Grippina Claudii. <i>Colossus cum trophæo.</i>	52
Alexandri Epirotæ nummus. <i>Fulmen.</i>	54
Alexander Severus. <i>Indulgentia aug.</i>	166
Antinous. <i>Gryphus figuram ipsius efferens.</i>	143
Antinous. <i>Vpupa.</i>	143
Antoninus Pius. <i>Serapis Ammon.</i>	3
Antoninus P. <i>Damneus.</i>	17
Anton. P. <i>Rhea partus.</i>	118
Anton. P. <i>Iupiter in nubibus.</i>	147
Anton. P. <i>Rhodope.</i>	150
Antoninus Caracalla. <i>Hercules Tyrius.</i>	164
Antonius cum Augusto & Octavia. <i>Triremis Sicula.</i>	95
Antonius. <i>Caput M. Antonii filii.</i>	99
Augustus Mæviæ Gentis. <i>Astrum in luna crescente.</i>	80
Augusti nummus Patrensis. <i>Moneta impetrata.</i>	102
Augustus. <i>Cupido in Delphine.</i>	106
Aug. nummus Cæsar. <i>Signa militaria.</i>	108

### B

<b>B</b> Albinus. <i>Templum Solis.</i>	122
Britannicus Cæsar. <i>Figura stans.</i>	119
Britannicus Nummus. <i>Digamma.</i>	194



INDEX.

G

Cæcili Aquini nummus. <i>Tripus.</i>	77
Caninii Agrippæ num. <i>Cap. Roma.</i>	65
Charondas. <i>Catanensium num.</i>	189
Cleopatra Physconis. <i>Cornucopia.</i>	55
Clodii Pulchri num. <i>Bini serpentes.</i>	69
Cotys. <i>Cap. incognitum.</i>	35
Cyzicus. <i>Faces cum serpentibus.</i>	21

D

Dæcius Imp. <i>Rhea cum Curetibus.</i>	186
Diana Augusta. <i>Ceruus.</i>	53
Diana Persica. <i>Ara ignita.</i>	10

E

Eprii Marcelli num. <i>Cap. Iuvenile.</i>	91
---	----

G

Galb. <i>Cap. muliebre.</i>	123
Gordianus III. <i>Templum Iunonis Samie.</i>	171
Gordianus III. & Tranquillina. <i>Col. Cingara.</i>	173

H

Hadrianus. <i>Patientia Aug.</i>	141
Herodes Chalcidensis. <i>Claudio Augusto.</i>	41
Hildericus. <i>Carthago Felix.</i>	43
Hippone. <i>Libera.</i>	12

I

Idrici num. <i>Cap. Solis.</i>	28
Ininthimevus. <i>Cap. barbarum.</i>	39
Iorape. <i>Gammarus.</i>	59
Iulia Domna. <i>Triumphus Bacchi.</i>	157
Iulia Procla. <i>Apollo sedens.</i>	61

# INDEX.

## L

**L**Vcilla L. Veri. *Rex Mannus.* 152

## M

**M**Arinus. *Roma sedens.* 180  
 Maximinus & Maximus. *Neptunus cum Trisonibus.* 168  
 Moneta. *Salutaris.* 7  
 Mytilenæus num. *Deorum figura quinque.* 18

## N

**N**Afica. *Cap. bovis.* 82

## O

**O**Tho radiata corona insignis. *Cap. incognitum.* 128  
 Otho laureatus. *Caput Isidis.* 131  
 Otho argenteus tetradrachmus. *Aquila.* 132

## P

**P**Ertrinox. *Liberatis civibus.* 154  
 Philippus F. Imp. *Tres furie.* 177  
 Phthia. *Fulmen.* 51  
 Ptolemæus Lagi, & vxor. *Ptolemæus Philadel. & vxor.* 47  
 Pythonices Regina num. *Cap. Tiberii.* 38

## R

**R**Hescuporis. *Caput incognitum.* 35  
 Rhæmetalces. *Augustus.* 33

## S

**S**Ardianus nummus maximus. *Raptus Proserpina.* 22  
 Sardonianus mediocris. *Proserpina stans.* 23  
 Sebastianus tyrannus. *Roma sedens.* 183  
 Septimius Severus. *Medusa caput.* 140  
 Sept. Severus. *Roma sedens.* 140  
 Serapis. *Inscriptio Græca.* 2



## INDEX.

Seuthes. <i>Eques decurrens.</i>	31
Smyrna Amazon. <i>Leo gradiens.</i>	25
Smyrnæorum Prytanes. <i>Cap. turritum.</i>	27
Sors. <i>Tessera lusoria.</i>	13
Sosii nummus. <i>Caput M. Antonii.</i>	83
Suillii nummus. <i>Templum.</i>	88
Suillii num. <i>Cap. Claudii Imp.</i>	89

## T

<b>T</b> Hefsalonicensium nummus. <i>Cabirus.</i>	15
Tiberius Eques. <i>Signa militaria.</i>	109
Tiberius. <i>Augustus.</i>	113
Trajanus. <i>Dictynna.</i>	116
Trajanus. <i>Serapis.</i>	121
Trajanus. <i>Noctua columna imposita.</i>	138
Trebonii & Statii nummus. <i>Cap. Vulcani.</i>	85
Tullius Cicero. <i>Angues duo.</i>	71

## V

<b>V</b> Alerianus. <i>Lunus Deus.</i>	94
Ventidii nummus. <i>Cap. M. Antonii.</i>	184
Vespasianus. <i>Iuppiter stans.</i>	135

## Z

<b>Z</b> Enobia. <i>Spei typus.</i>	63
-------------------------------------	----



---


SVMMA PRIVILEGII.

**C**AVTVM est autoritate Regis Christianissimi, ne quis in Galliarum regno hec Selecta Numismata Antiqua ex museo PETRI SEGVINI absque ipsius consensu intra decennium excudat aut dinendat: qui secus fecerit, indicta multa prout amplius in ipso Regio diplomate continetur, coercebitur. Dat. Lutetia Parisiorum pridie Kal. Ian. A. S. M. DC. LXV.

Sign. BRAIER.


17438


















005644981



